









FR. BALDVI

NI RESPONSIO

ALTERA AD IOAN.

Caluinum.



PARISIIS, M. D. LXII.

Apud Guil. Morelium typographum
Regium.

Privilegio Regis ac Senatus.

IOANNES VETVS CARO-
LO LOTARINGO PRINCIPI

& Cardinali Illustriss.

HOC anno Ioannes Calvinus & Franciscus Balduinus inter se contendunt, inæquali quidem iure, sed tamen non dissimili robore, nec impari lacertorum animorumque contentione. Non enim Caluino aduersarius nobilior potuit existere, cum quo gloriose in arenam aciemque descenderet: at non eidem causa leuior & iniquior subesse, ex qua pugnandi occasionem ansamque arriperet. Quid enim Calvinus, aut quorsum Balduinū laceisset, à quo nulla iniuria, sed ne verbo quidem sit vnquam violatus? Quæritur de quodam libro, qui superiore anno in Germania est euulgatus, & Pij viri, ac Reipub. tranquillitatis studiosi titulo argumentoque donatus: cuius quidem libri Balduinum auctorem fuisse confingit. Primum, quid est quod ille liber rãopere indomitam hominis bilem concitat? Vtrum audito pii viri nomine offenditur, quasi pii viri appellationē memoriãque de mediò sublatã esse velit? An vero quod componendorum dissidiorum ratio aliqua ab auctore perquiratur: ipse autem dissidia non placari, sed crescere, sed disseminari malit, ac propterea concordie pacisque arbitros & mo

deratores, veluti iuratos hostes, oderit? Mirū
vero hominis ingeniū, qui tamen hoc vnum
à Deo singulariter intelligit esse præceptum
commédatum, vt litium modum, & mutuam
inter nos ipsos gratiam appetamus, vt in ean-
dem sentētiā beneuolentiāque coeamus,
conditiones nihilominus conciliandæ Eccle-
siæ atque hominum societatis negligat, refu-
giat, infectetur. Deinde vt liber ille nauseam
male affecto eius stomacho cōmouerit: an cō-
tinuo in Balduini sinum cruda suæ iracundiæ
frusta turpiter euomere nunquam intermit-
ret? Sed aliud est profecto, quod hominē dis-
cruciauit. quod quale fuerit, videor tandem,
nisi fallor, coniiciendo & indagando assecu-
tus. Nam quo tempore bonus nimirum ma-
gister è sua schola eos in Galliam dimittebat,
qui dissensionum, quas toto regno ardere cer-
nimus, faces præferrent, eodem pene Baldui-
nus è Germania in Regis Nauarræ clientelā,
multorum votis studiisque expetitus, venie-
bat. Nescio an Calvinus à Balduino sibi me-
tueret, quem plurimorum cōsiliorum testem
consciūmque, nulli tamen culpæ affinem ali-
quando habuerat: certe publicæ tranquillita-
tis amantem, minimèque turbulētum & an-
tea fuisse, & perpetuo fore sciebat. Itaque illū
in Gallia minus æquo animo perferre cœpit,
& nonnihil etiam subuereri, ne si à patrono
suo Rege serenissimo, & de motuum compo-

nendorum rationibus deliberāte, atq; adeo ab aliis proceribus auditus esset, vt audiri cœperat: concordia cōstitutā, spes omnis explicandæ proferendæque factionis, ipso statim initio interrupta penitus concidisset. Hæc opinio paulo post quorundā, qui factioni incumbebāt, literis confirmata, magistri suspiciosi, nimiumque meticulosi exulceratū animum ita perculit, vt violentus & furens repente ad Balduinum conuitiis dilaniandum, intemperanti Bacchantium more, æstūque præcipiti & effrenato proruperit. Nullum, opinor, maledictum ne in flagitiosissimis quidem lustris & helluationibus iactari solet, quod non hic censor Theologus è suo copię cornu eruerit; & in viri optimi doctissimique caput indigne atque inuidiose contorserit. Quid autem Balduinus? Miratur sane tam improuisum aduersarii furorem, tanto iracūdię impetu in se cōcitatum: & eo quidem magis miratur, quod cur eo tam impudens calumnia sese proiecerit, nullam omnino causam suspicari aut diuinare possit. Nam neque de libro illo quicquā resciscebāt, nisi quod Cassandrum cuiusdam libri, qui tunc à plerisque legeretur, parētem fuisse accipiebat: neque aliū de abs se oblatam exercendarum inimicitiarū occasionem vel leuissimam vnquam fuisse sciebat. Ergo vt importuno cōuitiatori, quem tamen non nominabat, satisfacere, quanta maxima potest, vel

etiam maiore, quam debet, modestia & conti-
nencia respōdit, eidēque collectas ex libris
Iureconsultorum, leges, quæ aduersus scele-
ratos calumniatores perlatae reperiūtur, tem-
perate proponit, vt tandem aliquantum terri-
tus aduersarius caluere calumniarique desue-
scat. Idque sperans, & propterea iam securus,
Lutetiam quam plurimorum togatorum pre-
cibus & literis accersitus, perpetuæ iurispru-
dentia cum vniuersa historia vtilissimam, &
hactenus à paucis intellectam coniunctionē
profiteri cœpit. Qua in coniunctione tantam
literarum omnium & antiquitatis scientiam
profert, vt minimè pigeat doctissimos Curia
summæ patronos in iuris & legū studio vsq;
diu & multum versatos, tamē Balduino, tan-
quam Moloni cuidam Apollonio, sese reco-
quendos tradere. Quatuor aut quinque men-
ses in suscepta duarum difficillimarū rerum
professione, assidua operā, & incredibili au-
dientium applausu perduxerat, cum ecce ite-
rum terribiora conuitorum fulmina ex la-
cu Æoli, vel potius Vulcani Lemno aduchū-
tur: quæ quidem vt Balduinum nihil de gradu
constantiaque deiciant, multorū tamen offi-
ciosissimorum auditorum animos nō medio-
criter offendunt, qui cum grauitè ferant ad-
uersarii importunitatem toties sine causa re-
petitam, tum verò magistri sui innocentis exi-
stimationem calumniis proterne appeti, &

quietem interturbari ægerrime patiuntur. Et certe memini plures tunc ex nostro numero, id est, ex Balduini amantissimis discipulis, viros graues, & dicendo, scribendoque exercitatos præsto fuisse, qui eius causam ardentissime acturi fuissent, & aduersarii *μαχηραὶ* audaciãq; refrenaturi, si eorũ patrocínio vti & ad isti⁹ exẽplũ, auxilios adhibere scriptores, optimus doctor voluisset. Verũ ille laudata suorũ erga se volũtate, tãtũmodo postulauit, vt paululũ sibi ocii & temporis ad respondendũ cõcederent. Itaq; triduo sumpto, hanc quẽ nunc editur, alteram defensionem festinanter partim scripsit, partim dictauit. quam quia in eo æstu prope tumultuarie effudit, & ab hoc scriptiois genere vehementer abhorret, nonnullos veteres imitari instituerat, qui sæpe multa scripserunt, quæ ipsi non ediderunt, & proinde *αἰεδοτα* appellarunt. Sed ne id faceret, complures auctoritate & fama excellentes viri intercessere, qui non solum Balduini, sed etiam Reipub. interesse iudicarunt hanc defensionem quam primum euulgari, ne nimium procax & proteruus aduersarius sine sudore & sanguine suos pænas caneret. Neque verò iidem existimarunt aliã esse necessariam perpolitionem huius responsionis, quam primo calore, tanquam abortiuo partu sese acerbe denuo prouocatum, & iustissima offensione commotum eiecisse auctor dice-

4.
bat. Nam & ipsi reputabāt illud Quintilianū:
*In maximo dolore nulla est observatio artis, sed ab
exordio usque ad ultimam vocem, perpetuus quidam
gemitus: & argumentis uti licet mixtis & confusis.*
Quamobrem eorum rogatu nō dubitavi ipse
edere primam hanc, quę in meas manus inci-
derat, vix licet ab auctore per textā informa-
tionem æquissimę querimonię, qualęcunque
vel ab invito iustus dolor expresserat. Credo
equidem si ocii plusculum nancisci, seriisque
maiorum studiorum occupationibus aliquid
detrahere, vel sua bibliotheca, qua eum etiā-
num esse destitutum scio, uti potuisset, fusius
fortasse aliquot, quos non nisi obiter attigit,
illustriores & nobiliores locos pertractasset,
in quibus eo lubentius institisset, ut ab homi-
ne inimico suas cogitationes ad rem ipsam,
quę plus esset allatura utilitatis, plane cōver-
teret. Verum id alias fortasse licebit. Interea
hęc Balduini defensionē ad te referre, certis
de causis visum fuit. Nā aduersarius ipse te iu-
dicē veluti appellat, cū multa affirmet, quę nō
nisi tuo testimonio refelli possunt: & res ipsa
iudicii tui vim, admirabilēmq; sapientiā ne-
cessario flagitare videtur. Cui enī, quæso, hu-
tus cōtentionis disceptatio potius debeat,
quā tibi, cuius maximū studiū in religionis co-
gitatione, & dissidiorum conciliatione trans-
mittitur? quēque memoria tenemus dicen-
do, disputando, cōcionando, pertinacissimis

exquisitisque aduersariis palmā præreptam
reportasse? Quod quidem vestro illustriss. ge-
neri & familiæ nobiliss. veluti proprium esse,
etiam recordor. Nam & antiquitatis memo-
riam ex annalibus nostris repetens, & ad hæc
vsque tempora quàm longissime perducens,
reperio vestrum genus & nomē ad religionis
integritatem vel constituendam, vel recupe-
randam, à Gottifredo Duce Bullonio in mul-
tos annos fuisse propagatum : quem ducem
vna cum Eutatio & Balduino cōcordissimis
fratribus, Christianorum, qui nomina in sa-
crum bellum dederant, copiis non modo ad-
fuisse, verumetiam præfuisse, cuiusque armis
sanctæ terræ possessionem ex barbarorum ma-
nibus & faucibus receptam fuisse atque cōser-
uatā accepimus. Sed vt nunc quod instat aga-
mus, en tibi Balduinum Caluini petitionibus
fortiter obnitentem, quem oculis animisque
persequimur, lubēter offerimus, vt, te iudice
amplissimo, clarissimus Iurisconsultus cū ma-
gni nominis Theologo commissus, quanta
iuris ac veritatis vis sit, ostendar. Vale. Lu-
tetix Parisiorum, Idib. Iul. M. D. LXII.

R E S-

RESPONSIO ALTE-
RA FR. BAL. AD
IO. CAL.



O M M E N T A -
rium ad leges de Libel-
lis famosis & de calūnia-
toribus, ego anno supe-
riori, de via longa defes-
sus multisque grauiori-
bus molestiis fatigatus,
neque ocio minus, quam
libris meis destitutus, in aulico procinctu re-
pente atque adeo tumultuarie scribere simul
& edere coactus fui, cum ex Germania reuer-
sus, non modo viderem, indignis calumniis
& famosis libellis optimum quenque vexari,
sed & incidissem in furiosam famosi cuiusdā
conuiciatoris atque capitalis calumniatoris,
de quo iam pridē nihil alioqui cogitaueram,
declamationem, quæ me pro alio correptum
& importune exagitabat, & crudeliter pro-
scindebat: & verò antequam respirassem, mi-
ro artificio iugulum petebat meū. Vt autem
gemens & inuitus ad illam necessariā defen-
sionem mei capitis & fame, depulsionemque
contumeliosæ iniuriæ pertractus sum: sic vi-
ros bonos, & sanos, & sedatos, hoc est, omnes
aduersario dissimiles, gaudeo iudicasse (quod

multis eorum ad me literis confirmare possum) neque iniquam, neque intemperantem illam fuisse: atque adeo miratos esse, non fuisse vehemētiorem, cum quidem scirent in medio præcipitis festinationis, indignationisque iustissimæ calore effusam esse, & meminissent (quod lex ait) difficile esse iustum dolorē temperare: simulque intelligerent, quā indigne essem lacepsitus, & quam multa tamen, quæ accusatori tam proteruo debueram potueramque verissime obiicere, honoris eius (cuius nomini peperci hætenus) causa, tacerem atque suppresserem. Etsi autem cum hominis naturam & ingenium nossem satis, cum neque vlla oratione placari, neque vllis leguminis reprimi posse, ut aut deinceps quiesceret, aut peccatum, cuius erat conuictus, confiteretur: imo verò non nescirem, tanquam feram, quæ cū irretita tenetur, magis irritatur, magis atque magis rabiem suam inflammaturum esse: tamen non inuitus audiebam, bonos quosdam & simplices sponsores, qui, quia illum non nouerant satis, prolixè pollicebantur, superiori mea admonitione repressum, fore deinde in maledicendo continentiores. Et ecce cum illi ita me consolarentur, terribiliori cum fremitu iterum prodit idem illius libellus famosus in linguam Gallicam conuersus, atrocioribus etiam conuiciis (ut in ea lingua est eius factionis ad maledicendum

mira facundia) refertus: neque scurrilibus modo dictis, sed etiam repetitis ex lenonum ganeis obscœnorum scommatũ flosculis comptus, simul & fulmineis anathematismis armatus, vt in vulgus sparsus multitudinem rerum imperitam (quam magister iactat se solo sibilo impellere quouis posse) in me, vt hac arte in alios solet, concitaret. Ac quidem, qui hanc eius recoctam fabulã venditabant, cum de mea responsione admonerentur, suauiter riserunt, dixerũtque sese scire satis, falsò mihi impingi quicquid conuiciator affungebat, neque errore, sed dolo me pro alio peti. Verum auctorem ita agere solere, neque vllis, quas protuleram, legibus cum teneri: imo verò Dictatori licere, quo iure, qua iniuria, quos veller, proscribere. Hæc ego audiens, iterum attonitus obstupui, & potius quam Gallica vicissim responsione ad vulgus vterer, Deum meliorem iudicem cum lachrymis appellauit: eoque præsidio cõtentus experiri volui, num silendo sedare posset patientia mea effusam iracũdiam biliosi Magistri. Iamque fatua nescio qua spe prope securus, cœperam melioribus me studiis dare, & ad duas, iuris Ciuilis & historiæ vniuersæ, prælectiones quotidianas, in quibus essem, vt etiamnum sum, totus, sum aggressus, quo magis abs tristi conspectu funestissimarum factionum, quæ nũc tumultuantur, reuocatus, me domi cõtinerem, me-

lioniſque conſcientia in literis bonis acquieſcerem, & interea me cedente, in ſuo curriculo elatus, & triumphans in puluere Olympico, ſuperbiſque quadrigis inuectus, ſatiare ſuam ambitionem poſſet aridus hic Olympionices. Et verò iam aliquot menſibus beatus, nihilque præterea metuens, placide me illis quas dixi, prælectionibus addictum additumque incluſerã, & cum legibus hiftoriam veterem reuoluens, non minus mihi conſolationis, quàm auditoribus meis vtilitatis adferre videbar: neque non me boni conſolabàtur auditores, qui fortaffe aliquando ſedebunt iuſtiſſimi iudices earum turbarum, quas in hoc Regno ciet aduerſarius. Ac huius licet claffica aures noſtras circumſonarent, tamen aliquid ocij quietiſque, illum, interea dum alibi bellum gerit, ſuburbanæ noſtræ Academiae conceſſurum eſſe, imprudens putabam: ſaltem paſſurum eſſe, vt is, quẽ iam annis prope xx. iactatum circumagit, aliquando reſpiret. Et ecce, ne longæ eſſent hæ induciæ, (quod etiam mihi minaces quidam eius emiſſarij denunciauerãt atque prædixerant) noſter belator collectis nouis anathematum plauſtris, iterumque in me inuehitur, falcatiſque veluti curribus inuectus, plures etiã aurigas ad congerendum maiorem maledictorum cumulum conducit, & (ne nõ det ſpem aliquã cõuerſionis) conuerſit quicquid poteſt, vt quadrato

agmine impetum in me faciat. Itane vero fortissime Ioannes (nam cum nomen tandem tuum edideris, bona gratia mihi licebit te tuo nomine compellare) ad eum proterendum, quem non pluris, quàm muscam, facis, tot elephantis opus fuit, quos in prima acie, atque adeo in fronte libri tui collocas? An eò te recidisse putas, vt tales triarios accerfas, qui tibi veluti deficienti succenturiètur? & veluti carceribus refractis seruos & fugitiuos ad arma voces? Ergo iterum, vt attonitus trepidè, tua tuorumque Chalcographorù buccina *procul ere canoro increpuit, Et tuba terribili sonitu tantara dixit:* cumque tam multos vbique hostes magnos & fortes habeat hic Thrasymachus, qui eum prouocèt, iis relictis, me vnum quem libris ciuilibus inhaerentem, secure contemnere poterat, iterum gladiatorio animo impetit, quémque antea confoderat, conficit. Quid istud tãdem est mi Ioannes? Multi abs Theologo reformato expectabant aliquam pœnitentiam, errorisue deprecationem. An theologica esse dicetur pœnitentia alicuius latronis, qui cum incautum viatorem spoliavit atque vulnerauit, posteaquam de suo flagitio admonitus est, redit: & quem saucium atque semiuuium reliquerat, iugulat? Equidem putabam me aliquo veluti poppysmo, quo dormitores equorum vti solent, lenisse tuam ferociam: & ecce nunc videor cicadam ala corri-

puiſſe. Putabā cum noſtras de Calumniato-
 ribus leges ederem, frenum aliquod tuæ ma-
 ledicentiæ inieciſſe: & ecce tuæ petulantiæ cal-
 car addidiſſe videtur illarum recitatio. Nam
 neque putas te talibus legibus teneri, & for-
 taſſe tibi iniuriam fieri putas & iraceris, cum
 ad earum ius reuocaris. Quid facerem? quia
 eas doceo, putaui mihi licere iis vti. Neque
 tamen in eo argumento deorat, quod ex ſa-
 cris literis tibi obiicerem. Quid enim illæ ma-
 gis, quàm *ſc. Collo* execrantur? Sed bona tibi
 dicam fide. Non auſus ſum eas tibi obicere,
 ne magis te irritarem. Nam & verebar, ne cla-
 mares non eſſe meum, eas attingere, quas in
 tua vnus eſſe poteſtate gloriaris. Verebar, ne
 ſi in eas te præſente ingreſſus eſſem, Theolo-
 gus Iuriſconſulto litem finium regundorum
 intēderet, vel me potius nouo interdicto pro-
 pelleres. Age verò, tu tuo more agere viſ?
 Cum declamas, cum accuſas, cum calumnia-
 riſ, non viſ in ius venire: neque magis eremo-
 dicij, quam calumniæ pœnam reformidas,
 quia leges noſtras cōtemnis. Fremis etiam &
 indignariſ, cum infelix reus obiecta crimina,
 quæ pernegat, contendit ab accuſatore pro-
 bari debere. Ergo quid hic aliud poſſum, quā
 cedere? ſicuti facerem, ſi tu me ad duellū pro-
 uocares, præſertim cum meæ diſciplinę ſit viſ
 feſtucaria, potius quam illud. *Non ex iure manu
 conſertum, &c.* Quid? cum audiam alterum eſſe

te Periclem, qui tonando, coruscando, fulminando permiscuit Græciam: tibi que etiam tribuatur illa vis Periclis, qui cum ab aduersario victus atque prostratus erat, tamen declamando aliis persuadebat se vicisse, aduersariumque iacere prostratum: quid ego tecum verbis contendam? Et quid tandem me miserius erit, si sepius in hoc certamen descendere cogar, ex quo etiam qui victor discedit, non discedit nisi deterior? Ergo protestatus antea sum, quod nunc iterum dico, fugere me, quam ita tecum pugnare, malle. Ac, si vis, iterum confiteor, me tibi non esse parem in tali arena. Tu iam pridem in isto puluere maledicendi atque declamandi exercitatus es: ego in umbra imbellium civiliumque disputationum educatus. Tu magnus & potens populi Magister es, multis & ministris & mancipiis armatus, & satellitibus septus, & factionum ducibus subnixus: ego legum non tam Doctor, quam studiosus, nullis viribus, nullis clientelis, nullis denique præsidiiis munitus. Tu ingeniosissimus, doctissimus, facundissimus, clamosissimus, & quid non? ego nullius ingenii, exiguae doctrine, puerilis infantiae. Denique tu miles veteranus, ego tiro rudis. Ergo omnia tibi largior & concedo. Quid me iterum lacesis? Et si me, hominem inermem & imbellem, & (ut quidam nuper ex tuis Mirmillonibus dicebat) animi prope effœminati, vincas, frangas,

prosternas, proteras: quid tuæ gloriæ, quid
tuis triumphis ex tali trophæo accedet? Te-
nes vetus illud,

-nullum memorabile nomen,

Famine in pœna est, nec habet victoria laudem.
Et quoniam eo Poeta delectari me gaudes, &
eius (vt ais) tinnitu demulcere te cupio, tibi il-
lud quoque occurrat,

Egregiam verò laudem & spolia ampla refertis,
Tūque puerq; tuus, magnū & memorabile nomē,
Vna dolo diuum si famina victa duorum est.

Quid? Si serio pedem conferre velim & con-
grediar tecum, vereor ne statim tuus armiger
rideat, cum Achille Troilum cōgredi, & eius
pugnæ tabulam tui pictores venditent cum
hoc eiusdem Poetæ carmine,

Parte alia fugiens amissus Troilus armis,
Infelix puer, atque impar congressus Achilli,
Fertur equus, currūque haret resupinus inani,
Lora tenēs tamē, huic ceruixq;, comaq; trahūtur
Per terram, & versa puluis inscribitur hasta.

Et verò cū te nossem, diligēter mihi sem-
per cauissē videbar, ne tuam bilēm irritarem.
Nam & memineram quod Plato in Minoe
monet, genus irritable vatum non esse offen-
dendum aut lacessendum. Audiebam quid
olim Archilochus minitās respondisset, quid
Horatius ipse, - qui me commoritur,

Flebit, & insignis tota cantabitur vrbe.

Sed vt antea me vltro impetisti, cum de

te nihil cogitarem, sic nunc rursus abs te la-
 cessitus, fugere cæderéque malim quàm in
 hanc, in quam me vel inuitum trahis, arenam
 descendere: & potius quàm retiarius videar,
~~piscis~~ dici non recuso. Nam & quam mul-
 ti ridebunt male cõmissum par gladiatorum,
 illinc Theologi magni & terribilis, hinc iuris
 studiosi timidi, miniméque pugnacis. Fortas-
 se quosdam audiré, qui me reuocant fugien-
 tem, & aduersarium, qui se inuictum esse fin-
 git, vinci posse aiunt, cum priori impressione
 iam offenderit, & impingens seipsum prope
 deiecerit.

- & fragili cupiens illidere dentem,

Infregit solido.-

Sed nostrum dentatum
 sentio iis quibus vti nolim, telis esse armatũ.
 Scio equidem Deum interdum velle funda
 puerili frangi istos tam minaces superbósque
 spiritus magnorum Gigantum. Sed ex histo-
 ria Dauidis lubentius didicerim, cedere tu-
 multuanti Saülo, præsertim cum minime ad-
 spirem ad illud solium, quod affectas, neque
 etiam mihi quicquam in eo iuris sit: liceat mi-
 hi modo, bona tua gratia, quosdam psalmos,
 quos David Saüilum fugiens, ad Deum con-
 uersus cecinit, gemédo canere, iisque nos con-
 solari, quibus ille animum obfirmavit suum
 aduersus tot ærurnas, tam importunam cru-
 delitatem inuidiæ, tot insidias calumniæ, tot
 spicula linguæ venenatæ. Neque tamen pro-

pterea minus tibi, si quid precando tibi prodesse possimus, bene precari desinemus. Imo vero si qua nobis esset vel lyra vel cithara, qua exemplo Davidis, possemus aut sedare aut lenire maniam furentis aduersarii, nullum nobis antiquius carmen esset. Olim tuus Caius Gracchus, cum ad populum concionaretur, post se habebat puerum musicum, qui eburnea fistula leniter reuocabat nimis cōcitatos impetus concionātis Tribunipleb. Sed nos tam musici non sumus, quàm non sumus medici: & tu tam melancholia tua delectaris, vt si monitores eam discutiant, exclamaturus sis quod ille apud Horatium,

Pol me occidisti amici,

Non seruastis. — Equidem nihil ferre facilius possum, quam vt me conspuas, si bilem tuam vomendo sanare possis, vt abs te audire istuc Ciceronis, *χρὴν ἄκραν* eieci: statim ita sum leuitus, vt mihi Deus aliquis medicinam fecisse videatur. Sed vereor, ne si non cogaris reforbere tuum vomitum, biliosi istius humoris, quo redundas, fons vberior ebulliat. Neque tamen vllam aut curationem aut medicinam polliceri tibi possum. Nam & forrasse incurabilis morbus est ambitio incitata gloriæ stimulis, & vltionis dira cupiditate. Denique me deterret quædam tua confessio. Meministi, si vis, quid olim ad Bucerū tuum scripseris, cum agnosceres te grauiter ab illo

esse reprehensum, quod ex vanis (verba hæc tua sunt) suspicionibus extemplo in fratrum odium prorumperes, & non ferenda intemperie ebullires. Scribebas te ab illo iudicari maledicendi morbo infectū, impie audacem, falsum accusatorem, rabidum, fratricidam, & quid non? Cum veniam peteres, hæc adiiciebas: *ut verum fatear, nulla mihi cum maximis & plurimis meis vitiis difficilior est lucta, quā cum ista impatientia. neq; certe nihil proficio: sed nondum id sum consecutus, ut talem belluam planè domuerim.* Hæc (inquam) tua fuit ingenuitatis plena confessio. Alij nunc iudicabunt, ecquid luctando in hoc genere profeceris tot deinde annis, quibus de regeneratione, de mortificatione, de patientia, diceris sæpe esse concionatus: & quod in Galatis, qui cum spirituales esse cœpissent, facti deinde sunt carnales, Paulus notar, an te quoque inuoluar, æstimabunt. Sed si illa tua bellua, non iam dico minime domita, sed potius efferata magis, nunc impotētius furit: non dicam quid vel de homine Gentis Domitiz, vel de tuis concionibus, vel de natura tua iudicaturi alii sint: verum, obsecro, quæ tandem spes est, abs aliis, nedum abs me, posse monendo leniri talem ferociam? Ita est sane mi Ioannes: nihil agimus, nisi si Deus istos animos tam tumidos contundat, & spiritus ille cælestis, fera corda domans, istos tam elatos spiritus subigat. Sed vnde ista effera vis

animi? Dicerem illud comicum, *Adeone ferox es, quia Imperium habes in belluas?* Verum etsi eos quibus imperas, prope pro pecudib⁹ habeas, tamen fateris te intus aliam alere belluam, quam comprimere non possis. Et quidem in iisdem ad Bucerum literis addidisti, istud ingenii tui tumentis inflatum vitium, esse genii potius quàm iudicti. Male sit huic malo genio qui te torquet. Ego nondum sperare desinam meliora, præsertim cum non videam quid te hominem aridum tam valde inflare debeat. Nam etsi scientia inflare dicatur, ne ea quidè tamen Theologia, propter quam tumes, tuæ inuentionis est. Qualiscunque enim sit, erat ab aliis antea euulgata in Germania vel Heluetia. Et licet sit abs te ingeniose vel interpolata, vel polita, vel aucta, vel in linguam Gallicam conuersa: tamen quæ tandem ea tanta est glória, quæ te propterea tanquam fermento inflatum supra nubes ventoso curru attollat? Scribunt & alii similes commentarios, qui tamen tuo exemplo non attollunt aut supercilium, aut cristas. neque sane Christi religio est, quæ talem fastû alit. Ergo si relegas illos tuos commentarios, desperare non possum, tibi aliquando in mèrem venturum esse, quid te deceat. Et quæ tandem tam fera natura esse potest, quam nulla neque doctrina, neque religio cicurare possit? Scis ethnicum Poetam etiam dixisse.

*Nemo adeo ferus est, qui non mitescere possit,
si modo cultura patientem accommodet aurem.*

An tam tenerę & impatientes tibi aures sunt, ut nondum, ne illam quidem, tam suauem & Euangelicam culturam admittant? illam dico, quam alioqui tot iam annis alios docere te dices, vocem cælestis magistri, *Discite à me quia mitis sum, &c.* Hîc fortasse commotior exclamabis, Faceßat hæc disciplina placidæ lenitatis, vbi sæua seueritate pugnandum est. Atqui mitissime Ioannes, quæ in hac contentione tandê est causa tuæ acerbitatis tam valde efferuescentis? Ego abs te indigne laçessitus famoso libello, & sine vlla causa indignissime vexatus, vulneratus, & confossus, putavi mihi licere aliquê gemitum edere, quem plane comprimere iustissimus dolor non sinebat: Putavi fas esse liquido negare, quod mihi falso obiiciebas, & vti iure gentium. An hoc maiestatis crimen est, quod ausus sum queri, mihi à calumnia iniuriam fieri? An cùm *vires* aliquem indigne pessundat & proculcat, nefas est eum dolere aut ingemiscere? In Pisonia na (quam te hominem frugi prope edidicisse, ut cui *voles*, terribiliter simul & eleganter maledicas, ex copia tuorum conuictorum coniicio) Cicero exclamat: *Quis hoc facit vlla in Scythia tyrannus, ut eos, quos luctus afficeret, lugere non sineret?* Certe ipse Phalaris, quos in suo tauro torrebat, mugire patiebatur. At

tu cum me deglubis & maestas, ne balare quidem permittis. Imo verò cum abs te excarnificatus atque dilaniatus suspiro, carnificem esse me, & lanienas spirare, crepareque ais: nihil ut superfit, quam ut me eo etiam modo accuses, quo olim Fimbria nostrum Q. Mucium Sceuolam accusauit. En quanta sit istius in suo lacu Reguliditurna impunitate veluti ebrii proteruia. Quid? Quia indolui, cum me configeres immerentem, nunc exclamas me dignum esse suffixione. Nam hoc tuum verbum est, quod ab aliquo Turcico carnifice didicisti, ut & alias ostendisti non nescire te, quid sit palum defigere: & fortasse aliquando audiuisti, quod quidam narrant de cruciatu Balduini II. Imp. Constantinop. à barbaris capti. Quid igitur? Audebone iterum mutire? Audebo, licet arma mihi, mortemque miferis. Prospicio equidem periculum. nam cum quo insidiatore nunc mihi res sit, scio. Sed capitis etiam mei periculo necesse est occurrere huic Polyphemo, qui fugientem magis insequeretur. Ac terreat licet multos trifulco suo fulmine, puerosque percellat sonoris suis crepitaculis, vel quibusdam præstigiis miseram multitudinem incantet: tamen spero superesse aliquos bonos, integros, fortes, & cordatos iudices, qui huius non minus, quam prioris, apologiarum æstimabunt. Quam quidem si forte vehementiorem esse mirentur: aduersario nos gra-

tificari voluisse sciant, qui secū vult agi acrius, apertius, vehementius. Denique sciant accessisse honestissimū calcar, cum horratores accesserint quidam eius siue Ministri, siue collegæ, intolerabilem Magistri ferociam non ferentes: qui lecta mea priori responsione, scripserunt, immortales se Deo & mihi gratias agere. Vix audeo adiciere, quod adiecerunt, consurgendum esse aduersus superbiam, quæ se attollit supra & aduersus omne Numen: tamque elaros spiritus esse cōtundendos. Ne quid fingere videar, eos, quorū habeo in hanc sententiā scriptas ad me literas nominarem. Sed viris bonis ab sæuo Magistro nimis metuo. Fuerunt alii minus irati, qui, quia Orestis antea mentionem fecerant, nunc me memorem esse iubebant Horatianorum versuum,

Quin ex quo est habitus male tuta mentis Orestes.

Nil sane fecit, quod tu reprehendere possis:

Non Piladem ferro violare ausus ve sororem

Electram: tantum maledixit utrique: vocando

Hanc furiam: hunc aliud, iussit quod splendida bilis.

Ego vero vix nostri quoque Orestis maledictis irasci possum, & quod Pilades fecit, facere nō recuso. Sed velim, nolim, aliquid respondendum est. Equidem alios, qui magis quam ego, idonei sunt ad respondendum, & quorum non interest minus, quosque non minus,

quàm me, hic hostis communis proscindit, & ro-
gaui, hanc ut curam susciperent. Sed tantum
non modo herum, sed Heroem nolle pugna-
re cum lamiis (quas vocat, & laruis, respòde-
runt. Ac se quidem attonitos legisse istius (ut
loquuntur) Iouis Lemannici noua fulmina in
me iterum contorta: sed sibi videri, iis procu-
randis mihi neque carmina deesse, neque suf-
fimenta. Equidem nō desinam alios, quos hic
impotens anathematistes proculcat (& quos
tandem ingenuos & rectos non proculcat?)
cohortari, ut aliquando reuocēt attollantque
animum, & iugum excutiant, & assurgentes,
si opus sit, ἀπεροπταῖν audeant, istumque Sal-
moneum compescant. Nam non is ego sum,
qui tantum possim, quantum necesse est ad re-
primendum hunc κεραυτοβόλον. Non tali auxi-
lio, nec defensoribus istis tempus eget. Erit
enim, quod iaciam, telum imbelles sine ictu.
Et verò quidam nuper recte dixit, Herculem
potius aliquem Caco fumanti atque incendia
vana vomenti, esse obiiciendum. Interea ta-
men, quia cedere non licet, lacessenti aduer-
sario etiam solus occurram: & quando tacere
non est integrum, dicam aliquid, præsertim
cum veritatis & famæ meæ causam deserere
non possim. Nam etsi me mendax (ut idē Ho-
ratus vocat) infamia minime terreat: tamen
mihi iterum venit in mentem Ciceronis ad-
monitio: ut maxime falso accusetur aliquis, ta-
men

men non esse negligendum: quanquam existi-
mem veniā me petere debere abs lectoribus,
quos istis odiosis (vt vere dicam) nugis obtun-
dimus. Nam qua tandem de re litigamus sua-
uissime atque optatissime Ioannes? Quis sta-
tus est tuæ tumultuātis actionis? Quis aut mo-
dus aut finis erit horum certaminū? An hunc
orbem, quod agat, nihil habere aliud putas,
quā vt ociosus operam det audiendis tuis
raucis clamoribus? An vel in iis vel in eorum
auctoribus quisquam putabit quicquam esse
religionis? Quid dicet posteritas, non de me,
cuius fortasse nomen erit ignotum posterita-
ti: sed de te, cuius magnam & sempiternā fo-
re memoriam gloriaris? Sis sane vel habearis
summus Theologus: at certe ni vir bon⁹ sis,
verus non eris Theologus: saltem Theologi-
cus esse nō dicetur eorum sermo, quorum (vt
ait Psalmus) Os maledictione plenū est. Cum
istud cogito, iterum honoris tui causa, substi-
sto, quantumuis me impellas: & magis atque
magis impediri meam responsionem sentio.
Nam & difficile est, quod tamen imprimis
vellem, tecum agere placide & temperanter.
Quid enim? Tu cū semper iratus accedas ad
scribendum, & mirifice sis facundus ad male-
dicendum, incredibili fœcunditate tibi af-
fluūt, quæ pfundas, verba, ex nescio quo Cor-
nucopiæ repetita, tam terrificæ, tam cōtume-
liosa, tam aculeata, quibus aduersarium per-


cellas, lancines, confodias, configas, vt etiam si truncus sit, commoueri possit, vixque possit sibi temperare. Si iure communi, in foro causam ageres, sæpe pœnam multâmq; (si soluendo esses) penderes. Saltem, si legibus vllis tenereris, illam ego tibi legem Valentiniani obiicerem, quæ vetat aduocatos in licentiam conuitiandi & maledicendi temeritatē prorumpere: quæ iubet eos agere quod causa considerat: temperare se ab iniuria: & hanc addit sanctionem, *si quis adeo procax fuerit, vt non ratione, sed probis putet esse certandum, opinionis suæ imminutionē patietur.* l. VI. C. de postu. Sed theologum non constringunt leges ciuiles. Rursus vero tuis criminationibus respondere difficile est, quia & infinite & cōfuse plerunque declamas, cum in aliquem inueheris. Lex, quæ iubet accusatores subscribere suis libellis, vult etiam vt inscribant & expriment speciem criminis, & quo loco, quo anno, quo mēse id commissum sit. Nunc cum tu huius legis posteriorem partem, non minus quam antea priorem, contempnas, an me vis in tenebris tecum digitis micare? Postremo, quantumuis multas tibi leges obiecerim, quæ iubent accusatorem, ni calūniator videri velit, liquido probare, quod intendit: ne hanc quidem conditionē admittis: & (quod nemo tibi concesserit) arrogantissime vis, vt tibi etiam nihil probanti, cum te non modo laudas effuse, sed & aliis importu-

ne maledicis, statim fides adhibeatur. Si hoc impetrare possit aduersus leges auctoritas tua, vt *αὐτὸς ἰψα*, de te, sicuti de Pythagora, dicatur, vicisti. Sed apud sanos & cordatos viros nondum id consecutus es. Tu quidem multitudinem aliquam incantâdo excæcasti, vt nihil videat, nihil discernat, & verba dantem, quasi oracula fundentem adoret. Quid enim tam valde, quàm nihil sapere, vulgare? Sed erras, si perpetuum hunc errorem fore confidis. Nam & multos in Gallia etiamnum sapere, vt hoc idolum prostrati non colât, scito. Nescio, an quia propter malum carmen famosumque libellū intestabilis esse iussus es, dices tibi non licere aut testes adhibere, aut aliis testimoniū denuntiare. Sed ea res tuam tanto magis calumniam iugulat: & vero si infamis alium accusare non potest, an potest intestabilis? An eum, cui testimonium dici non potest, testem in causa sua idoneum esse aliquis dicet? Ergo iterum audebo profiteri, & te calūniari, & me tuis mendaciis non credere. Audebo & tuum rursus mendacem atque maledicum libellum quo me postremo laceras, non dico dilacerare (quod tamen iubent leges de famosis libellis) sed aliqua responsione pungere. quāquam ita scriptus sit, vt sit difficilimum non agere perturbate, si quis ei respondere velit. Ergo cū hīc iterum hārerem, suauissimum illud scriptum (cuius lectione satiari vix possum) rele-

gi: & ecce tandē occurrit quædam veluti methodus, qua & tibi satisfacerem, & me expedirem. Animaduerti enim duas aureoli illius & artificiosissimi tui libelli esse partes. Priori parte sese intemperanter laudat, & prædicat suas virtutes auctor ipse: altera, aliis maledicit, non minus intemperanter. Quod ad priorem attinet: per me sane licet, vt, homo scilicet *αἰαμφοτέρως* inflatis (vt loqui solet) buccis, etiam ante mortē celebret suā veluti *ἐπὶ δόξης*: vtque admirabilium suarum sit facundus preco virtutum. Sed cum hoc vult & facit, quærat peregrinum. Nimis enim familiariter noui hunc Thrasonem, quam vt ei Gnato esse possim. Sed si tam patientes ac stupidas aures habemus, age, audiamus quid de se miles gloriosus in fabula nūc prædicet. Ait, Quotquot ei inimici sunt, esse professos Christi hostes: nullas vero inimicitias se vnquam suscepisse priuata causa, nec cupide appetiuisse: nullas denique ab eius culpa fuisse ortas. Hócque sibi plus satis esse, nullum ei alia de causa esse inimicum, nisi quia sacrilega audacia insurgere aduersus pietatis doctrinam & Ecclesiæ salutem ausus fuerit. Quotquot nostro tēpore Christum, eiúsque Ecclesiam hostiliter impetere tentarunt, eorum sese furori fortiter opposuisse, atque vt acriter eos excepit, ita inde fatigabili constantia persecutum esse. Suam moderationē omnibus notam esse. Neminem sua aetate excelluisse pietate & doctrina, qui non eum complexus sit summo amore, & plus detulerit, quā vel-

let. Melanthonem sibi eum prætulisse. Nullum esse in toto orbe terrarum fidelem Christi seruū, cui non porrexerit fraternæ societatis manum. Semper tam ex animo, quàm ex professo defugisse quicquid eum extra modestiæ fines abriperet. Se esse hominē ab omni ostensione longe remotum. Suam perpetuam fidem, diligentiam, integritatem, modestiam, tolerantiam cum assiduis pro Ecclesia laboribus, probatam esse tot insignibus documentis iam inde vsque ab eius adolescentia. Sibi esse filiorum myriades in toto orbe Christiano. Se sua tenuitate contentum, frugalitatē sic coluisse, vt nemini grauis fuerit. Se quietum manere in sua statione: de suo stipendio aliquid remisisse. suas omnes curas, labores, studia ad omnes Ecclesias iuuandas cōferre. Se docendi munere sic defungi, vt in summa fide & diligentia, nulla ambitio appareat. Nullos hactenus prosperos successus eū inflasse: multas & graues procellas, quibus iactatur, se intrepide sustinere. Se comiter viuere cum suis equalibus. Se fideliter amicitias tueri. Hęc & id gen^o alia ille de se satis profecto multa in libello nō magno. Non exclamo, quorsum hæc tam putida tendunt. Per me sane (iterum dicam) licet, vt plura etiam ebuccinet: modo tali iactantia alios non obruat, & mihi veniam det, si non possum credere vanitati. Hac cōditione permitto, vt etiā de se succinat illud,

Ad summum, sapiens vno minor est Ioue, diues,
Liber, honoratus, pulcher, Rex denique regum.
Altera (vt dixi) pars gloriosissimi illius libelli



vehementer mihi & aliis maledicir, cui, vt audio, respondendum est. Sed recte dixero, non esse laborandum, quia ea ipsa suggerat verba, quæ in auctorem commodissime retorqueantur, nulla vt sit opus alia respõsione. Nam terribiles illæ phrascs, quas ei aculatur, eæ sunt, quibus ipse retundi potest, si qui eum suo gladio iugulare vellent: si modo velint (quod nõ puto velle viros bonos ïgenuos, Christianos) tam non dico acerbe, sed atrociter cuiquam homini vnquam maledicere. Certe ne infantibus quidem talem currum, quo in hunc dictatorem inuchantur, conscendentibus maledicetissima oratio deesse posset, si quod ille suggerit, recitare velint, vt mutato nomine, de ipso fabula narretur. Itaque & nostram siue balbutiem, siue infantiam, quam perculit, non modo adiuuare, sed etiam armare fortasse voluit, & nobis esse veluti phonscus. Quid enim, si respõsionis loco, nunc his eius verbis vtat, & hæc tanquam emblemata quæ propinat, mutuari ab eo velim?

Vt eiusmodi homines ad rabiem incitat desperatio, precipitem eum egit mala conscientia: vt caco impetu in seipsum potius quam in me rueret. Commotum eius intemperie me fuisse non negabo: quãdo fieri non potest, quin hominibus cordatus & ingenuus stomachum moueat tãta indignitas: sed eius conuiuia perinde ac si me non attingerent, facile despexi.

Quoniam tamen nobis quotidie rogãdus est Deus,

ut Diabolum, eiusque ministros cōpescat, nostrarum quoque partiū est, ne eorum mendaciis obruatur veritas, effreni eorum licentia obsistere.

Certe praeſtabat eum, male causae defensionē omittere, quā inſulſis ſcommatibus manifestum crimen eludere, cuius odium & detestationem ex priorū cordibus nunquam eluet.

Bonus vir ut dedecus tegat omnium o. ulus expositum, conuitiando perturbat totam actionem.

Ut nugator iste suas phaleras alibi venditet.

Sed quorsum tam putida iactantia: ac si ullum unquam edidisset vel prudentiae, vel moderationis specimen? Et tamen ut aliqua gravitatis specie superbiat, cothurnum induit, seque praedicat tanto magis esse religiosum. affirmet sanē, modo nemo credat.

Ego vero quid futiliter garriat de rebus ecclesiasticis homo ut pietatis expers, ita sacrorū omnium ignarus, nihil moror.

Ego tamen si ex multis idoneis testibus compertum habui, eum proditoriē se geſſiſſe, multa ſceſte & nequiter cum paucis ſui ſimilibus agitaſſe, ac inteſtinum fuiſſe Eccleſia hoſtem: continui me tamen: ac eius defectione perinde dolui, miſeri que interitum deſleui, ac ſi nunquam in caput meum cum improbu nebulonibus conſpiraffeſſet, ut vix patientiam meam ferrent veteres eius amici. Hoc vero dextremo actu edito, tacere mihi non permiſit, & tamen impurum os perfricans, ſubinde rogitat, quanam me intemperantia contra ipſum aegerit.

Quis non videt hominem petulantia deditum, vo-

mere potius quæ stomachum grauant quam loqui?

Respondeat nunc ipse mihi velim, quomodo tot sibi acquisierit hostes: cur se & ipsos atrocibus pugnis exercuerit: cur nusquam reliquerit verum amicum. Cui probetur nescio. Omnibus certe doctis & probis viris, quibus cum versatus est, exosum esse constat.

Fontem si quærimus, non alius reperietur, quàm eius ambitio, superbia, inuidia, perfidia, & si qua est similis virtus. Sed toto libello se prodit pudenda eius fatuitas, qua voce grauius eum vulnero, quàm si omne genus scelerum in eum conferrem. Recto enim & honesto pridem vale dixit: modo acutus & vaser credatur. serio tamen docendus est, quàm putidum se reddat insipidis suis facetiis.

Quam fuerit placidus hic noster, & erga suos collegas comus & humanus, inquirant: reperient ubique fuisse intolerabilem. Sed fruatur sane Ismaelis gloria: cuius manus est contra omnes, sicuti manus omnium contra eum.

Pudeat i ffrenis suæ proteruiæ: vel agnoscant lectores qua ad conuitiandum vesania feratur.

Et quis suspicatus esset, hominem nihili tantum sibi arrogare, nisi se ipsum proderet? Eat nunc & buccas inflet inani iactantia.

Ego vero si quid in eum iuris vnquam vindicare mihi potui, libenter remitto: quia cum Satana, cui se totum addixit, mihi nihil est commune. Sed ex eius literis agnoscant lectores, si nunc immaniter contra me ferociat, ingratitude culpâ in eo residere. Agedum vero insontem se probet: sicuti audacter facturum mi-

natur. Ego autem simpliciter excuso, quoniam nō modo perfidiose mecum agendo, sed nunc insidiis, nunc aperto conatu in communem Ecclesiæ perniciem grassando, spem meam scelestè sefellerit, eo iustiores mihi fuisse iracundiæ causas, quam in exterum quemlibet vel ignotum. Quod si humano more de me conquestus esset, forte eadem spe, quæ me frustrata erat, iterū deceptus, optassem de vehementia aliquid remissum. nunc verò cum beluina eius rabies, perditæ & desperatæ mēis signum non sit obscurum, dicere mihi cum Propheta, ut arbitror, licebit, Quod perit, pereat. Porro quam non præcipitater in ipsum efferbuerim, mulsi sunt idonei testes, quibus notæ erant præclara eius actiones.

Cui tamen clemēter peperci, & quem sustinui tanta patientia, adhuc de mea inhumanitate conqueritur. Quam verò indignam mercedem retulerit, partim breuiter exposui, partim dissimulo, ne priuatas iniurias persequi videar. Certe ut solum in eum stringerem, nunquā adductus sum, donec voluntariū obtulit. Neque enim secus ac gladiatores in cadē ruunt, hic facetus scurra præceps ad conuitiandum fertur: ut non stigmate modo, sed suffixione opus sit, si de nequissimo calumniatore pœna pro merito sumatur.

Ergo nebulo nescio quis, cæno emergēs impura sua procacitate soli tenebras obducet.

Atqui longe fallitur, qui aliud assequi se confidit, quam ut intolerabilis eius superbia omnibus fæteat.

Vanitatus, futilitatis, calumniæ, maledicentiæ magnam esse turpitudinem fateor. Cur ergo his omnibus

Vitiis infamiam & odium omnium sibi accersu?

Atqui nihil melius quam *ve sanum hūc furorem*, qui ad me non pertingit, è tuto despicere: quia ubi *latus omnes suos consumpsērit*, idem manebit qui semper fuit *obscenus canis*.

Eiusdem est *futilitatis quæ iam in aliis spurcis conuitiis patefacta est*.

Quid tibi inuidæa miser? Quid tam *stolida comparatione assequi te putas*, nisi ut *ostium impurum omnes cōspuant*? Si omnia recenseam, quæ homini vel *ferrea*, vel nullius frontis, *comminisci & garrire licuit*, nullus erit *modus*.

Sit vero hoc memorabile *tux vanitatis trophæum*, qui non modo insolentius quàm antehac *cristas erigere*, sed *linguam, ungues, & dentes acueri ita cœpisti*, ut nihil unquam *extiterit vel superbius, vel truculentius*. Eat nunc, & se in suo *stercore volutans, fætoris sui odore delectetur*, donec *ordinum omnium detestatione obrutus*, quid sit pudor & misericordia *discere incipiat*.

sed voluit scilicet religionis opinione sibi gratiam *acquirere apud simplices*, ac si crederet ullum in cælo esse numen. Hoc vero est, non *assurgere supra larvas*, sed *larvarum omnium integumenta congerere ad fallendum*. Scilicet non *satiatur crudele eius in me odiū*, tot quibus me omnes Christi hostes impetunt, *calumniis*, nisi in arenam proiciat à *feris laniandus*.

Sed quia cum Cynico *scurra nullus esset ligandi modus*, præstat verborum *ampullis solidam rerum ipsarum veritatem opponere*.

Infelici genio, vel fatali quodam morbo, semper ad nocendum satagit: sibi vni addictus, omnes à quibus nihil sperat, fastuose despicit: potentum fauorem captat sine modo blâdis affectationibus: bonus, quibus inuidet, plus quam ferociter insultat: quocunque venit, fax est prorsus furialis ad excitandas discordias: denique vt neminem vnquam sincere dilexit, ita neminem ex probis & integris Dei cultoribus habet amicum. Si asperior visus fuero, auctore paulo, culpam in eum ipsum reiiciam, qui me coegit.

Hæc sunt, quæ nunc nobis dictasse videris, ne infantia alioqui nostra, cum tibi iracunde & eleganter respondendū est, balbutiens hæreret. Ac ne ingratos esse nos putes, iterum prædicamus, ô magne magister maledicendi, hæc esse tua dictata, tuas formulas, tuas phrasés: quibus quidē vtī possimus, si te tuis retor-
tis fulminibus percellere atque obruere velimus. Nam eodem, quo tu, iure in alios, qui saltem te deteriores non sunt, talia contorques, retorqueri in te possunt. Ergo vt breue faciā, fingito illa omnia de te & aduersum te dici, si eo genere orationis delectaris. Certè agnosceis aliquā horribilis tui libelli veluti αἰαλῶν, cuius fragmenta per quandam (vtar nostrorū Iuriconsultorum verbo) αἰτιαύκλασιν te referre possent. Et licet alios eius generis tuos cōmentarios vberiores, tali copia talium verborum refertos non reuoluamus: en in vna minime etiam longa declamatione, quantam sil-

uam inclufisti talium fpiculorum: quæ tamen diligentius tibi afferuare debebas, ne in alium emiffa, in te reciderent. Fortaffe quia in priori refponfione dixerã, exhauiffte te tuam conuitiorum pharetram, oftendere nunc voluifti eam effe inexhaustam. Sed nescio an tibi expediat tam valde effundere tales tuos thefauros. Nam fi te nofti fatis, fentis te aduerfario fupeditare liberaliter, quod tibi fine vlllo fuo labore refpondeat, fi tuo more confufe tonare velit. Abfit, vt tam aut impotêter agamus, aut furiofe declamitemus. Abfit, vt quod Theologo indigniffimum eft, Iurifconfultus imitetur tale genus non loquendi, fed conuitiandi atque debacchãdi. Sed fieri non poteft, quin & tua nobis cõfuetudo affricet aliquid fui morbi & contagionis: & ego cõtendendo tecum, vel inuitus difcam quippiam tuæ acerbittis. Scio, refpues exemplum Chriftianæ moderationis, quod nunc tibi proponam. Non enim natura tua capit, quod tua effet fortaffe perfona dignum. Sed tamen proponam, vt fi tu moneri nolis, meipfum admoneam. Auguftinus lib. III. cõtra literas Petilian, ego (inquit) *quando cuiquam vel dicendo vel fcribendo refpondeo, etiã contumeliofis criminationibus laceffitus, quantum mihi dominus donat, frenatus atque coercitus vana indignationis aculeus, auditori, lectoriue confulens, non ago, vt efficiar, homini conuitiando, fuperior, fed errorem conuincendo fuperior.* Ecquid ô bone, talis

actio tibi placet? Equidem mirarer, te, qui non modo Theologus ab Augustino non abhorrens, sed & Theologorum, & quidem (vt loqueris) reformationum atque regenerationum Princeps vis videri, tam valde ab hac sententia abhorre, quæ tamen non solû cum principis religionis, sed & cum primis præceptionibus humanitatis cõsentit. Verum, vt mirari desinam, professus es, naturam tuam esse indomitam belluam. Certe vt Plutarchus elegãter disputat, Quomodo quis sentiat sese in studio Philosophiæ (vt loquitur) *μεγαλῶς*: multi nunc attoniti obseruant, in te nondum illud, quod primum esse deberet, extare argumentum, ex quo liqueat tuum animum ad meliorem mentem reuocatû, in philosophia Christiana, multa mouendo, aliquid promouere. Sed difficillimum est, vt ais, naturam vincere. Tu libris tuis præfigis illud Augustini, *Ego ex eorum numero esse me profiteor, qui scribendo proficiunt, & scribunt proficiendo.* Non disputo, quis sit ille tuus profectus, quænam *μεγαλῶς*. Sed negare non potes, eum, qui in facultate scribendi atrociter, & vehemẽter maledicendi proficit, religiosiorem propterea non effici. Videris, an (quod imprimis erat necesse) fias melior scribendo: quæque aliis alias scribis de officio viri boni & Christiani, ipse ad te pertinere serio, sapẽque cogites. Sed aliud facias, alitèrque, & loquaris & scribas, oportet, si nobis velis

persuadere, te cum Augustino non modo in scientia valde proficere, sed etiam in cōscientia bona: sine qua ecquid tua vel scientia, vel scriptura, vel loquacitas erit aliud, quā (quod Apostolus ait de fide sine charitate) cymbalū tinniens? Est enim tuæ professionis alia conditio, quā alterius artis aut disciplinæ. Sed & licet tuæ apud Deum conscientia rationem non haberes (quod tamen de homine tui ordinis suspicari nollem) at certè gloriæ apud homines tuæ & existimationi, quam ambis, caues parum, cum furiosi conuitiatoris famam affectare scribēdo videris: vixque est inter amicos tuos, si qui sunt saniores, quisquā, qui non vehementer doleat simul & miretur, te neque erate, neque doctrina, neque vsu, neque admonitione vlla ad aliquam scribendi temperantiam posse reuocari.

Scio, iam pridem tibi molestam esse, hanc (ut appellabis) battologiam ociosæ commotionis: & imperiose (credo) iubebis me, Attica lege, *αὐτὸ ἀγορεύειν ἐπὶ τοῖς* statim respondere obiectis criminibus. Ego verò nihil velim magis: sed iterum dico, vix scire me, vnde ordiar, vbi desinam. A deo artificiose, quæ cōfertim conguessisti, maledicta permisceas.

Principio ut solēt molles & suaves esse tui prologi, exclamas me esse falsarium. Cur ita? Quia, inquis, (hīc enim notas diligenter crimen) *viceſima quinta die Iulij anno quinquageſi-*

mo septimo, priuilegium à Rege impetraui, quod datum sit meo de Famosis libellis & calumniatoribus commentario, qui tamen non nisi anno superiore sit editus. Quid istud rei, quid monstri est doctissime vir? Equidem vix tandem suspicari potui quid velis. Eo enim & anno & die in Germania eram, nihil de Gallia, nihil de Rege, nihil de priuilegio vlllo, nihil de famosis libellis quicquam cogitans. Sed quid te fecellerit, vt alium clamitares esse falsarium, nunc demum intelligo. Vechelus typographus Parisiensis eo tempore generale (vt vocant) priuilegium Regium sibi impetrauit, quo, quoscunque deinde libros excuderet, ornaret. Eo (vt fit) forte vsus est, cum commentarium meum ederet. Tu, qui ne illud quidem vides diploma, non mihi, sed Vechelo datum esse, propterea tamē triumphans iterum erumpis in hanc exclamationem, *Esti apices iuris omitam, falsum hīc deprehendi sensus dīctat.* Quis hunc Dictatorem non modo sensu communi carere, sed & præcipientem ruere in sensum reprobum non dixerit? Atqui me vrges, & iubes, vt hic tibi de iure respondeam Iurisconsultus. Non est vir consultissime, quod me nunc cōsulas de apicibus Iuris, qui tuum fugiant acumen. Si tibi de calumniatoribus leges nō satisfaciunt: quid merearis, liquido tibi dicet vna lex Cornelia de Falsis. Vis addam præterea leges de Stellionatu? Quia vetus vulpes pellem non mutat, &

tu propterea, quos vocas versipelles, refugis, nescio an Stellio tibi satisfaciet. Sed simplicē & candidam ingenuitatem vāstri hominis videamus. Cum ab eo expressit, tanquā in eculeo, vis veri, non meum, sed Cassandri, (hunc enim iam, cui nocere putat, periculose nominat) librum illum esse, propter quem tamen me proscidit: neque iam negare possit se & falsi & calumniæ conuictum esse, mihi quæ factam esse atrocem iniuriam: tamen priusquam nunc faciat, quod officium viri boni flagitaret, (eius præsertim, qui alios novam mortificationem, & regenerationem, & pœnitentiam docere se gloriatur) iterum os impurum (vt eius verbis vtar) perfricans cauillatur, me illius libri, si non auctorem, scriptorémve, at politorem, proxenetam, obstetricem, lenonē, productorem esse. Mira est huius Dictatoris dicacitas. Sed admirabilior, impudentia dicam, an contumacia? Certe proteruita est plusquam (verbo vtar, quo delectatur) meretricia. Scriptus, (vt sæpe iam dixi, & nemo nescit) editus, distractus est liber ille, cum de eo nihil quicquam vel audissem, vel rescuissem, & sexcentis prope milibus passuum abessem: & tamen (quæ tua est perspicacitas) ais in eo agnoscere te notas stili mei, & sciens prudens in manifesto mendacio perstas, vt iterū mentiaris, ex mea illum manu prodiisse. Quid miser te torques? Quod prius sumpseras, abs me
librum

librum scriptum esse, tam facile probabis, quā
 cum esse abs me politum aut vulgatum? Sed
 tenes verus illud, *Cum quis impudens esse cœpit,*
gnauiter impudens esse debet. si (inquit) in ius te ac-
cerferem, tribus verbis finita esset cai sa. Vtinā ego
 te in aliquod Ius vocare, ducere, trahere pos-
 sem: vix tres lictores sufficerent ad tuam iterū
 calumniam castigandam, & disceres aliquan-
 do finem facere mentiendi. Delige quam vo-
 les pœnam, vel legis Remmiæ, vel Talionis,
 vel Intestabilis infamię, vel Cauterii, quo frōs
 tua inuratur, vel Myricæ arborisque infelicis.
 Quid tergiuersaris? Iterū intonat lex, *si calui-*
tur, manum endo iacito. Verte te in omnia. Nun-
 quam hodie effugies. Absiste moueri. Mane.
 Sed confugis ad typographum: Is (inquit) *non*
negauit. Accipio conditionem. Is est, opinor,
 Oporinus vir optimus. Iterum periisti, si eius
 testimonio statur. Non proferam quas ad me
 literas scripsit de iniuria abs te mihi facta. Tu,
 qui vicinior es, hominē interroga. Exclama-
 bit, vereor, te omnium hominum impuden-
 tissimum, atque perditissimū esse calumnia-
 torem: & quia cum testē laudas, falsi te reum
 ipse peraget. *Quam miserum est* (dicebat quidā
 olim) *negare non posse, quod est turpissimum confi-*
teri. Sed minus tibi turpe esset, confitendo ve-
 niam deprecari, quā inficiando crimen du-
 plicare. An sapius mentiendo effugere te pos-
 se putares, si aut nunc carcer, quo dignus es,

re constringeret, aut lictor teneret? Sed tu in isto tuo Olympo securus, suauiter ridere potes omnes & iudices & lictores: vt & iam pridem propterea impune soles, cuicumque vis, iniuriam facere: & talibus te ludis oblectas. Memini, cum scriberes in Tridentinum concilium, & pro tua ciuilitate atque erga tuam gentem beneuolentia, potissimum Gallis Episcopis, qui intererant, contumeliose, hoc est, more tuo, malediceres, te, ignominia & conuictii causa nominasse Nenenensem. Atqui is non erat Tridēti, neque cō venit vnquam. Id cū & intelligeres & omnes intelligere scires, quid facis? ô ingenui hominis pudorem. Illam virulentę maledicētię farraginem, quā vocabas Antidotū, Gallicè rursus edidisti, & pro Nenenensi Rhedonensem, alterum Britannia Celtica antistitem, supposuisti, vt hic in Gallia audiret, quod ille in Lario, & vterq; infamaretur. Sic enim verecunde scilicet errorem tuum castigasti, & commutatione quadam maledictum conduplicasti. Hæc enim pœnitentia est, quā tu erroris scelerisque conuictus egisti. An hæc ars & consuetudo tua est siue multiplicandæ contumeliae, siue iniuriæ duplicandæ, si quis fortasse monitor te ad ius aliquod reuocet? Minime ergo mirarer, si eodem mihi modo nunc satisfaceres. sed nescio quo modo acerbior erga me & peruiacior & iniquior maleuolentiæ tuę rigor est. Nā quem

In me vexando errorem commisisse te in prior tuo aduersus me libello famoso, negare non potes, neque cum hūc Gallice recuderet, correxisti reo commutato, neque iam cōmutas, sed iterum iterūque ingeminans ita pergis agisque, vt quiduis dicere paratus sis potius, quam vis veri te adigat ad aliquam vel tacitā, siue erroris manifesti confessionem, siue conuictæ culpæ deprecationē. An hominum (intelligis Apostoli verbum) ἀπὸ πολλῶν tam præfracta esse potest confidentia? Si dicas tam de Rep. Christiana præclare meritum esse te, vt tibi priuatim licere debeat quidlibet: aut me tam esse hominem (vt vocas) nihili, impune vt possis in eo cædendo te oblectare:

*Nos animæ viles, inhumata infletæque turba,
sternemur campis.* sed tantū scito mihi etiam iacenti superesse generosæ ingenuitatis, vt et si linguam reuellas, meo tamen spiritu, si voce nō possim, iniurias tuas refellam atque repellam. Age vbi negare non potes, te offendisse, quo pergis? Quō magis teneri te sentis, vt ireritæ feræ solent, tanto minus quiescere potes, neque tamen cum te vertis in omnem partem, aliud fremens facis, quam vt te inuoluas magis atque magis. Clamitas me Rhemis, vbi nullum vnquam vidi Cardinalem, vendidisse atque obrulisse nescio cui Cardinali, mirificū illum librum, quo tamē tempore liber neque natus, neque (vt opinor) conceptus erat, & de

quo nihil hætenus quicquam audiuit Cardinalis ille. Mira est, mi Ioānes, tua vertigo, mira hæc melancholia: quæ efficit, vt videre te putes quod nusquam est, ac ne quidem vigilās & monitus possis tam inanes (quid aliud dicam?) phantasias discutere. An quia de nouo Pontificatu maximo sæpe cogitas, non potes obliuisci Cardinalium? Addis etiam nescio quid de quodam Lotharingæ Cancellario, qui tamē nullus est, neque vllus vnquam fuit. Næ tu iterum valde miser es, qui nōdum sen-
ris, te ab tuis delatoribus, qui talia tibi persua-
dent, irrideri, & per ludibrium veluti in sce-
nam produci, in qua cantillent,

- Eumenidum videt agmina Pentheus,

Et solē geminū & duplices se ostendere Thebas.

Interea nescio bearēne me velis, an illudere, cum iterum mihi narras nescio quid de spor-
tulis illius noui, sed mihi ignoti, patroni. Equi-
dem (iocando loquar serio) ne me ingratum
esse putes, magnam tibi gratiam habebō, si id
mihi persolui cures, quod despōsum mihi esse
confirmas: atque etiam, si vis, & per Leges li-
ceat, partem tecum decidam: vel potius totū
nomen illud, si quod esse putas, dono & cedo:
quanquam, vt mihi caueam, non affirmo esse
aliquod. Mihi profecto valde nouum & inso-
lens erit, quod prædicas, beneficium, qui hæ-
tenus nullum ne teruncium quidem ab vllō
vel Episcopo vel Cardinali aut accepi aut ex-

ille me, cum istuc irem, transfugam vocabat, an propterea tu, quia huc sum reuersus, apostatam esse probas? Quis non obstupescat te tantum dialecticum hæc tam male coheretia portenta connectere? Ita est sane. Cum tu me inuolucere frustra conaris, mirabiliter te implicas. Ego vt me liberẽ, & tibi satisfaciam, & cū tu extra rem multa misceas, ego ad rem dicam aliquid, non modo *vel ἀποστράω*, sed & *vel ἀποστρίω* breuiter respōdebo. Dicit de vtraque eius generis veluti thesi copiose posset: sed ocium mihi nullum concedūt tui tumultus Gallix perturbatæ, ac ne quidem bibliothecam ex Germania meā huc referri hactenus passi sunt, & aduersariis propterea tuis armis potius quā libris nunc meis septus, tumultuarie dictare cogor, quod respondendum tibi est: vt si iam breuior in vberi argumento sim, tu talibus impedimentis vehiam des. Scis in Euangelicis literis *ἀποστρίω* appellari, libellum (vt vocant) repudii. Ego si te res tuas tibi habere atque agere iubeam, vel conditione tua me non vti antiqua formula dicam, Diuortium iustum esse contendo. Id vt liqueat, nunc de moribus iudicium vetus instituendū esset. In eo si me cogas causam dicere, liquidò probabo te causam diuortio dedisse. Sed honoris tui causa peto, vt hic imitari possim pudorem Pauli Æmilij, & eius verecundo responso sim cōtētus. Certe nul

loquium de religionis quaestionibus contro-
uersis fuit, quod, Deo teste, dico & affirmo re-
ligiosius fuisse, quàm ullum fuerit vnquam,
quod recum aliquādo habuerim. Vtinā nunc
singula capita, quæ eodem die, ne exciderent,
literis cōsignaui, & compluribus viris piis re-
citaui, pluribus verbis exponere, & huic libel-
lo ad sempiternam posteritatis memoriam
incluere possem. Sed res longior est, & alio
exponi loco poterit. Illud modo dicam, collo-
quiū non dissimile illi fuisse, quod audio eun-
dem in Germania nuper habuisse cum Brēn-
tio & eius Principe illustriss. Cur te tam valde
vrunt talia colloquia, in quibus de religiosis
rationibus Ecclesiæ restituendæ & concordie
cōstituendæ quaeritur? Cur de te actum esse pu-
tas, statim atq; audis agi de pace & (vt vocāt)
vnitate? Ergo quod nunc narrabo, fortasse te
impulit, vt in me insurgeres. Quidnā? Remi-
sit eodem me anno Rex idem in Germaniam
cum optimis mandatis, iussitque vt cū ab
aliis, tum vero abs Cassandro, ad quem pro-
pterea scribebat, elicerem, si quid haberēt bo-
ni consilij ad dirimendas dissensiones, quibus
Ecclesia misere distrahitur. Cum essem Colo-
niæ, audio quendam (de quo nihil antea quic-
quam audieram) libellum Basileæ excusum de
Officio pij & publicæ trāquillitatis vere amā-
tis viri in hoc religionis dissidio, iam circum-
ferri in Gallia, quem auctor mihi narrabat se

Duysburgi delineasse. Audiebam etiam te, quod mirabar, illi consilio vehemēter iratum dira minitari. Sed non credebam te tam mihi & illi esse infestum sine vlla causa. Saltem nihil quicquam eam rem totam ad me pertinere cōstabat. Redeo itaque securus in Galliam, & ad eum Regem, qui me amandarat, refero responsa manuscripta iis de rebus, de quibus quærebatur. Vtinam ea nunc mihi edere liceret, quæ fortasse edentur aliquādo. Certe tuæ intemperantiæ, quæ ne rumorem quidem bonorum consiliorum ferre potest, furor magis pateret. Interea quid tu temulentis tuis suspicionibus & melancholicis phantasmatibus procul in tuo specu indulgēs, in me nihil meritū tale, nihil tale expectantē, repēte euomueris, in quē quasi hippomanes hausisses, tumultuando incurristi: testes facio famosos tuos libellos, testes facio sapientes, qui te & causa cognita, mirati sunt, quæ te rabies ageret: testes facio Deum & Angelos, qui ultores erunt & vindices istius tuæ immanitatis. Relegatur Cassandri libellus, qui hic est recusatus ab auctore auctus, interea dum ille tuis calumniis respondet. Relegatur quid in me propterea eructaueris: & iudicium esto penes viros bonos & integros. Iterū vero Iudices obtestor, mihi vt veniam dent, si cum non desinas contumeliose agere, ego de iniuria cōqueri nondum desino, perfringas licet omnium legum

vinctula: ignoscat etiam mihi Deus, qui tanquam obtorto collo inuitum me trahi adigí. que videt ad hanc necessariæ defensionis tristissimam contentionem. Age, ad rem aliquid dicere videris, cū, quas de calumnia leges tibi obieci, eas nunc in me retorques, quia dixi Bucerum te aliquando obiurgasse, *quod iudicares prout amares, amares autem prout libet*. Hic enim demū confidenter exclamas, te Deum & Angelos eius testari, id abs me improbiſſime esse cōfictum: & hanc diram imprecationem addis, *Ita vero mihi propitius sit Deus, si quid vnquā tale audierim*. Bona verba mi Ioannes. Obliuioni potius tuæ Deus ignoscat. Quid enim alioqui te miserior est? Nihil me confinxisse, ipsa, ipsa manus tua, quæ hic extat, & à sexcentis agnita est, testis est: tua (inquam) epistola, manu tua ad Bucerum scripta, quam ne ipse quidem, si videas, negabis. Non patiar, vt quod tu illiberaliter facis, priuata epistola, sine consensu scriptoris, in publicum edatur. Tibi potius eam reddi, si vis, curabo, quæ nescio quomodo ex Argétina huc perlata est. Sed vt sexcenti, quibus manum tuam ostendi, de ea testimonium dicendo testes erunt meæ bonæ fidei, & tuæ, vt video, obliuionis: sic etiā vt epistolæ tuæ tibi interea magis atque magis memoriam renouem, dico eam esse, cuius ad Bucerum tale est principium:

Cum literæ tuæ mihi sub cœnam oblata essent, tan

so gaudio perfusus fui, vt non meminerim tribus totis mensibus latioremi mihi horam affulsisse. At cum eas super cœnam vicunque percurrissem, lectiōe ipsa sic fui flagellatus, vt proxima nocte irrequietus continenter esuarim, nec toto post iriduo plane fuerim apud meipsum, &c. Si, vt certior sis, eius etiam epistolæ finem recitari tibi velis, postremum caput est: Frustra mihi excusas nouo papismo erigendo te non studere: Sed vellem aliis omnibus sic exploratam esse puritatem tuam, vt ne suspicioni quidem locum relinqueres. Frustra etiam id, te dare operam, ne quid Calvinismi admisceatur. Si à scriptura semel deflectendum sit, non ignoro quàm sit tolerabilior Bucerismus, quam Calvinismus, &c.

In illius (inquam) Epistolæ tuæ, quæ prolixa est, medio leguntur hæc abs te scripta: Iudicare me scribis, prout amo: amare, prout libet. Ergo ne sic me desipere censes, vt nullum habeam in amando delectum vel ordinem, &c.

Nunc vide mi Ioannes, an hîc ego confinxerim quicquam. Simul vide quænam deieratio, detestatio, deuotio tua sit, cum, si verû sit, quod nunc vides esse verissimum, deum, vt tibi male sit propitius, inuocas & veluti adiuvas. Ecquo ruis ô miser, cum ad talem imprecationem te adigit cæca impotentia tuæ iracundiæ? Profecto male tecû ageretur, si summo iure tecum ageretur. Ergo disce deinceps cauere tibi magis, cum aliquid negabis. Disce loqui minus confidenter, & religiose magis.

Ego nunc hoc vno contētus ero loco & exemplo, vt fidem meam liberem, & de tuis retributionibus iudiciū bonis omnibus & cordatis permittam. certe si quod vnquam exemplum Deus edidit tuæ vanitatis, cuius memoria te configeret, est istud quod dico: & tamē in eo exagitando, quod possem, non immorabor. Cæterum nimis immane est, quod Satanam ore furiali vocas cum, qui *τις ὁ Σαλῶν* accusat. An quia Satan Hebræis dicitur, qui à Latinis aduersarius: audes exclamare (quæ pugnantia sunt) aduersarium *τις ὁ Σαλῶν* esse Satanam? Deus bone, an hæc lingua & oratio est Theologica? An non potius *ἐνεργῶν* esse te, aliquis putaret? aduocare itaq; exorcistas. Sed fortasse clamabis cū Vlpiano nostro, eos ipsores esse: vt eos non dubitasti scribere, fuisse ignotos Ecclesiæ veteri: quia magnificentia tua non dignatur meminisse, non eorum minus quam Diaconorum, in omnibus scriptoribus veteris Ecclesiæ fieri mentionem. Si hi, quos diræ imprecationis ergo, vocas Satanas, honoris causa te resalurent Luciferum, credo minus irasceris. Nam & gloriariste omnibus facere præferre, & sæpe in ore habes, illud quod Hieronymus scribit fuisse proprium Luciferianis, *De Ecclesia factum esse lupanar*. Sed vt tuā lucem boni sequantur, operam dato, ne miseram Ecclesiam iterum polluas. Nam si (quod nunc Gallia veretur) non aliam reformationē

instituas, quàm auorum nostrorum memoria
Zisca Bohemus, omnes boni te fugient.
Sed terribile est, quod, vt occurras, toties in-
geminas, nos esse Apostatas. Cur ita? Quia
conquereris me abs te nunc descivisse, cum
tamen olim te valde coluerim. Probare prius
debebas, quod vehementer omnes pii & sani
pernegant, cum qui à te vel tua factione de-
ficit, deficere abs Christo & eius religione.
Nunc, quasi ea de te aut non quæreretur, aut
nemo dubitaret, tu tam ineptus & impudens
es, vt satis esse putes, si ostendas me abs te alie-
natum esse, & tibi ramen aliquando addictū
deditūque fuisse. Id autem vt prolixè pro-
bes, (quod non erat necesse: id enim & sæpe
confiteor & palam prædico) profers (quæ tua
est proditoria fides & illiberalis educatio)
edísque in publicum, multas, quas ab annis
xvii. literas familiares ad te aliquando forta-
se scripsi adolescens, cum te nōdum nossem.
Hic ego tibi responderē, quod in simili causa
Hieronymus respōdit Rufino. Sed vt ciuilius
agam aduersus hominem inciuilem, conten-
tus ero responsione Ciceronis ad M. Anto-
nium, hominem (si dicere fas est) tibi in hoc
genere nō dissimilem: At etiam (inquit) *literas,*
quas me sibi misisse diceret, recitauit homo & huma-
nitatis expertus & vitæ communis ignarus. Quis enim
unquam, qui paulum modo bonorum consuetudinem
nosset, literas ad se ab amico missas, offensione ali-

qua interposita, in medium protulit, palamque recl-
tauit? Quid hoc est aliud, quàm tollere è vita vita so-
cietatem? tollere amicorū colloquia absentium? Quàm
multa solent esse in Epistolis, quæ prolata si sint, ine-
pta esse videantur? quàm multa seria, neque tamen
ullo modo diuulganda, si hoc inhumanitatis tua,
&c. Hæc ille. Audishumanissime Iohannes e-
logium tuæ editionis, neque qua religione
talem tamque Antonia nam barbariem tuam
ornabis, video. Quid si exemplum nūc tuum
secutus, vicissim ederē quas olim ad me scri-
psisti literas familiares? quibus quidem certē
me adolescentem propē incantasti & blan-
diendo in fraudem pellexisti. Sed absit, ut ma-
liciosam tuam futilitatem imitari videar. In-
terea tamen alios monebo, quicumque ad te
scripturi sunt, sibi ut caueant: & meo pericu-
lo sapiant, discantque ad quem quàmque fi-
delem virum scribant, cum ad te scribunt. Ve-
tus est illud, *Fingere qui non visa potest: commissā
tacere Qui nequit: hūc niger est: hūc tu Romane ca-
ueto.* Vetus illud est symbolū Pythagoricū
μὴ φησὶν οὐδὲ μὴ γινώσκω: Vetus & sapiens admo-
nitio Plutarchi interpretantis μὴ πωδία τεύχεα
μὴ αὖτε αἰσχροῖς ὁμιλίαις κακοῖς. Ut autē nostri in-
fidiatoris, qui iam pridē coquebar, quod nunc
vomuit, & iam tum, cum ad me scribebat,
meditabatur quod iam facit, malitia notior
sit: quicūque eas literas leget, testes animi mei
optimorumq; affectuū, & cum tua, quam ad-

iunxisti, responsione comparabit: nã ille barbaram tuam inhumanitatẽ detestabitur: nulum vt potueris maius proferre testimonium tuã perfidiosã (si aperte dicendum est) improbitatis. Qua quidem speras crudelis, fore vt hĩc odio tui oppressus pessunder. Sed Deus, vt spero, tua sãua atque insidiosa consilia disturbabit, & quod in me contorques, in caput tuum recidet, augebitque infamiam tuã. Age verò ecquid conficere vis cum illis epistolis? Probabis, me adolescentem, rerum imperitũ temere putasse, religionis, cuius studio, quo etiamnum teneor, flagrabã, te doctorem magnum esse: putasse, te virum bonũ esse & religiosum: tẽ Ecclesiã reformandã curam seriò suscepisse. Denique probabis me hac opinione factum fuisse propẽ Calvinolatram, vel in te colendo idololatram. Erravi, fateor: sed illius meã cæcitatĩs atque stulritiã vel amenitiã (quam tamen mens bona & religiosa incitavit) satis magnas do dedique pœnas. Quid de iactura & dãnno rei familiaris, vel xx. annorum ærumnis conquerar? Interea dum adolescens amens meĩque oblitus, & malo, credo, carmine incantatus, tibi seruiò & obsequor, perdidĩ, perdidĩ optimos adolescentiã florentis annos: meliores (inquam) illos annos infelix perdidĩ. Nunc vt mercedẽ aliquam rependas. ò crudelis, amanti & propter te propẽ mi sero & iacenti etiam insultas. Tu meretricios

& turpes & obscœnos amorès quorundam, qui tibi nunc intimi collegæ sunt, suauiter regis: & ferre non potes, me deperiisse pueriliter tuam, cuius tunc vlcera ignorabam, consuetudinē? quæ tamē quāti mihi constet, non ignoras. Certè cū propterea me laceras, quid aliud quàm truculentiam tuam prodis magis atque magis? Ergo quicumque vsquam estis amantes religionis Christianæ, cauete ne imprudentes huic laruato antistiti multum tribuatis: cauete, exemplo meo, ne eum colatis, laudetis, admiremini nimiū; ne si forte postea (vt lex ait) emergat celata motum improbitas, vobis integrum non sit, eam non colere. Ille per me vobis denunciat, se irrisurum vestram simplicitatem, vel, vt vocat, fatuitatem. Scilicet per suam modestiam diutius pati nō potest diuinos sibi honores deferri: neq; plus sibi tribui vult quàm mereatur.

Age vir modestissime, cum omnibus probaueris me cæca tui admiratione & errore cæco magnam bonamque de te olim opinionē concepisse: quid aliud quàm fraudem allegabis tuam, & probabis tectâ simulatione atque hypocrisi tua deceptam fuisse meam credulitatem: vidisse me vero postea illud, quod clam alebatur, monstrū, idq; tam deforme, vt eius conspectus coëgerit me idolum repudiare, quod imprudens alioqui prope adorabam? Oporteret profecto vehemētē fuisse causam,

quæ me abs talibus tamq; immoderatis amoribus reuocare potuerit. Et tamen is pudor fuit meus, vt nisi tu de hac abalienatione prior verba palâ fecisses, de ea vix alii audiissent quicquam. Sed neque intemperies tua faciet, vt si in amando non tenui modum, non teneam in diuertêdo. Denique nunquam probabis me aliquid interea fecisse contra veteris amicitiam, quatenus salua religione possem. Non potui, fateor, semper tam valde, quàm feceram antea, te obseruare, vbi te aliû, quàm putabâ, esse vidi: neque religiosum esse sensi, quod velle videris, vt te Gallia colat, sicuti Græcia olim coluit T. Flaminium, victimis & sacrificiis. Sed quod ab homine ingenuo & Christiano desiderari officium posset, in me constantem & esse & fuisse, dico, & donec aliud probaueris, constanter affirmabo. Neque verò dissimulo, errasse te vehementer, si putasti, cum me in tuos olim numeros referres, etiam me iurasse, tua signa, quocunque rueres, secuturum esse. Memini quendâ olim Blossium Cumanum, qui Tib. Gracchi partes secutus erat, à Lælio interrogatum, *Quid si te Gracchus templo Iouis opt. max. faces subdere iussisset? respōdisse, id quoque se fuisse facturum, si iussisset.* Et si multos habere te iactes, tã valde tibi ad dictos, tamen ne fallaris, iubeo vt me eorum numero eximas. Nunquam enim putavi religionem esse latrocinium & imposturam.

tarum, Apostolorum. Sed ut te eius agminis
signiferum esse probes, oportet, alia signa quæ
quæ nunc præfers, attollas. Interea liceat mihi
bona tua gratia missionem impetrare, & ve-
niam, si Christi signa sequar, & à tuis paululū
diuertam. Equidem miror, cum tam liberalis
atque facilis sis in dissoluendis non modo vo-
tis, sed & coniugiis, & quidem in diuortiis fa-
ciendis tantum tibi tribuas, ut domi tuæ, fra-
trem priori vxore repudiata etiam nū super-
stite, alterius maritum esse iubeas: te nūc tam
seuerum esse in astringenda obligatione, vel
monasterij tui, vel tuorum numerorum atque
castrorum. Ergo deinceps sibi caueant, qui sa-
piunt, ne temere tibi dent nomen: ne nunquā
sit iis integrum discedere abs societate, quam
postea fortasse sentient nō esse, quod diceba-
tur. Ego quidem certe tui sacramenti milita-
ris conditionem, quam nunc dicis, non acci-
pio: & si excipias, nulla mihi exceptione olim
cautum fuisse, de dolo tuo replicabo: saltem
minoris ætatis defensione utar, restitutio-
nemque in integrum ab æquo Prætoris impe-
trabo. Vis exēplis bonis præterea utar? Cum
olim Augustinus adolescens in Manichæos,
& Epiphanius in Gnosticos incidisset, & iis
imprudens utræque nomen dedisset: deinde
verò, cum sentiens quod eorum secta tenderet,
pedem referret, clamitabant illi quoque esse
Manichæos. Fortasse contumeliosus essem, si te

cum iis conferrem: tantum abest, vt id velim: sed dico tam mihi licere abs tua noua factio-
 ne, vbi abs religione deflectit, deficere, quàm
 Augustino & Epiphanio fuit necesse, vt ad
 Christi Ecclesiam redirent, deserere Gnosti-
 corum & Manichæorum coniurationē. Quid
 præterea tibi multos laudem, quos Augusti-
 nus laudat, quia Donatistarum & Circūcel-
 lionum coniurationem, cui impudentes sub-
 scripserant, deseruerint? Vis vno verbo dicā?
 Cum te tuumve librarium audio *quædam* ac
 ius dicentem, videor mihi audire Donatistas
 in sua Bagaïensi Synodo pronuntiātes de Ma-
 ximiano & eius optimis collegis. Et vt breue
 faciam, sententiam tibi vnā opponam, quā
 hodie legi, tu nondum audiisti: Cum his die-
 bus historiam Donatistarum colligerem, &
 eo nomine Oprati libros contra Parmenia-
 num Donatistam non solum excusos, sed &
 manuscriptos euoluerem, incidi in eū locum,
 quo refellit Donatistas, qui aliis obiiicientes,
 quod committebant, Iamnem & Mambrem
 cum pacificis (vt ait) catholicis comparabāt.
 In eo libro inquit Opratus: *Nullus eorum debet
 argui, qui de collegio vestro ad pacē transitum fecit.
 Qui fuerant sinistra opinione turbati, simplici ac pu-
 ra veritate firmati sunt, &c.* Nondum (video) de-
 sinis calūniari. Ne forrē videaris aut nugari,
 aut nihil agere, nihil nō moues & fingis. Etiā
 Duarenī testimonio vteris. Quid ineptius? Si

ille me, cum istuc irem, transfugam vocabat, an propterea tu, quia huc sum reuersus, apostatam esse probas? Quis non obstupescat te tantum dialecticum hæc tam male coherētia portenta connectere? Ita est sane. Cum tu me inuoluere frustra conaris, mirabiliter te implicas. Ego vt me liberē, & tibi satisfaciam, & cū tu extra rem multa misceas, ego ad rem dicam aliquid, non modo *καὶ ἀποστρέφω*, sed & *καὶ ἀποστρέφω* breuiter respōdebo. Dicit de vtraque eius generis veluti thesi copiose posset: sed ocium mihi nullum concedūt tui tumultus Galliæ perturbatæ, ac ne quidem bibliothecam ex Germania meā huc referri hactenus passi sunt, & aduersariis propterea tuis armis potius quā libris nunc meis septus, tumultuarie dictare cogor, quod respondendum tibi est: vt si iam breuior in vberi argumento sim, tu talibus impedimentis vehiam des. Scis in Euangelicis literis *ἀποστρέφω* appellari, libellum (vt vocant) repudii. Ego si res tuas tibi habere, atque agere iubeam, vel conditione tua me non vti antiqua formula dicam, Diuortium iustum esse contendō. Id vt liqueat, nunc de moribus iudicium verus instituendū esset. In eo si me cogas causam dicere, liquidò probabo, te causam diuortio dedisse. Sed honoris tui causā peto, vt hic imitari possim pudorem Pauli Æmilij, & eius verecundo responso sim cōtentus. Certe nul-

te cogimur perditissimo calūniatori reclama-
re; ac nisi si dolorē iustissimū reprimerē, audi-
res ō noster *deus meus*, quod mereris. Iampridē
tu quidē impune ita ludis, vt quod in te dirigi-
tur, in Christum detorqueas: & ita agas quasi
Ecclesia Christi & factio tua, religiōque Chri-
stiana, & persona tua, eadem res esset. Et verō
aliquam multitudinē effascinasti, vt non dis-
cernat quantum intersit. Sed an omnes Gal-
los tam fungos esse putas, vt neminē sentire
& videre putes, te improbe miscere, quæ val-
de diuersa sunt, & inter quæ magnum est in-
teruallum *rei diuersitatis* siue *discrepantie*. Scio magnę
artis olim fuisse hāc actionem tuam: sed iam
nimis vulgare & notum est hoc artificium, &
est tam attrita, quam toties obtendis, larua, vt
no pueros quidem terreat. Fuit quidem certe
hoc etiā olim familiare non modo hæreticis,
sed & schismaticis, vt Ecclesiæ quoque catho-
licæ titulum suæ factioni ascriberēt. Sed quis
eorum impudētiā non rideat? Eat nunc no-
ster Salmonesus, & bruta sua fulmina eiacu-
lando percellat Galliam trepidantem. scilicet
hoc eius verbum est: æra sonant Corybantes,
expauescite pueri. Memini, quod Augustinus
narrat, olim Petilianū quendam Donatiano-
rum Apostatarum ducem & Episcopum, cla-
mitare solitū esse, *Totus mundus apostatauit. Nos
autem in Ecclesia permansimus, tanquā dua illæ Tri-
bus in populo Dei.* Iampridem tu eodem ore ca-

nis eandem cantilenam. Sed si id posteritati
persuaderi velis, diligētius, quā nunc facias,
contine ō magne Tribune tuam tribum. Tu
in priori tua contra me declamātione, Eccle-
siam, à qua defecisti, cōparas cum decem Tri-
bubus Israël, quę Ieroboam secutę sunt. Ita-
que tuā synagogam vis haberi pro regno lu-
dę, pro duabus (inquam) illis Tribubus, quę
Roboamo paruerunt. Sed hęc tua iactantia,
quid est aliud quam recocta crambe Donati-
starum? Quid verò Donatistis respōderit Au-
gustinus, etiam relegito, & quidem, si potes,
animo sedato, docili, religioso. Vt verum tibi
dicam; illi illi me libri Augustini, quos post-
quam abs te discessi, legi, reuocarunt ab ea, in
qua & novos Circuncelliones videbam, fa-
ctione: & optarem, vt qui in Gallia etiamnum
eo loco sunt, quo fui, libros illos religiose le-
gerent. Si illi te vrunt, mihi irasci non debes:
si iis subscribere vis, dele quam mihi dicam
scripsisti. Nam iterum profiteor, me in Augu-
stini sententiam iuisse, quam Christianam esse
sentio: neque vt ab ea deficiam deinceps faci-
le efficies. Si eū iudicē recusas, & actū agere
vis: saltem cum litigas *vel inuocatis*, vt liqueat
quid velis, prius definito quidnam ea sit: dein
de si quem eo nomine reum facere vis, apposi-
tē ex eo genere reperere & expone speciem cri-
minis, & proba quod obiicis. Nam falleris, si
solo siue sibilo siue crepitu conficere putas

quicquid tibi libet. Prius illud præstitisse te
fortasse dices, quia subornaris nostrū quondā
Crispinum, tuum librarium, ut ederet nescio
quem commentarium ad L. III. C. de Apōta.
Equidem primum tibi gratulor, quod tā con-
sulta habeas mancipia, tamque paratos tuo
sumptu consiliarios, eosque non ad imprimē-
dū ius modo, sed & ad scribendū dicendū-
que ius paratos, & quidem (ō tuas gentisque
tuæ Domitiæ delicias) Ænobarbos. Deinde
nostræ patriæ etiam gratulor & admiror tuā
felicitatem, quod eum, qui dicebatur desisse
esse Iurisconsultus, ut fieret librarius tuus, nūc
rursus ex librario repente facere potueris Iu-
ris utriusque non modo consultum, sed etiam
interpretem. Verum moleste fero commenta-
rium illum, quem inscriptio & pagina prima
tuæ farraginis pollicetur, nondum huc per-
latum esse, & sine appendice tam nobili farrā-
ginem tuam mancā & imperfectā in nun-
dinis Francofordiensibus, vānisse cōqueror:
& quia pro integra est vendita, ex empto con-
tra venditores malæ fidei institorēsque tuos
agendum esse putarem, nisi si de dolo malo
potius agēdum esset. nam edictū Ædilitium;
ex quo tales merces redhibere possem, non sa-
tis esset ad puniendam talem fraudem.

Age, etsi commentario tuo, & glossa tui in-
terpretis carcamus, conabimur tamen legem,
ad quam nos reuocis, utcumque intelligere, gra-

tiâsque tibi etiam agemus, quod tandem aliquâdo leges, quas hactenus superbe contempseras, ex Iustiniani nostri libris repetitas, iudices esse non nolle videaris. Cæterum librarius tuus debebat l. iiii. C. de Apostat. prior loco proponere, ut abs definitione ordiretur suam disputationem, hoc est, ab eius constitutionis ea parte, quæ, ne huius (ut ait) interpretatio criminis latius in incerto vageetur errore, definit, *Apostatas appellari, qui nomine Christianitatis imbuti, sacrificia sacrilega vel fecerint, vel faciēda mandauerint.* Nescio, an hic tuus seruus, quia est licentiatus vtriusque iuris, malit definitionem apostatarum repetere ex iure Canonico: sed suum prælum vix exercere posset, nisi si seruis vteretur iis, qui eo iure dicerentur apostatæ. Equidem nō possum diuinare, quid talis legislator, qui scribit ad Iuriscōsultos de apostatis, sibi velit, donec commētarium eius legero. Sed interea suspicor eum ex iure Ciuili definitionem potius repetere: præsertim cum speret fortasse ex ea efficere posse, omnes Iuriconsul. esse apostatas. Cur ita? Quia Vlpianus ait eos appellari sacerdotes. Accursius vero, eo loco annotet, esse sacerdotum, facere missas. Et fortasse hic error fecit, ut tuus librarius defecerit ab ordine Iuriconsultorū, ne & ipse Apostata iudicaretur. Quam verò obstupescet, si addidero ex Cod. Th. *Legē Constantis & Constantii, A. vel P. solis aduocatis*

dandum esse prouinciæ sacerdotē? Ad quod sacerdotum dictionariū, vt se expediāt, confugiet bonus *λεξιλογος*? Non possum non iocari in re licet seria, cū video ridiculam istius siue Doctoris inscitiam, siue Censoris arrogātiā. Etsi fortasse aut nescit, aut fateri nolitam antiquum esse Missarum verbum, quam est illa Constitutio, quam laudaui: tamen suspicor, si rogetur quid cogitet, cum in ea legitur sacrilega sacrificia; Missas dicet. Sed nisi si rursus definiat, quid, cum eas dicit, intelligat, vereor ne cōfusa & ambigua voce ipsum etiā Ambrosium, qui certe vixit ante illam legem, significet fuisse Apostatā. Ambrosius enim se Missam fecisse ait. Negabit hoc fortasse auditor tuus. Nō enim id istic audiuit vnquā. Sed legat Ambrosii Epistolas, & discat, quod nōdum didicit: quanquam rursus sit illi necessarius aliquis commentarius, vt intelligat Ambrosianam Missam, & quid olim hoc verbo significaretur, & quid esset, discernere possit noster interpret antiquitatis. Imo vero dicet se non ignorare, quod in tuis toties castigatis Institutionibus (tuos enim prope solos, vt excudit, sic legit libros) etiamnum legitur, Missam olim dictā esse abs muneribus, quæ mittebantur. Ergo vereor, ne noster librarius malit esse municeps quā munificus, ne propterea sacrificus, & (quod consequēs esse putat) apostata, esse iudicetur. Ignoscat iterum mihi

lector, si nondū desino iocari in re seria. Qui non rideat istorum Magistrorum tam puridas superbāsque ineptias? Si, ne longius abires, per tuas delicias tibi licuisset, illius, quem pro tua ciuilitate Lamiam in sterquilinio iacere scribis, vir fortissime atque mundissime, commentarios euoluere: potuisses non ignorare, Missam olim Christianos vocasse, vt vocabāt Collectam: & hanc, cum populi concio congregaretur: illam, cum dimitteretur, vocem frequentem fuisse. Quam obstupescet doctissimus tuus interpres simul & Chalcographus, si dicā Missam quoque olim appellatam fuisse, illam collectam, vbi neque sacramenti, neque sacrificij vlla erat memoria? Sed hæc & huius generis plura, quæ tecū ignorat, mecum addiscet, vbi etiam scire volet, quænam olim recte iudicatæ sunt esse Missæ (vt appellabantur) legitimæ, quænam nec legitimæ. Interea vt hoc verbo, quod etiam sine re odit, minus offendatur, cum & te moneo extare in ipsis Pandectis Flor. veteresque Iurisconsultos appellasse Missam, vbi de repudio misso agitur. Quam significationē si admittat tuus leguleius, non negabo me, cum à vobis diuerto, vósque missos facio, missæ reum esse. Sed ad rem. nam plus satis iocati sumus. Nemo, credo, tam insulsus, præter tuum typographum, est, qui ignoret, in illa, qua de agitur, Constitutione sacrificia sacrilega vocar

ea de quibus agitur Cod. de sacrific. Pagan, neque tamen recuso, quin post Christi tempora eodem loco habeantur impiorum Iudæorum sacrificia. Itaque & in lege Constantij, si quis ex Christiano Iudæus efficitur, iudicatur Apostata: & in Constitutione Theodosij, de sectæ religionis reus esse dicitur, qui ad sacrilegia Templorum, vel ad ritus Iudaicos transiit. Hinc æstimare licet, Apostatam in hisce legibus appellari, qui abs Christi religione desciscit ad Iudaismum aut Paganismum. Sic Iulianus ille dictus est Apostata, quem Ambrosius appellat Præuaricatorem, ut Eustachius, παραβάτης. Non puduit interea hunc tyrannum leges ferre de Apostatis. Si hoc est, ut est, indignum: nonne indignius est, te definire Apostatas esse, quicumque tua signa, etiã cum ea audes quæ religio Christi vetat, non sequuntur? & aduersus hos tamen velle detorquere veteres Christianorum leges de Apostatis? Videris, an cum Iudæis aut Paganis habeas aliquid commune in seditionibus prætextu religionis excitandis. Ego vero profiteor si à tali factione deficiam, religiosam esse *ἐκκλησίαν*. Si hanc hæresin esse putas, dicito quænam sit. Certe Machometanam esse non dices. Equidẽ memini Cyprianum scripsisse Nouatianum olim voluisse sacrificia sacrilega offerre. Loquitur autem de eo, qui (ut ait) profanum altare erigere & adulteram cathe-

dram collocare tentabat: qui (vtar Cypriani
 verbis) nitebatur adulter & extraneus Episcopus
 fieri à desertoribus: qui post connexam & vbiunque
 coniunctam catholicæ Ecclesiæ vnitatem, humanam
 conabatur Ecclesiam facere, & per plurimas ciuitates
 nouos Apostolos summistebat, vt quadam recentia
 institutionis suæ fundamenta constitueret: cumque
 iam pridem per omnes provincias constituti essent
 Episcopi, creare alios pseudepiscopos audebat, &c.
 Agnoscis bone vir, Cypriani verba de Noua-
 tiano, sacrilega sacrificia offerre volente. Nunc
 vide, an nihil tibi cum eo sit commune; nihil
 simile. Nos talem nebulonem, omnesque eius
 similes siue impostores, siue desertores, siue
 nouatores, execramur. Quid præterea sibi vult
 librarius tuus? Scit me à primis annis nihil non
 fecisse atque etiam nunc facere, vt eos fugiam.
 Scit me neque esse, neque fuisse sacrificum:
 imo vero sacrorum omnium ignarum esse me;
 tu illi dictasti, & id suis ille typis statim confi-
 gnauit. Sacrilegum quidem certe (credo) non
 dicet, nisi forte vt Ouidius sacrilegum voca-
 uit Lycurgum ob contempta Bacchi sacra.
 Sed si vellem de arcanis vestris siue sacris siue
 sacramentis siue sacrificiis vicissim dicere, qua-
 lem putas ~~describerem~~ describerem, hominum
 dicerem à fide desciscientium, si fraudem contra-
 riam esse bonæ fidei, Latinè liceat dicere. Si (in-
 quam) mihi nunc liceret (sed liceret, si vellem).
 vestrorum consiliorum atque arcanarum com-

municationum mysteria euulgate, sentirea-
re non tibi satis cauere, cum tam confidenter
alteri obicis quod tibi proprium est. Sed si
hanc ætatem lateant tam subtiles tuarum actio-
num insidiæ: at certe posteritati non erit igno-
ta historia. Interea infelix tuus librarius, qui
balburit de suis apostatis, viderit, cum quibus
ipse quotidie communicet: ac, si alios accusa-
re velit, prius se liberet. Salte liquido prober,
quod intendit. Nam turpe esset, cum, qui non
vult videri defecisse ab ordine Iurisconsulto-
rum, hanc primam Iuriscētium regulam non
tenere. An, ne non discipulus tuus videatur,
vis exemplo cum tuo palam calumniari atque
improbe mentiri, vt & habeas sociū in depen-
dendæ calumniæ pœna? Sed oggannier, etsi in
Gallia neque Iudei, neque Pagani suo more sa-
crificent, tamē alia esse non minus sacrilega
sacrificia. Quænam ō vindex sacrorum? Ine-
ptus ego, qui istud ab isto mancipio prelorū,
tanquam ab aliquo veteri Rege sacrificulo pe-
tam, cum tamen, non modo quid sacra fa-
cere, sed etiam quid facere sit, vix sciat. For-
tasse ex illa scurrili, quæ isthic excusa est, ana-
tomia, secabit & proferet aliquid pudendum,
quod rideat, ego deplem. Sed suis auctori-
bus talia vlcerā, si velit, affricet bonus hic Chi-
rurgus. Neque tamen si in theatricam (vt isti
histriones faceti vocant) saltationem, ad con-
tumeliam nominis Christiani conuertat om-

nes maiorum nostrorum ceremonias, fecerit aliquid, quod non olim & ab hæreticis factū sit, & Nazianzenus vidisse se narret. Irridere vero & ad ludibrium traducere si velit barbaræ posteritatis solæcismos (quanquā nō magis quod est vitiosum ab integro, quā quod est nouum à veteri discernere sciat) per me sane licet, vt in sua scena saltitet. Cæterū fingat quascūque volet (vt vocant) abominatio- nes, & eas, quantum velir, exagitet, nihil inueniet, quod mihi ascribere iure aliquo possit. Nam quid tandem est in iis, in quo meum sit crimen? Equidem nulla nisi Christianorū aut sequor, aut agnosco sacrificia: nulla, nisi sacro- sancta, legitima, & religiosa: nulla, nisi quæ post Apostolos in Ecclesia veteri fuisse, & piis omnibus merito placuisse didici. Detestor & fugio, quæcunque vel vitiosa vel impura esse scio. Atque vt vtrunque liquido cognoscere possem, scis me hætenus nihil non fecisse: & constanter cum res bonas defendisse, tum vero malas damnasse. Neque si vis, recuso, quin & diserte & distincte de iis agamus. sed tuum est, prius aliquam speciem exprimere, de qua litigas. Interea videris, num sacrilega sit tuorum audacia, qui veterū quoq; Christianorū sacra cōtumeliose proculcāt: saltē in iis importune dānant multa, anteq̃ ea intelligāt: vt audax non minus, quā superba est inscitia istorū *rationis*. Certe cōcoquere nō possum, quod

tui quidā volunt, nostros Principes habēdos
esse pro Paganis vel Ethnicis: & in Christia-
norū Tēplis, in quibus fateor & doleo multa
esse corrupta, nihil aliud esse quā merū Pa-
ganismum. Mea quidē certe nihil interest, et si
probes, cum à quo baptisatus es, fuisse (vt ais)
Cybeles sacrificum: aut etiam, si vis, fuisse ar-
chigallum. Sed Curetum atque Corybantum
furor est, immanis profecto furor, velle nos
insanis clamoribus obruere, si de Christianis
modestius loquamur. Memini quid olim no-
stris obiiceret Faustus Manichæus: sed simul
teneo, quid illi responderit Augustinus: cuius
librum saltem vigesimum cōtra Faustum illū
legant velim, qui nondum legerunt. Interea
quid est cur in me insilias cum isto tuo, vlulatu
Corybantico? Si sacrifici tibi molesti sunt: ego
alienum factum præstare nec possum, nec de-
beo. Neque tamen tuo crepitu tam valde me
percelles, vt veterem Ecclesiam, saxum Cybe-
les esse dicā. Diruas, ædifices, mutes, quadrata
rotundis: quid hoc priuatim ad me? Verum
cum tu vis illud Horatianum, *Templa nouo re-
parare saxo*: audebo dicere malle me, rediuiuo:
& id, credo, malunt, quicunque cum Ecclesia
Remp. esse optant: proptereaq; tibi, alio con-
silio aliud molienti, nouum opus nunciarent,
si sua nuntiatione, quasi quodam interdicto,
efficere possent, vt tu cum tuis fabris faceffe-
res, & meliores architecti, qui se abs te obtur-

bari queruntur, non modo ad facta recta, sed & ad totius ædificii probam instaurationem tandem aliquando serio vrgerentur. Sed ea de re alias. Nunc redeo ad legem de Apostatis: in qua cum imprimis sacrilegorum fiat mentio, miror tibi Apostatas non videri tam multos, qui sacrilegiis onusti ad te deficiunt atque confugiunt. Nam & si ij deinde tibi sacrificer, tamen eorum sacrificia quæ dicere possis non esse sacrilega: imo qua prece possis consecrare, ego, vt superstitiosus sum, vehementer addubito. Rursus autem miror, te, cum, ne quis noua tua sacra relinquat, terribilis eorum vindex cum tuo librario videri vis, eam nunc laudare, quam proponis, cõstitutionem de pœna Apostatarum, cum non nisi intestabiles Apostatas esse velit: & vos non tam Solones, quam Dracones, denũcietis supplicium capitis omnibus, non solum, quos vestro more definitis Apostatas, sed & qui capitales vobiscum esse recusant. Miror (inquam) quòd non lauderis potius illam de Paganorum sacrificiis legem capitalẽ, quã & laudat Augustinus epist. xlviii. & ab ipsis quoque Donatistis laudatam fuisse ait. Tolerabilius id fuisset, quam quòd tunc siue hypodidascalus, siue procurator, etsi Nicephorum detestari soleat, tamen laudare non dubitauit, quod ille narrat, tempore eius Tyberij Imper. qui post Iustinianum imperauit, quendam Anatolium, qui Antiochiæ sacrificat

carat idolis Paganis, cum proscriptus tantum
abs Principe & ludicibus esset, abs fremente
& tumultuante plebe, bestiis obiectum esse, à
quibus discerptus sit. Certe qui tale exemplū
populi seditiose furentis aduersus rem iudi-
catam laudant, atque ad imitationem propo-
nunt, quid tandem agant, vix, credo, cogitāt
nisi si ius non curent, qui hoc tantum curant,
vt regnent, & regnandi causa ius violandum
esse audiūt. Et fortasse sapiunt, qui, quo iure,
qua iniuria, terrere & cōtinere suos Initiatos
volūt. Sed quid noster cum sua lege libarius?
Vbi eius Commētarium legero, audiam quid
tandem dicat de cōstitutione, quæ iubet Apo-
stataras esse intestabiles. Fortasse quia alias dixi
auctores famosorum libellorum esse intesta-
biles, querit recriminationem, & simili pœna
dignam facti speciem fingit. Sed quid si illi
iterum obiciam, non modo Manichæos, sed
& Donatistas, à quibus forte minus abhorret,
lege quoque iuberi esse sacros & intestabiles?
Quid si addidero, non modo testimonio &
testamento, sed & commercio iis esse interdi-
ctum? Quò se verter hic noster mercator, si eo
iure teneatur? In quibus nundinis vendet suas
merces? Sed (vt audio) boni & simplices no-
stri Censores legibus non vtuntur nisi in rem
suam. Itaque cedo. Mirum vero quod istis de
pœnitētia, de remissione peccatorum, de Dei
misericordia toties & tam liberaliter decla-

mantibus, tamq; lubenter omnes ad eorū castra transfugiētes excipiētib; nunc tāto pereplaceat illa huius cōstitutionis caufula: *perditis, hoc est sacrū baptisma profanantibus, nullo remedio pœnitentiæ, quæ solet aliis criminibus adesse, succurritur.* Suspiciari aliquis posset nostrū iudicē Apostatarum, propemodum iam esse factum Nouatianū. Sed dicet se hanc Constitutionis clausulam intelligere de peccato in Spiritum sanctum. Velim tamē, meminerit, eius peccati diiudicationem, Dei cognitioni atque iurisdictioni arcanæ relinquendam esse potius quàm hominum arbitrio temere cōmittatur. Interea patior, vt statuatur noster librarius de se suisque gregalibus, an tale peccatum commiserint. Verum ne statim alios iudicet ex suo ingenio. Equidē scio veteres in Ecclesia multos, qui Nouati alioqui hæresin damnabant, docuisse non nisi vnā post baptismum esse pœnitētiā, & hanc solam post naufragium veluti tabulam superesse. Sed an audebit noster interpretes hanc opinionem suis commentariis attexere, quā in sui magistri Institutionibus damnatam esse legit? Quid? In iis etiam legit laudari hāc ipsius quoque Cypriani protestationem: *patientia & facilitas & humanitas nostra veniētib; præsto est. Opto omnes in Ecclesiam regredi. Remitto omnia, multa dissimulo, &c.* Nūc quàm ridicula sit seueritas nostri Catonis Cenforii, estiment viri graues. Ego risu & iocatio-

ne digniorem esse existimo, quam refutatione, præsertim cum hominis, cum quo nunc mihi res est, ineptias nimium familiariter nouerim. Ergo mihi alii ignoscant, qui hos Areopagitas non nouerunt, si in re licet seria, iocando potius quàm pugnando abigam istas laruas, quæ illudendo terrere me volunt, quasi nescirem eos, cum id faciunt, inter sese clam ridere. Equidem ut olim Cato mirari se dicebat, si aruspex cum aruspice aspiceret, non rideret, mirarer, si isti collusores, cum domi sunt, inter sese risum continere possent. Quid igitur me torqueam, ut serio pluribusque verbis eos refellam? Quid ego nunc aduocem Iuriscōsultos Principes nostri ordinis, quos hic nugator per meum latus confodere vult, ut rogatum collegiū, à quo turpiter defecit, impia defectionis accuset? Quid (inquam) viros doctos & excellentes Iuriscōsultos aduocarem ad depulsionem huius iniuriæ, & fugitiui mancipii perquisitionem? Scilicet existimo, magno esse opus præsidio, ut aduersus tuam impressionem sese defendat ordo noster, & pati non possum, ut qui se alteri mancipauit, perpetuam seruitutem seruiat, neque ordinē, quo indignus erat, dedecoret sua societate. Et verò quid tu infelix chalcographe cū tuis follibus eos laceassis, quos miseret tuæ miseriæ? Me quidem certe nūquam commouebis tam valde, ut serio tibi irascar. Memini quod Au-

gustinus narrat de suo Possidio, quem duo Crispini Donatistæ Calamenses, Episcopus & Presbyter, indigne vexarūt: sed qui tamen re ipsa declarauit non cupere se hostium suorum (vt ait Augustinus) vindictam, sed (si fieri posset) conuersionem. Ego in Crispinum, nostrum quondam condiscipulum, & (vt hactenus ego nimiū credulus putauī) amicum; etsi, vt hero suo placeat, in alios crudelis sit, non minus lenis esse velim. Nam neque omnino obliuisci possum veteris amicitia & consuetudinis & eiusdem à pueris educationis: tamen hic quondam meus sodalis, omnis & pudoris & humanitatis, & ingenuitatis, non minus quam iuris, sit oblitus, ex quo factus est seruus Allobrox. Scio ab Horatio celebrari quendā Crispinum Stoicum philosophastrū: sed ineptum vocari, & vt inflatum loquacemque rideri, audio. An nostrum cum eo comparare in? Notisut Horatij versus,

- ecce

*Crispinus minimo me prouocat: accipe, si vis,
Accipe iam tabulas: detur nobis locus, hora,
Custodes: videamus vter plus scribere possit.
Dij bene fecerunt, inopis me quódque pusilli
Finxerunt animi, raro & perpauca loquentem.
At tu conclusas hircinis follibus auras
Vsque laborantes, dum ferrum molliat ignis,
Vt manus, imitare.*

Nihil nunc præterea optimo nostro Crispino respondero, præsertim cum egregium eius de

Apostatis commentarium, licet precium numerarim, nondum acceperim. Eum ubi legero, videbo, an alia dignus sit responsione. Ac, si me ipsi debere *αὐτῷ δαίω* dicet, dabo commentarium ad L. 1. C. de Sacr. Trin. & si. Cathol. hoc est, ad legem ex eodem Codice repetitam, ex qua discet aliquid, si non de Apostatis, quos probe scilicet nouit, at certe de hæreticis, quorū videtur etiamnum ignorare conditionem. Verum quo se vertet bonus vir, si ad Constitutionum Codicem, ad quem pro-uocat, eum reuocem, & ubi ingressus erit, retineam? Quid faciet, cum audiet Christianarum legum fulmina, quæ illic inclusa sunt, & vinculis laqueisque, quos imprudens induit, teneri se sentiet? Quæ spongia delebit, quo inducet atramento, tot Maiorum, quæ in eo libro leguntur, de rebus Ecclesiasticis Constitutiones antiquas, quarum vel sola recordatio, capitalis est sententia de hisce nouatoribus? Si hi saperent, talem Codicem, quod hætenus cautè fecerunt, fugerēt tanquā scopulum. Sed fortasse vult Deus eos sua imprudentia irretiri & veluti *αὐτῷ κατὰ κρίναι* teneri. Quia tamen dixi parcere nunc me velle nostro monitori, non cogam vt exedat quod sibi intriuit: sed veterē amicum, quem turpiter seruire doleo; etsi amica admonitione indignus sit, amice monebo, ne nouo domino herōque crudeli nimium obsequatur: monebo, vt si non

vult videri plane oblitus Iuris, saltem meminerit illius regulæ, quæ monet, in iis demum, quæ non habent atrocitatem facinoris vel sceleris, ignosci seruis, qui dominis, vel iis qui vice dominorum sunt, obtēperauerint. L. clvii. De diuers. reg. iur. Nunc ad te redeo magne Ioannes, vir humanissime, vt audiam ecquid præterea in me accuses, quod capitale esse putes. Etsi suauiter risisse te dicas (ô risum in aliorum gemitu crudelē potius quam suauem) tamen fremens indignaris, cum audis me veterum Christianorum iudicia de coercitione hæreticorum præferre tuis capitalibus decretis: & exclamas propterea, nos seuitiæ infamia aspergere legem diuinam. Ne sæui magne sacerdos. Nam in isto actu tuæ tam effusæ iracundiæ vix vides, quos petas, in quos incurras, quid misceas. Est hoc quidem magnæ cautionis & artis, semper legem diuinam prætexere, cuius nomine tanquam clypeo, non modo tegas & ornes crudele tuum factum, sed & merum illud, quod affectas, imperium armes. Sed magnæ rursus amentię atque perturbationis est, non sentire, quid homines cordati sentiant de ista tua tam audaci Dictatura, Quicumque tibi, cum eos, quos hæreticos esse pronūcias, vstulatos ardere iubes, non subscribunt, vis tanquam diuinæ Maiestatis reos abs tuo Tribunali ad eundem rogam duci, quia, vt ais, seuitiæ accusant legem

Diuinam. Itáne vero audes, non dico tot huius ætatis piorum & Christianorum hominũ milia, qui abs te dissentiunt, sed & vniuersam Ecclesiam veterem, eiúsque religiosam moderationem, nõ iam dico infamia aspergere, sed tam atroci crimine onerare? Tu cum Donatistis sæpe exclamas, *Totus mundus apostatavit*. Tu cum omnes, præter te & tuos, errare dicas: hæreseos prope omnes damnas: damnatos ardere vis: rursusque eos, quibus hæc non probatur, simili sententia iugulas. Cui igitur vitam relinquis? Olim Iustinus in sua ad Zenam & Serenum epistola, reprehendit quosdam sui temporis zelotas, qui igneis (vt ita dicam) affectibus, quibus tamẽ, vt fit, Euangelij nomen obtendebant, indulgentes, sic erant inflammati, vt si potuissent quod volebant, igne excitassent, quo totus orbis cõflagrasset. Quid tu? Id alij iudicent. Nimis enim efferuesces, si quid ipse dixerò. Nam & quia te antea verecunde monueram, non esse satis, obtendere zeli nomẽ: & propterea mentionem feceram zelotarum Hierosolymitanorũ, qui scelera-ri latrones fuerunt: nunc furiose clamas & calumniaris, me tibi talia scelera ascribere. Non ita est vir optime: sed opto, ne iure dici aliquando tale quippiã possit de factione tua. Certè terribile est, quod vt tuæ crudelitati patrocineris & applaudas, confidenter vrges, nõ posse damnari legem tuam, quin diuina dam-

netur. Quid? Nullusne iam à tempore Moſis præter te, aut legit aut intellexit, aut obſervauit legem Moſaicam de pſendopropheta, de blaſphemo, de idololatra? Nemo quidem, certe præter te vnquam ſenſit, nihil de eius ſeueritate poſſe remitti, cum etiam eſt nouum crimen erroris & falſæ opinionis, quod aliqui neque doli mali, neque malæ conſcientiæ peccatum ſit. Nemo (inquam) præter te vnquam cogitauit, eſſe neceſſe, vt quod Moſes edixit de iis quos dixi, ſtatim trahatur ad eos, quos tu hæreticos dices, ſi non lapidandos, at certè concremandos. Si dicerè, quæ nã fuerit executio legis Moſaicæ in ſua illa gēte. & Rep. dicerè quod eſſet nūc ſatis ad te reprimēdū. Quid? Non auſus eſt ipſe Moſes, quod de idololatra edixerat, trahere ad blaſphemum: ſed oraculum iterum conſuluit, an quod de illo decretum erat, ad hūc quoque pertineret. Et tu audes tuo arbitrio: quid prius dicā, poſteriùsve? Tam multa nunc mihi occurrunt, quæ contra te & dici poſſunt, & dicunt omnes boni, vñeſciam vnde ordiri, vbi deſinere debeam. Si diceres diſtinguere te, ſicuti diſtinguit Auguſtinus, inter hæreticum & hominem hæreticis credentem, aliquid diceres. Sed Auguſtini mox & tuæ perſonæ oblitus, cælum terræ miſces. Quid nunc in hanc diſputationē longius ingrediar? Quia paucis verbis explicari non poteſt, & tu ab ea forte abhorres, agē reit-

ciatur in alium locum aliudque tempus. Sed quia te amo & tibi tuisque metuo, facere non possum, quin obiter moneam te tuo capiti parum cauere videri, cū in ea disputatione vteris quodam procuratore, qui cum capitalē pœnā denūciasset hæreticis, alio loco sui tuique oblitus definit *hæreticum esse, qui à recepta Ecclesiæ doctrina ita aberrat, ut contempto Dei & Ecclesiæ ipsius iudicio, in sententia permaneat, & discipulis ascitus, Ecclesiæ concordiam violet.* Credo te tam hebetem non esse, quin videas talem definitionē & eius auctori & tibi esse periculosam, & propterea gratias agas Castalioni, qui de utroque sollicitus, eam esse vitiosam ostendit. Sed si sapis, vel inde disciro, ecquo recideres, nisi si hostes ipsi tibi parcerent. Disce, quo in statu esses, si quod ius aliis dicis, eo iure vti, si cuti æquum esset, deberes: denique memineris, quid illi, qui Taurum Phalaridi obtulit, merito acciderit. Equidem quo magis considero, & quis nā tu sis, qui tantū audes: & quid feceris, antequam legem, qua ita faciundum esse imperares, tulisses: & quid cum de tuo facto & lege noua te amici, quid sentirent, monerent, per tuum rursus terribilem Proconsulem iratus edixeris: denique cum reputo, quod, cum ipse etiam, ipse Musculus & vicinus & familiaris tuus, & in tuo ordine nō minoris, quàm tu, auctoritatis, in suis Locis communibus postremo ea scripsisset, quæ te pro-

fecto reprimere poterant, debuerántque: tu magis atq; magis exarferis, & in Prophetá Zachariá scribēs, ea addideris de eadē (vt vis) tua lege diuina, quæ significarēt, etiā priuatis hominibus, si aduersus eos quos iudicas hæreticos, vel idololatrias insurgendū sit, districtum gladiū te porrigere, & plus quam imperium merum singulis mandare, vt etiam parentes hoc zelo tuo incensi, ausint hoc nomine liberos suos confodere & iugulare: hæc (inquam) omnia, cum propius cōsidero, & quod euadāt, prouideo, quid aliud quàm attonitus exclamare possum: Deus bone, ecquo res Christiana recidit, si hic & Dictator, & Legislatoꝝ, & Zelotes, rerum potiatur? Mirabar nuper quot sum euaderet inflāmatuꝝ tuus quidā Apostolus, qui, cum hic concionaretur, suis auditoribus vehementer commendabat extraordinarium illud exemplum Leuitarum strictis gladiis per castra discurrentium, & obuios quosque idololatrias trucidātium. Sed nunc audio vix te contētum esse talibus Leuitis. Quid igitur homines inepti mirantur abs te istic quendam vltulatum esse? Quid sibi volūt, qui propterea contendunt tecum & cum iis qui tibi subscribunt, in Ecclesia communicandū non esse, donec tu illius non modo sanguinis, sed & sanguinariæ legis pœnitētiā egeris: & allegant nescio quid, quod Ambrosius ad Valētinianum scribit? Ac quidem tu caute fecisti,

quod supplicio non adfueris, quia fortasse legeras, veteres Christianos ne quidē spectatores talium animaduersionū esse potuisse. Sed quid Nero, qui ex turri Mæcanaris, spectabat αλωνι; Rursus caute facis, quod cum istic dicitur, aliquid abs te factum esse crudeliter & extra ordinem, tu miseros tuos, nescio quos Syndicos substituis. Sed an neminem scire putas, quinam illi peregrino viatori, qualiscunq; tādē is fuerit, & fuerit licet ipse Arrius, manum iniecerint, & accusatorem subornarint coquum suum: denique sententiā capitalem dictarint? Certe tu mihi iniuriam rursus facis, quod cum de tua seuitia queror, Syndicos illos abs me accusari ais. Quid ij fecerint vel non fecerint, nescio, nec moror: sed scio, si quid faciant, imperio fieri tuo. Eos enim scio abs tuo nutu pendere: præsertim cum meminerint, quid illi suo collegæ acciderit, qui tibi semper parere nollet: & quo iure, qua vi, quāve arte pulsus legitimis dominis, qui tibi erant molesti, sis factus Allobrogum Regulus: Sic tibi pulchre cauisti, ne qui aliquando nescio cuius criminis damnatus, istinc pulsus à Syndicis & actus in exilium es, iterum exularēs. Aiunt Heshusium, Magdeburgēsem concionatorem, Augustanę confessionis acerrimum propugnatorē, tibi nuper cum illa grauiora multa, quę quo atramento dilues, nescio, tum illud imprimis publicē exprobrasse, te istic

præfse iudiciis capitalibus. Quid si vidisset, quæ vidi? Nescio an memineris: sed profecto memini, quænam pridie quàm abs te discederem, domi tuæ noctu agitarètur cōsilia de nece cuiusdā tui (vt vocabatur) Capitanei. Ego mysteria retegere non audeo: sed Bernenses, qui te represserunt, testimonium dicent. Cæterum dissimulare non possum, quoties cogito non modo quæ istic consulta, scripta, factaque crudeliter sunt, sed & quæ istinc huc sunt perlata scuitiæ tristissima exempla, magno me dolore affici: neque non ad meas interdum querelas exprimendas, cū solus sum, recitare quosdam ex antiquis tragædiis lugubres versiculos: quos ego tamen nunc suppressam. Nam & irasceris me veterum poetarū verbis interdum vti: vterer potius hendecasyllabis tui collegæ, si vt numeros memini, verba tenerem,

Vos interrogo, quæ caput tenetis

Nascentis Rhodani superba saxa:

Vos, Nymphæ, rogo, quotquot hinc vel inde

Lemanni vitreas tenetis vndas,

Cur sæuos homines fouetis illos? &c.

Non memini eorum, quæ sequuntur: & vereor ne non suauiter satis tibi tinniant, hi versiculi nimium lenes mollésque: flebiles dico (vt vocat) Phaleucos, vernaculi tui vatis: tui (inquam) & familiaris, & domestici, & conubernalis, & prope riualis, elegātissimi quon

dam poëtæ, sed qui ex lepidò obscœnòque poëta factus est repente seuus theologus? Verum tu, vt statim te liberes, & os mihi semel obstruas, nũc magis me premis. Iubēs vt scuitiæ tuæ, de qua toties queror, acta cõmemorẽ. Equidem si tui capitales actuarij essent bonæ fidei, iuberem vt ederent quod petis. Si ideos facere non pateris, & ab exteris, qui non omnia sciunt, cõmemorari talia velis, rogo, quẽuis alium potius quam me oneres tam tristi recitatione. Superioribus annis ille, qui te profecto satis lancinat, ab extremis Phrisiæ finibus Lindanus significauit se suo tempore & loco conferre velle acta tua cum actis Donatistarum: vel si abs Batauò Belga (quẽ nullo hæcenus rêsponso dignatus es, acriter licet ab eo tentatus sis) depingi nolis: audio hîc historiam illam Donatistarum Gallice descriptam & cum tuorum actis collatam excudi. Ergo me abstali commemoratione nunc abhorre-re benigne patiaris, vt iam de stili tui (qui naturæ tuæ & ingenii index est) scuitia tantum conquerar. Nam neque omnes alii, quos læsisti, semper muti erunt, neque iis facile persuadebis quod de tua lenitate & patientia prædicas. Scilicet quisquam te vel imprudens vnquam pupugit, quem vbi vbi potueris, non afflexeris, & ad quem affligendum toto etiam decennio occasionem non obseruaueris, crudeli cupiditate diræ vltionis incitatus? quam

quidem in te cupiditatē non minus insatiabilem, quam implacabilem esse amici quoque tui dolent ac mirantur. Et tu nunc mihi laudabis celebre (ut ais) Socratis dictum, *An asino, si me calce petisset, coram Pratore diem dicerem?* Magnanima nempe est patientia tua Socratice Magister, nisi superbiā malis, qua nos gloriose despicias & proculcas. Sed si asini, quibus infides, tā saperēt, q̄ ille olim Balaamitic⁹, aliquid forte ab iis aliud audires. Scilicet brutū murūque pecus facile contemnere potes, à quo tibi non metuis. Generosius animal non potes, quod non tam facile subigas. Verum cū tuis quadrupedibus, ne tibi pauperiem dent, transfigito, ut voles, sine Pratore: asinōsq; tuos tuo arbitrio castigando doceas, ne aduersus stimulum calces. Me cur eodem tractare modo velis, nihil est causæ. Interea equidē te istic non modo Pratorem, sed & Quæstorem esse facile patiar, modo hīc non affectes, quod in alieno iā territorio merū imperiū occupasti: cūquē vel Allobrogū Duci, vel Bernensibus dominis (qui quid sæpe de te pronunciarint, nō ignoras) satisfacias, tum vero eorū doctori Musculo, vicino tuo, cuius auctoritatē continere non potes, pareas: qui postremo nō modo tuę rogationi, de qua nūc agimus, grauitè intercessit, sed & quam pertuleras legem sanguinariam, abrogauit. Quia Duarenū Iuris consultum mihi obiicis & laudas, iuberem te

memorem esse,quàm ille quoque in suis Beneficiariis Commentariis talem legem repudiari, & te moneat non temere olim dictum esse, *homines non pallio, sed auribus esse trahendos.* Sed si mihi in aliquam ea de re disputationem descēdendum esset, tecum agere paulò aliter vellem: neque (quod meæ tamen iurisdictionis fortasse magis esset) de magistratuum in coërcendis hæreticis officio nunc agerem, sed potius de tuo, cuius videris oblitus. Et tamen vt tuæ cauillationi occurrerem, præfarer, non de blasphemia, sed de errore, neque de impunitate, sed de coërcitione, quæ capitalis non sit, quæri. Ac imprimis quidē, si te dixero abuti lege Mosæica, quam mihi opponis, senties me dicere verum, si modo diligenter legeris libros Augustini cōtra Faustum, iisque subscribere velis. Leges autē Christianorum Cæsarium de hæreticis & Manichæis non omnino fide optima recitauit tuus mīnister pragmaticus, cui vellem, crederes interdum minus. Saltem, si dignetur aliquando tua grauitas, Cod. Th. euoluere, intelliget, eum nimis liberaliter extremi supplicij mentionem falsam laudare in constitutione Theodosi. Quale sit hoc falsi crimē, alias fortasse viderimus. Vos vero, vos quinam estis, qui in Consistoris iudicia de hæreticis vobis arrogatis, & de aliorum immanitate quiritantes, noua interpretatione nostrarum legum, vultis augere acerbiter sup

pliciorum? An hoc ista vestra persona dignū,
 an Apostolicum, an Euangelicum, an Eccle-
 siasticum esse diceris, tūque, puérque tuus? Si
 hoc faceret Quæstor vel Iudex aliquis capita-
 lis, ferre fortasse possem: sed quis vos ferat?
 Certe Augustinus in hac causa rogat Iudices,
 mitius ut agant, quàm lex agat: & illis semper
 licuisse ait, legis sententiam lenire. Relege, si
 vis, eius epistolam clviii. & clx. & librum con-
 tra Donat. post collat. Saltem illud expédito,
 quod protestatur, sese, nisi etiam Iudices hic
 mitiores sint, quàm leges, ab eorum sententia
 tãquam iniqua prouocaturum esse. Mira pro-
 fecto est hæc & insolens appellatio. Quid si
 adderem, quod idem scribit de iure Episcopa-
 lis intercessionis siue deprecationis: quòd q;
 in aulâ Imperatoriam irumpens Ambrosius,
 pro quodâ etiam pagano maiestatis damnato
 fecit eo iure fretus? An dices tantum tibi non
 licere, propter lvi. C. de episc. aud? Equidem
 neque tantum abs te exigo. Neque quod olim
 Flamini Romæ concessum fuit, tibi concedi
 nunc velim. Sed doleo, te tam & acerbum &
 seuum videri, quàm alii, in quorum tamen or-
 dine sedere vis, clementes lenésque fuerunt.
 Si Augustini vel Ambrosii exemplis non mo-
 ueris, saltem Gregorii Nazanzeni epistolam
 cxxxvii. ad Olympium Præsidentem, de hæreti-
 corū facinorib⁹ loquēris, recognosce: *καταξίω-
 σον* (inquit) *ἐπεξῆς τῆς πρὸς τοὺς ἡγεμένους, εἰ δὲ τῆς ἀπορίας
 ἐλαττωθῇ.*

Ἰλασθῶν. Interea sane Iuriscōsultis in suo foro li-
 ceat interdum dicere, quod Symmachus ad
 Theodosiū scripsit, *Sententias videri corruptas, si
 sint legibus mitiores.* quanquā hoc ille dicat tan-
 tum vbi de calumniatore est quæstio: de quo
 etiam cū quæreretur, noster Papinianus olim
 propter legē Remmiā responderat, *pœnæ per-
 secutionē nō iudicis voluntati mandari, sed legis au-
 thoritatē referuari:* Neq; htc, si vis, obiiciā, quod
 posteriores Iurisconsulti dixere, hodie pœnas
 esse arbitrarias. Sed tu seueritatē in eo crimi-
 ne puniēdo, minime (vt audio) probas, & sa-
 pis. Aduersus idololatrias & hæreticos, quos
 vocas, seuerior esse vis, vbi quidē potentiorē
 re esse confidis. nam alibi de impunitate con-
 cionatis. Hoc quidem certe rursus sapere est.
 Sed aut valde fallor, aut Donatistarum arres-
 tenes: quorum saltē ex Augustino (nā Opta-
 tum nondum legisse te suspicor) potuisti &
 acta & historiam colligere. Vtut autem astu-
 tus sis, tamen mihi homini tardor videris ni-
 mium properare. Citius enim, quā expedit,
 tua fortasse consilia detegis. Illud autē solum
 nunc vrgeo: cum indueris personā Ecclesia-
 stici Antistitis, tibi tam facile excidere non
 debuisse, quod antea tam scite simulabas: mi-
 ror (inquam) te oblitum esse, quid eam potis-
 simum personam deceat: & vero quid nō mo-
 do omnes veteres Episcopi, vt eam tueren-
 tur, religiose fecerūt, sed & quid in primis fa-

ciundum sibi esse iudicarunt, hoc est, vt à sanguine non minus, quam ab inconstantia, valde & essent, & videretur alieni. Itaque Optatus respondens Donatistis, qui cum hanc laudem nostris detrahebant, omnia detrahere videbantur, audet inficiari vllum vnquā Catholicæ Ecclesiæ ministrum fecisse, quod illi mentiebantur: neque est quicquam, cur suo ordini magis congratuletur. Certe & Synodus Alexandrina agēs sui Athanasii causam, non temere gloriata est, cum, quem Arriani mentiebantur esse sanguinarium, nunquam auctorem fuisse, vt quisquam traderetur carnifici, suaq; sacra solius Christi sanguine consecrari voluisse. Atqui non ignoras, quibus aculeis Athanasius vrgeretur, vt Arrianis par pari referret. Vis aliud addam exemplum? Cū olim ageretur de Basilica tradenda Arrianis, Ambrosius, licet fauore populi subnixus facile potuisset vim vi repellere, tamen ait sese minimè id fecisse: sed imprimis Deum orasse, ne cuius sanguis in Ecclesiæ causa flueret: sibi verò rem fuisse cum quodam aduersario Auxentio Mercurino, qui (vt ait) *plenus cruoris, plenus sanguinis, quos non poterat sermone decipere, eos putabat gladio esse feriendos, cruentasque leges ore dictabat & manu scribebat, putans quod lex possit fidem hominibus imperare.* Qualem hæc Ambrosii verba virū describant, non ignoras. Magis fortasse te premam, si adiiciam quod

idem Ambrosius scribit in Epistola xxvii. *se abstinuisse ab Episcopis, qui cōmunicabāt cū aliis, qui quosdam, licet deuos (vt ait) à fide, ad necem poscebant.* Sed vellem eam historiam totam legeres in Sulpitij Seueri historia sacra, ex qua etiam intelliges attonitus, ecquos notet Gallus ille alter, Latinus Pacatus, cum in suo ad Theodosium Panegyrico, declamat in Maximum tyrannum, iis sacerdotibus septum, *qui nominibus (vt ait) antistites, reuera autē satellites erant: iudiciisque capitalibus astantes, sanguinem reorum appetebant.* Notat, credo, imprimis Itachiū illum Hispanum antistitem, capitalem in Gallia accusatorem Priscilliani improbissimi heresiarchæ. Certe Seuerus fatetur eum, cum videret iam reos ludicibus oblatos, de capite periclitari & intelligeret (vt ait) *quam inuidiosum sibi foret, si accusator astitisset postremis rerum capitalium iudiciis, subtraxisse se cognitioni, callido iam scelere perfecto, substitutumque esse alium accusatorem, fisci patronum.* Audis astutum consilium, quod te non minus callide imitari audio. At non effugit propterea Itachius ignominiam: & Ecclesiæ quoque communionem nihilominus priuatum fuisse, ipse etiā Prosper scribit. Quid expalluisti? Percellere magis te deberet, quod Seuerus adiicit de Martino Turonensi, qui cum Ambrosio coniunctus, Itachio sese opponitis nisi huius Martini memoriam contemnere te dicas, cuius ossa & cineres, quibus ipsi quo-

que barbari olim pepercerant, nuper tuus in Gallia plus quam alter Vigilantius rapidis ludibria ventis proiecit. Quicquid porro dixerint, qui tuum, ministerium dicam vel imperium? minime *αἰσῦμα* accusantes, teurgent & ad officium reuocant: ut effugias, tanquā obiecto fumo, exclamabis, eos qui te premunt, hæreticis scilicet fauere aut patrocinari. Nam & hoc artificium didicisti ab illo Itachio: quem quidem etiam Seuerus narrat ausum esse Martino nescio quid ei⁹ generis obii cere. Sed (velim) memineris cum ita agendo, nihil egisse: ei⁹sq; artificij inanē & fraudē & terrorē fuisse. Scimus certe & fatemur lubēter (ne quid iterum cauilleris) meritò Priscillianum damnatum esse etiam *seculi* (ut ait Hieronymus) *gladio*: quòdque Leo Pont. de Priscillianistarum pœna scribit, prolixè laudamus. Sed si eorum tamen accusatio capitalis non decuit Ecclesiæ ministrum, ecquo te vertes, ut cum tua lege, tuòque factò effugias? Nam quod audio te, ô noster Misericors, in quadam ad amasium tuum Vvestphalum responsione, iactare, cum lachrimis deprecatorum ad genua tuorū Syndicorum procidisse, ut liberares eum, quem iam carnifici tradideras: minime sibi constat. & vereor, ne id ridēs scripseris: ut risisse te narras, cum audires me deslere tuam in palis defigēdis, & rogis accendendis, quibus aduersarios tuos torqueas, in-

flammatam ultionis immani cupiditate sœuitiam. Sed neque (credo) ad te pertinere putas, quod Innocentius III. Pont. aliquando rescriptis Episcopo Parisien. ut pro degradato, qui traditur Curie seculari, Ecclesia (ut ait) efficaciter intercedat, ut citra mortis periculũ, circa eũ sententia moderetur. cap. xxvii. de verb. signific. Ergo patiare, ut nunc antiquiori exemplo ex Gallia repetito admonearis tui officij, præsertim cum illud exemplum sit, quod ipsa etiam Ecclesia Leodiensis multo post, dico ante annos ccccl. ausa est obiicere ipsi Paschali Pont. Fortasse ex eius tẽporis annalibus Francorum, adiungerem exemplum boni illius Episcopi, qui paucis post annis, in quadam Synodo Rhemensi, cũ hæreticũ quẽdã Henricum refellisset, inclusum seruauit. Sed vereor, ne si legeris Epiphaniũ, opponas antiquius exemplũ Archelai cuiusdã in Mesopotamia Episcopi, quod imitari malis: laudẽsve illam (scis quam dico) Nestorii Constantinopolitani Antistitis ad Theodosium concionẽ plus quam militarẽ. certe ut tu risisse te significas, cũ priorem nostram admonitionem legisti, quã Nestoream vocas ludibrii causa: sic serio multi ingemuerunt, cũ Nestorianũ nescio quod classicum cecinisse te audierunt: optarũtque tamen, ut Nestor potius fias, tibi non accidere, quod accidit Nestorio. Interea, ut iterum occurram tuis cauillis, & semel præci-

dā, quod hīc soles prætendere : iterum tibi confirmo, vehementer optare me, ut ii quos non tam error aliquis, quàm mala mēs, malus animus præcipites agit, seuerissime puniantur : quique cum hæresi aut perduellionis aut alterius facinoris crimen (ut sit) coniungunt, meritas dent pœnas : & improbi atque scelerari impostores, qui non tam falluntur quàm fallunt, falsoque nomine religionis fictæ, Rempub. malitiose perturbant, ut rem suam agant, extremo supplicio coerceantur. Et quo tandem satis supplicio expiari tale scelus posset? atque utinam iam pridem tales pœnas dedissent tales (ut ait verbo tuo) nebulones. Nos iam non deploraremus Reip. vastitatem, neque tu eius ruinis insultares. Ergo nihil est quod magis optem, quàm multis eius generis grassantibus, supplicia, ut lex ait, exacerbari. Sed cum id in gratiam quoque tuam dico, vide, num satis agam causam tuam. Quid autem, si de aliis pronuntiandum sit, personam tuam deceat, iterum non dicam, quia dubitare incipio, quam geras personam. Interea vero peto, mihi ut ignoscas, si simplicis erroris, cuius quâvis sit, expertus sum, statim esse non possim vindex capitalis, & mihi in mentem sæpe veniat illud Augustini aduersus epistolam Manichæorum præmium, quo tuam seuitiam nondum repressam esse miror. Sed fallor. Nam nuper visus es mirabiliter mollis atque placabilis, cum

tibi (vt audio) placuit in alieno Regno libertas siue licentia religionum, & repente quam Hilarij ad Constantium ea de re orationem olim damnaras, abs tuis deinde laudari non moleste tulisti. Imo vero malum exemplū nescio quod allegari non noluisti, vt tuę factioni concederetur, quod aliquādo Arrianis cōcessum fuisse dicitur: suppressivē voluisti quod vel Ambrosius aduersus Iustinam, vel Chrysostomus aduersus Gaïnam in ea causa fortiter fecit. Cautē. sed noua hęc licentia quomodo conueniat cum illa tua priori, de qua dixi, lege, videris. Certe nimis horrida esse visā est excusatio eorum, qui aiunt illam libertatē tibi ad tempus astute placuisse, hoc est, donec viribus auctus & potentior factus, posses exterminare partem aduersariam. Hic qualis, quantūque sese mihi aperiat campus, si in te incurrere velim, vides vir magne. Sed non moleste fero, te aliquid de tua ferocia, vel ad tempus, remisisse videri, si etiamnum perstas in sententia largiendę libertatis licentiosę. Cæterum obtestor omnes sapientes, vt cōsiderent, quale sit hoc totum artificium religionis transformandę atque inflectendę: considerent, quācam conscientia, tanquam Lesbiam regulam, ad ambitiosa & profana consilia accommodes: considerēt, ecquid religionis sit in homine ita ludente & religionis titulum ad suas cupiditates tam varie referente. Si hęc cæca nūc

es ō Gallia? at tu sapientior posteritas liquido
perspicies, quid nunc agatur, quid simuletur.
Nihil nunc me vis dissimulare generosissime
Ioannes? Tibi obremperabo, & quod, te velu-
ti suggerente, mihi in mētem venit, obiter re-
citabo. Ex multis, qui istinc prodierunt sine
auctoris inscriptione, famosis factiosisque li-
bellis, vnus in manus meas nuper incidit, qui
reliquis neruosior, minúsque ineptus esse vi-
sus est, & propterea tuus magis esse videbatur.
Is dicturus de ratione sedandorum (vt titulus
pollicetur) in Gallia tumultuum, & eo nomi-
ne petēs, quam dixi, libertatem, quasi omniū
tumultuum, non seminariū, sed euerriculum:
ne videatur sine ratione insanire, laudat vetus
exemplum Antiochenorum (vt vocat) fideliū,
qui Eustatiani appellati sunt, & separatos ha-
buerunt suos cœtus. Ego vero miratus sum ta-
lem eorum separationem nunc laudari, cum
quidem meminissem eam erupisse in schisma
minime laudabile, quod annis plus quā octo-
ginta magnas in Ecclesia Antiochena turbas
dedit. Miratus etiā sum, te potius Ioannitarū
(vt appellabātur) Cōstātinopolitanorū seces-
sionē nō laudasse, quę lōge fuit religiosior, &
statim atq; Attic⁹ Chrysostomi memoriā lau-
dādo, fecit officiū suū, ad Ecclesię cōmunio-
nem rediit, atque ei reconciliata est. An tuam
optime Ioannes, factionem fore in recōcilia-
tione difficiliorem, dissimulare noluiſti? An

Eustatiani illis similiorem esse gloriari voluisti? Eustatio orthodoxo Episcopo iniuste pulso, cum Eudoxius Arrianus, Ecclesiæ gubernationem inuasisset : huius (credo) communionem defugere, catholicis (ut vocabantur) licuit, ut & separatim convenirēt, & Paulinum Eustatii Presbyterum potius audirent. Sed cū Eudoxio successisset Meletius orthodoxus, qui Arrianos, etsi ab his ordinatus diceretur, refellebat: an Eustatiani licuit nihilominus secedere? Secesserunt tamen. adeo difficile est revocare distractos. Atque hoc illud est, quod nunc metuūt omnes boni & sapientes. Cum ab Arrianis propter doctrinam orthodoxam Meletius abdicatus esset, substituto Euzoio Arriano: huius iterū communionem merito refugerunt tam ii qui Paulinum, quàm qui Meletium sequebantur. Sed quis non miretur ne tum quidem, mortuo præsertim Eustatio, illos siue Eustatianos siue Paulinianos cum Meletianis communicare voluisse? Sed & cum restitutus esset Meletius, & officiū suum magis atque magis recte faceret, ipsumque Basilium haberet Diaconum, nondum Paulinus cum suis ad Ecclesiæ communionē redire voluit. Imo vero contra patitur sese à quibusdam creari Episcopum: quasi Meletius legitimus non fuisset Episcopus, & vitio esset creatus, quia diceretur ab Arrianis aliquando ordinatus: & interea tamen non dubitat Pau-

linus ordinari abs Lucifero, homine minime
sanæ doctrinæ, ita quidem, ut & ipsi Eusebio,
qui alioqui cum Lucifero illo coniunctus fue-
rat, displicuerit hæc Paulini ordinatio. De
personis alioqui, hoc est, de Meletio & Pauli-
no, nunc non disputo. Habuit uterque suos &
laudatores & reprehensores: tametsi à pluri-
bus & Paulinus reprehendatur, & laudetur
Meletius. Sed dico exemplum huius schisma-
tis laudari non debere. Quid? Meletius pacis
redimendæ causa benigne obtulit Paulino so-
cietatem Episcopatus Antiocheni, ea lege, ut
altero mortuo alter superites in solidum Epi-
scopus maneret. Ne eam quidem conditionē
accipere voluit Paulinus: maluitque etiā ad-
uersus Edictum Gratiani Imp. habere separa-
tos suos cœtus. Quid reliquam tibi historiam
narrarem, in qua videmus tristissimam turba-
rum excitandarum, impediendæque recon-
ciliationis causam fuisse, quum tu. nunc ais
esse rationem tumultuum sedandorum? Hoc
ego tuum exemplum, velim, diligentius con-
sideres, & ab aliis, lōgius prospicientibus mul-
ta, propius considerari meminisses. Interea te
obtestor, ut vnitatis potius quàm (Pauli ver-
bo utar) *ἀνταρθεσίαν* suasor auctorque esse ve-
lis. Vnitatem dico & pacem Christianā, quæ
Ecclesiæ reformationem cōsequi potest. Scis
(credo) ipsam olim Christi Ecclesiam fuisse
appellatam Vnitatem ab ipsis quoque schis-

maticis: scis quantopere *πλὴ ἐρώτητα* cōmmentent Christianæ literæ. Frustra autem & inepte obijcis exceptionem quandam Hilarii. Nam (vt iterum dicam) non aliam aut pacem aut vnitatem quærimus, quam quæ Christi sit, neque eā alia cōditione quærimus. Ne vero fallax aliquod Zenonis Imp. *ἐρωπικὸς* (vt dicebatur potius quàm erat) excudas, saltē cogita quis illius finis fuerit. Non est meum præscribere, qui fieri, si velis, possit, quod suspirās optat orbis Christianus. Nil fieri tamen facilius potest, si modo & tibi & omnibus antistitibus serio placeat illud Ioannis, *Oportet Christum crescere, me autem minui*. Nam & homines nunc multis miseriis molestiisque veluti subacti, & dissensionum fluctibus contusi, fracti, fatigati, fortasse nō recusabunt quam antea conditionem transactionis recusasse dicuntur. Equidem testor cælum & terrā, non modo lentam atque ignauam negligentiam, & in summo Reipub. periculo nimium securam, supinam, oscitantem incuriam, sed & latam, doloque proximam culpam eorum & fuisse & esse, qui legitimam, piā, Christianā Ecclesiæ Reformationem suscipere, vrgerēq; debebant noctēsque diēsque. Improbis impudēnsque es, si fingas me iis assentari, quos, vt à pueris feci, nunc quoque accuso: & qua possum voce (non enim aliud possum) multorum propterea criminum reos esse clamo. Certe

etiam tibi assentiar atque subscribam eos acerrime accusanti: neque dubito, quin pœnas daturi sint: tantumque abest, ut crimen eleuem, ut portentum esse existimem, si cum ipsum dolore cælum sudet, ipsa terra gemat & fathiscat, antistites Christiani hac cura non tangantur, moueantur, afficiantur. Ergo iterum testor cælum & terram, etiam tonitruo & fulmine excitandos esse, si qui ad clauum sedent, nunc stertant: neque si perire velint, cum iis perire vellem. Per me etiam licet, ut corum fastum alio fastu calces. Sed illud nunc queritur, cum illos precipites dederis, ecquo aspires? & ubi omnia euerteris, quid molieris? Queritur, (inquam) an non iustius, atque utilius Reip. sit, Ecclesiam in integrum restitui, quam rebus euersis te attolli? Te cum dico, cum quod dico, qui res tuas procurat, bona utinam fide. Scio, ut nobis eripias metum nouæ seruitutis, clamas, minime te esse ambitiosum: & admirabilem tuam modestiam atque simplicitatem prædicas. Caute. Nisi enim sic loquereris, non falleres. Sed an rursus tam cæcos & oculis captos esse puras Gallos omnes, ut nemo videat riaram illam triplicem, illam dico quam sordido pileo regis & oculis, ut auriculas asini rex Midas: sed quam nouo nunc bello elatus nimium ostentasti, ut & citius fortasse quam expediebat, cornua intendisti atque exeruisti: nisi si tui Legati culpam esse respon-

deas. Ridiculum saltem ludibrium est, quod cum tam multi passim tui collegæ (ubi ubi audent te absente) conquerantur de tua intolerabili arrogantia & incredibili fastu: & res loquatur ipsa, quam etiam procul extra tuum territorium, finésque tuæ diæceseos, de omnibus quiduis statuas extraordinario quodam Imperio, & abdicēs quotquot nō prodierint ex sinu tuo, neque quēquam feras, qui non, & in verba tua inret, & reformidet tuam ferulam: tamē iactēs te nulli non cedere, & mihi dira miniteris, quia verecunde significarim te nullum ferre collegā, Si dixissem, tibi eo loco esse collegas, quo erat Bibulus Cæsari Consuli: id honoris tui causa dictum videri posset. Ipse Caligula suum equum aliquando sibi collegam ascivit. Nolim dicere, te nō multo pluris facere tuos. Nam & vnum aut alterū nunc video, qui id minime iam paterentur, quique tibi semper, ni caueris, cessuri non sunt. Sed multi audiunt, quod iam pridem audiui, te mirifice tibi placere, cum de te præcones quidam tui, qui alios omnes præ te contemnunt & floccifaciunt, accinunt veterem versiculum, *Ille vir est solus: volitant alij, sicut umbrae.* quod quidem ex Homero repetitum, de Scipione quoque dictum fuit: ut ab ea laude minus abhorreat modestia tua. Cūque is etiā Scipio non minus quā Socrates dictus sit *ἄριστος*, sæpe audiui honoris causa, tibi eun-

gne tuleris: eique Ecclesiā feruilit̃er subiectā esse, indignissimū esse clamitaris, voluisti videri fugere quod captas. Sed neminē ne senti re putas, te tibi arrogare quod aliis detrahis? Alterum Eliam esse te, quia vt ille aliquando sacerdotes Baaliticos mactauit, tu tali scilicet exemplo legē tuleris in eo genere multo terribiliorem, iam pridem audio. Lutherum, cuius altitudo tuis luminibus officit, de suo solio vt deiicias, quid non facis, ex quo tempore mortuus ille est? nam viventem attingere non audebas. Quid superest, quā vt Eliæ currum conscendas, & supra nubes te attollas? Vis loquar humiliter, & te moneā familiariter? Vix quisquam nunc tam simplex est, qui non suspicetur quod aspires, quid affectes, cum audiunt, quam valde oderis & fulminando abigas suos alicuius bene temperatæ reformationis Christianæque vnitatis: quos vocas Mediatores, quia odiosissimum verbum esse putas. Nempe capitales tuæ factionis hostes esse iudicas, quicunque rebus in ordinem redactis efficerent, tuis vt extraordinariis cōcionibus nullus locus relinqueretur: & via ad illud nouum, quod affectas, Imperium, obstrueretur. Saltem audis multos iam pridem queri, insolentiam esse intolerabilem, quod nouas tuas siue ceremonias spectari, siue formulas sonare solas velis in Ecclesia vniuersa: quod alias & veteres omnes expungas, & veluti vna litu-

ra deleas: quod etiam, si quid forte in Germania vel Anglia retētum sit ex antiquitate religiosa, sordes & maculas esse clamites, & quicquid illud est, contumeliose conspuas. Si neiges: magnum & patentem mihi aperies campum dicendi. Sed non longe abiero, & te tuo gladio iugulabo. Tu iam sæpe mihi Bucerum laudas. Recte. Scis quā ille Hermanno Archiepiscopo Coloniēsi præscripsit formulam Reformationis, & Angli imitati sunt. Si nunc ad eam te reuocarem, quibus me sannis exciperes? Nam & si literis consignatis aliquando cōfessus sis, nō ignorare te quā sit Bucerifmus tolerabilior Calvinismo: tamen cum ad rem vētum est, longe aliter sentire te ostēdis. Longum esset, singula, quæ inter vos dissimilia fuerunt, persequi. Sed visne, in ipsis statim principiis atque adeo in leuioribus, (nam grauiora attingere non est meum) vt ostendam, an aliqua sit tua ab omnibus dissentiens morositas? Equidem inuitus id faciam. Verum tu me non sinis omnia dissimulare. Memini te in priori tuo contra me vel potius Cassandrū libello famoso, nobis obicere nescio quod barbarum (vt ais) *Abruncio*, quod in Baptismo inculcari narras. Hīc quid tibi velis, vix intelligo. Sed ne hominem in Latina lingua politū & prope Ciceronianum, minus offendant Ecclesiasticum hoc & verus, (eo licet Cicero in tali significatione non sit vsus) verbū *Renuncio*
sue

siue *Abrenuncio* : obiter dicam, Romanos saltē Iurisconsultos eo etiam uti. Sæpe enim dicūt Renunciare sponsalibus vel nuptiis, cum de repudio vel diuortio loquuntur. Vnde in Pandectis, Renunciata affinitas : imo Renunciatio simpliciter dicitur de repudio. Probabile est autem veteres Christianos, cum Diabolo, cui veluti naturaliter addicti sumus, in Baptismo profiterētur se renunciare, allusisse ad formulam alicuius repudii. Tertullianus tamen, quod vno loco dixit Renūciare, alio vocat, Eicere vel eiurare. Bucerana formula nō modo id ex antiquitate retineri vult, sed & veteres cum abrenuntiatione formulas stipulationum atque sponsonum. Tu vero has omnes deles, vt ineptas & fatuas & nugatorias. Negabis esse veteris Ecclesiæ? Etsi fortasse iure neges nos esse (vt loqueris) antiquarios: tamen quāntulumcūque est, quod notauī de Antiquitatibus Ecclesiasticis, satis superque est, vt tibi nunc satisficiam. Scio suauiter te risurum esse & vehementer miraturum, me meminisse istarum (vt loqueris) nāciarum : sed tantomagis, vt te oblectem, iuuat meminisse. Ac primum quidem, non dignaretur Celsitudo tua negare iam temporibus Apostolorū aliquas fuisse interrogationes & sponsones, cum adulti baptisabantur. Nam & Philippus Eunuchum baptisandum interrogat de sua fide & religione. Grauius autem dis-

putat Augustinus non esse satis suo tempore, si illud tantū quod Philippo Eunuchus olim respondit, respōdeatur: sed cætera etiam adicienda esse, quæ Ecclesiastico more abs baptisandis interrogātur. Tertullianus doctissimus & antiquissimus scriptor Ecclesiasticus, disputans aduersus eos, qui admittūt nihil, quod literis sacris non sit expressum: & contendens obseruationes quasdam Ecclesiasticas esse, & traditiones non scriptas, quæ repudiari non possint: proponit earum exempla, de quibus nullam fore quæstionem iudicat. *vi* (inquit) *à baptisate ingrediar, Aquam adituri, ibidem, sed & aliquāto prius in Ecclesia, sub antisitis manu testamur nos renunciare Diabolo, & pompa & Angelis eius.* Illasque pōpas, quibus renunciat, dicit esse officia seculi, honores, solennitates postulatrices, falsa vota, laudes vanas, glorias turpes. An quia his renunciare nondūm fortasse potes, ferre non potes veterem hanc formulam? Sane Basilius, qui in eadē, in qua Tertullianus, disputatione eandē formulam laudat, & apud Græcos, vt apud Latinos vsitatā fuisse ostendit, & vt refellat eos, qui nulla lege nisi scripta, teneri se aiunt, scripturamque perpetuo requirunt in omnibus Ecclesiæ formulis, opponit mysteria, & nominatim istud in Baptismo *ἀποτίνασθαι τῆς σατανᾶς καὶ τῶν ἀγγέλων αὐτοῦ.* Sed & eodē tēpore Ambrosius explicans quod Paulus de baptismo scribit ca. ii. ad Col.

Hæc(inquit)commonet, vt perseuerent in abrenun-
 ciatione pompæ & præstigiæ satanæ. Non est
 dubium, quin alludat ad illam abrenūciatio-
 nis formulam, de qua loquor: quam quidem
 laudat, quasi iam tēpore Pauli ea in vſu eſſet.
 Idem, hinc Christianos potissimum vrget ad
 officium, Repete(inquit)quid interrogatus sis: re-
 cognosce quid responderis. Renunciasti Diabolo &
 operibus eius, mundo & luxuriæ eius, ac voluptati-
 bus. Sic & Augustinus lib. I. de Symbolo, Vos
 (inquit)professi estis, renūciare Deabolo, pompis &
 Angelis eius. Omitto quod inde sæpe aduersus
 Pelagianos argumentum repetit. Nam neque
 dubito te huius antiquitatis monumenta le-
 gisse: sed tanto miror magis, te eius memo-
 riam magis non colere. Cum illa, quam dixi,
 Renunciatione, coniuncta semper fuit solen-
 nis ex formula Symboli, professio fidei, sicuti
 & Tertullianus, Aquam(inquit)ingressi, Christia-
 nam fidem, in legis suæ verba profiteamur. Hanc for-
 tasse professionem retinere te dices. Sed cur
 stipulationem sustulisti? Hieronymus aduer-
 sus Luciferianos, defendens multas Christia-
 norum veterum obseruationes, quæ alioqui
 scriptæ non sunt: solenne est (inquit) in lauacro
 post Trinitatis confessionem interrogare, Credis san-
 ctam Ecclesiam? Credis remissionē peccatorū? Quid?
 Ne Nouatiani quidem olim ausi sunt huius
 generis formulam mutare, cum peculiarem
 in suo cœtu baptismum instituerent. Itaque

Cyprianus. si aliquis (inquit) opponit, Novatianū
 vſurpare poteſtatem baptiſandi poſſe, quod videatur
 in interrogatione Baptiſmi à nobis nō diſcrepare: ſciat
 primum, nō eſſe vnam nobis & ſchiſmaticis ſymboli
 legem, neque eandem interrogationem. Nam cum di-
 cunt, *Credis remiſſionem peccatorum, & vitam æter-*
nam per ſanctam Eccleſiam? mentiuntur in interroga-
 tione, cum non habeant Eccleſiam, &c. Idem ſuo
 teſtimonio ruruſ cōfirmat morem Eccleſiæ,
 Ipſa (inquit) interrogatio, quæ ſit in baptiſmo, teſtis
 eſt veritatis. Nā cū dicimus, *Credis in vitam æternā &*
remiſſionē peccatorū? intelligimus remiſſionē peccato-
 rū, nō niſi in Eccleſia dari. Obiicies, interrogatio-
 nes & ſpōſiones, de quib⁹ locut⁹ ſum, pertine-
 re ad Baptiſmū adultorū: ineptas vero eſſe in
 Baptiſmo infantū: & ineptius adhiberi ſpōſo-
 res ſiue fideiuſſores, ſiue expromiſſores, quos
 patrimos vocāt. Sed neque nouū, neq; inſolēs
 illud eſſe, vir doctiſſime, poterat te vel vnus
 docere Auguſtinus. Is, vt refellat Pelagianos,
 negantes vllum eſſe puerorum peccatum ori-
 ginale, vrget ipſam Baptiſmi formulam, quaſi
 legem Apoſtolicam, quam Pelagiani recufa-
 re non auſint. Ait, *nullum puerum baptiſari, quin*
aliquis adſit reſpondens pro paruulo, quem geſtat, &
eius nomine renuncians Diabolo, & proſuens ſe cre-
dere in remiſſionem peccatorum. Hoc (inquam) ar-
 gumentum, hinc, tanquam ex confeſſo, repe-
 tit Auguſtinus, neque Pelagiani audēt nega-
 re illud fieri recte, quod factum veluti pro iu-

re opponit. Ergo cū illam formulam tollis, tollis materiam huius argumenti. Idem Augustinus contra Iulianum, *Recole (inquit) quemadmodum in Ecclesia Christi baptismus mysteria celebrantur, & inuenies, quod abrenuncient & paruuli per ora gestantium, sicuti per ora gestantium credūt.* Idē rursus lib. ii. de Anima. *Mysterium (inquit) credulitatis in paruulus per eorum responsionē, à quibus gestantur, impletur.* Accedat quod hac de re scribit in Epist. xxiii. Quid indignaris, si homines religiosos, minimēque ineptos delectat veteris Ecclesiæ, Maiorūque suorum memoria, vbi vbi nihil est, quod necessariò deleant? Equidem scio non hoc primum tempore fuisse, qui quam dixi veterum obseruationem irriterent. Nam Dionysius & antiquus & grauis profecto testis, iam suo tempore tales fuisse significat. Sed id in hominibus profanis mitari nos nō debere admonet. Non potes profecto illum Dionysiū, qualis hic nuper excusus est, legere (si eum legere dignaris) quin ceremoniarum, quas abrogasti, antiquitate premi te sentias. Quid si ex eo recitarem nunc aliquid de exorcismo? An tuo more cælum & terram adiurabis, nouum in eo & ineptū esse ludum, qui veteri Ecclesiæ fuerit ignotus? Atqui licet Græcos testes nō audias, Afri illi, Cyprianus, Optatus, Augustinus, te obtundent. Quid si addam, Bucero tuo quoque placuisse illum in Baptismo retineri, idque eum in sua formula

mandasse? Non est meum definire, quid in mysteriis vel sit, vel non sit necessarium. Sed ne in ipsis quidem Initiis conuenire te cū iis, quorum consensum mihi opponis, liquidius ostēderem, si recitarem, quam valdè repudies illas veteris Ecclesiæ iam inde à tempore Tertulliani leges de Baptismo minus solenni, sed vt iudicabāt, necessario: quas tamen leges Germania & Anglia etiamnum colit & obseruat. Cæterum si tibi narrem, quam Augustinus ad Fortunatum hac de re historiā narrat, vereor, ne qua ille ait suos ad lachrymas commotos esse, tu ad profanum risum cōmouearis. Age, ecquid tibi rursus placet, quod ex Buceri quoque iudicio, Angli in Baptismo præscribunt esse obseruandum, vt pueri frons figura crucis consignetur? Quam valde rursus istud irrideas, non nescio. Sed vt verecūdius id facias, cogita quos ea in re viros irrideas. Qualiscūq; sane sit hic ritus, didici esse antiquissimum, & vt rursus tibi vetecunde confirmem me antiquitatis esse studiosum, & quod antea improbe obiecisti, nunquā me vllas ceremonias curasse, vtcunque refellam: non dissimulo me legisse, quam cum ritum religiose tueatur Basilii in libro de Spiritu sancto: cum quidem significet tam eo tempore receptum fuisse, vt non existimet quenquam tam esse audacem, qui eū fastidiat. Sed & Cyprianus, qui est antiquior, ait, *Eos qui in Eccl. sic baptisantur signaculo*

Dominico consummari. Et Tertullianus, qui rursus senior est, non modo hunc ritum laudat, sed & ex eo repetit argumentum in disputatione de Resurrectione carnis: *Caro* (inquit) *abluitur, vt anima emaculetur. Caro signatur, vt anima muniatur.* Quid si adiicerem, quod gloriatur, & iis qui obseruationē in Ecclesia nullam, nisi Apostolorum manu consignatā, admittunt, obiicit, Christianos assidue frontem crucis signaculo terere? Equidem superstitionem & ineptias etiam odi natura: sed vereor, ne frontis non tam integræ, quam perfriatæ, vel potius ferreæ sit, tam scurrili naso suspendere vetera insignia moris alicuius Christiani. Scilicet valde lepidi facerique nunc sunt, qui quod ad fugandos dæmonas pertinere dixit religiosa Antiquitas, non nisi ad muscas abigēdas pertinere aiunt. An etiā cum has nominant, significare se nescio quid de Beelzebub ridendo adiiciēt? Equidē sannas & (vt vocas) ronchos non reformido: sed tamen ne irrisores magis iritentur, vix recitare audeo, quod (vt alios omittam,) Ambrosius & Augustinus (qui profecto reuerentia non irrisione digni sunt) recitant de eo (vt vocant) signaculo: hoc est, de consignatione crucis: quam si dixero iam inde abs temporibus Cypriani, Baptismo accessisse, vt esset, quod temporibus Apostolorum erat manuum impositio: rogo (nam doceri cupio) num de veteri ceremonia loquar

imperite? Equidem audio, clamitare te, qualiscunque & cuiusque tandem ea sit, esse intolerabilem. Sed, ubi id probaueris, vide, cum quibus tibi res sit; neq; me iis substituas. Tu etiā, nescio quo iure, mihi contumeliose in priori tuo libello sæpius obiecisti Chrisma: quod tamē in tuo non minus quā in meo baptismo adhibitū fuisse puto. Sed si nunc eo nō vteris, quid ad me? Cur (inquam) de Chrismate mecum litigas tam non Christiane? Age cum Geminiano; age cum Dionysio, qui id prædicat: age cum Tertulliano, Cypriano, Basilio, Optato, Augustino; hoc est, cum vniuersa Ecclesia veteri, quæ huius ceremoniæ abrogatæ reum te facit. Nescio an legetis quod de Nouatianorum baptismo loquens Theodorus ait: *Τοῖς ὑπο σφῶν βαπτίζομένοις τὸ παλαιὸν ἔπεσεν οἱ χρίσμα· καὶ τοῖς ἐκ τῆς αἰρέσεως τῶ σώματι τῆς ἐκκλησίας σωματιομένοις χρίεν οἱ πανθόφημοι πατέρες περὶ ταῦτα.* En cum quibus tibi certandum sit, si hac de re contendere velis. sed tu me, baptismo relicto, iam sæpius ad Missam reuocas: & in ea rursus tuos mihi *συμμάχους* opponis. Verum cum, in quo consistas, nullus quæstionis status sit, & in infinito vageris, quid dicam? Apage cum illa tua putida calumnia fallaciāque, nos iis seruire, qui defendāt τὸ βδέλυγμα. Suspicionem, quas & improbe confingis & odiose spargis, vel illud Cassianum cui bono, facile diluet, si mea sit nota & conditio & libertas. Et quid tandem

mea priuatim interest, siue stet, siue ruat quod oppugnas? Sed rursus fallis, cum mentiris socios hinc tibi esse, quos laudas. Sane confessio illa Augustana, quam interdum simulas tibi non displicere, profitetur retinendam esse aliquam missam. Noli mi vir cohorrescere. Sic enim tuus in ea Confessione Philippus loquitur. An tu illam Luteranam Liturgiam retines? An retines quicquam, in eo genere, Maiorum nostrorum, quos ante barbarie fuisse bonos negare non potes? Ex veteribus & ceremoniis & formulis liturgicis saltem aliquid retinet Anglicana, quæ Bucerana est, liturgia. Qui fit, ut tu tantillum non seruaueris? An tu primæ simplicitatis formam nudam solum amplecti te posse dices? Atqui cum tuus Ioannes Lascus magis, quàm tu, ad illius (ut vocas) simplicitatis primam lineameta diceretur suam liturgiam reuocasse: tu ne eam quidem ferre potuisti. Si tibi nihil, nisi quod ipse facis, placet: cur mihi tuum cum aliis consensum obijcis? Cum ad rem tuam pertinere putas, non dubitas laudare, vetus illud *sursum corda*. Atqui id etiam expunxisti in tuis sacris: quod facere non est ausus in sua formula Bucerus, neque Angli ausi sunt: cum cogitarent, quid alioqui vel ipsi Cypriano, vel etiã Chrysostomo responderent, magnifice prædicantibus illam Ecclesiæ Apostolicæ in sacris cohortationem. Ipse Opratus, cum narrat veterem legiti-

múmque morem fuisse, vt in sacramentórum mysterio sacerdotes dicerét se offerre pro Ecclesia in toto orbe diffusa, testatur ne ipsos quidem schismaticos Donatistas ausos esse, quod tamen cupiúissent, id silentio prætermittere. Vide tu, quid responsurus sis viris bonis, qui antiquorum in Ecclesia rituum optimorum, precumque solennium obliuisci non possunt, dolentque nunc veteris Ecclesiæ tanquam Iudaicæ Synagogæ, aut pagani alicuius delubri memoriam sempiterna obliuione sepeliri. Ipsi Apostoli, etsi necessario abrogarét ceremonias Mosaicas : tamen bono consilio ex Synagoga ad Ecclesiam transtulerunt multos, qui vtilis erant, ritus : multas Iudæorum formulas retinuerunt, quibus etiam Christiani vterentur, & vt per suam religionem recte poterant. Et tu nullam in antiquis formulis actionum Ecclesiasticarum reperisti, qua vti digneris, vt tantillum deferres & antiquitati & studio pacis atque vnitatis? Vereor ne hic aliquis irrideat formularium leguleium, & opponat legem de formulis sublatis. Sed cur tu tam delectaris extraordinariis actionibus? Lex illa cum formulis sustulit etiam impetrationem. Quis iste est Prætor peregrinus, qui vult abs se impetrari formulas rerum in Ecclesia agendarum? quique quas semel dictauit deditque, tam stricti iuris esse vult, vt ex fide bona ne apicem quidem in iis vllum præteriri

patiatur? Sane cū amici tui te verecunde monerent, multos mirari, quod in noua tua precandi formula præscripſisti, poſſe Chriſtianos melius fœdus, quàm illud ſiſt, quod cum Abrahamo iſtum fuit, allegare: & vt ambiguum & captioſum verbū tolleres, te rogarent, ne quis diuerſa eſſe hæc fœdera periculoſe putaret: tu ſeditioſos eſſe hos monitores tumultuoſe exclamaſti, qui vel vnum apicem deleri in tuis libellis vellent. Nempe, ſi vel vna ſyllaba cadimus, cum tu aliquid dictaſti, cauſa tota cadimus. Et tu interea non modo Dictator in vniuerſa Eccleſia, ſed etiam Cancellarius eris? Delebis (inquam) & cæcellabis impune quicquid tibi non arridet, tametſi quippiam ſiſt, quod & antiquitas recte præſcripſit, & hoc tempore ii etiā obſeruare nō recuſant, quibus te ſubſcribere fingis? Equidē interdū dubito, inſcitiane, an arrogantia, an potius vtraque fiat, vt non diſcernant tui, quid in ritibus Eccleſiaſticis antiquū, quid nouū, quid integrū, quid vitioſum ſiſt: vt potius conſaſe omnia inducant & expungant: vt dānnent omnia. Sed magis mitor iſtinc prodire ſcurriles libellos, qui ad ludibrium nominis Chriſtiani auſint Numę Pompilio aſcribere multa veterū Chriſtianorum religioſa inſtituta. Noli (quod ſolles) nunc mihi barbaræ poſteritatis vitia obſistere, quæ ego, non minus quam tu, reprehendo. Noli bona cum malis odioſe miſcere. Imo

vero memineris, quod Cicero ait, *Esse iniquam in omni re accusanda, prætermisus bonus malorum enumerationem, vitiorumque selectionem.* Dicerem te tam lituras amare in Ecclesia, quàm odisti omnes omnium, præterquam tuarum, imaginum lineas. Sed cum aliquid substituissti, ne literam quidem vnā in eo mutari pateris. Denique mirarer, te veteris quoque Ecclesiæ cantum, vt nouam tuam musicam subrogares, sustulisse. Sed hanc mutationem magni ad rem tuam esse momenti, ex ipso quoque Platone discere potuisti. Cæterum cum hæc principia tuæ Reformationis significant te & ab aliis dissentire, & peculiare aliquam sectā meditari, in qua solus emineas (quod quidem nos pueri minime olim vidimus, sed viderunt viri prudentiores) tu deinde eo progressus es, vt de eo quod ambis nemo dubitaret. Sed id postea fortasse viderimus, si nos cogas ea quoque de te dicere. Non enim nisi coactus meminero. Neque iam meminissem earum, de quibus breuiter dixi, ceremoniarum, nisi si libellus tuus me laceffendo & Buceri consensum atque societatem iactando, coegisset. Sic & cum Philippum præterea mihi opponis, adiges me, vt dicā, quod dicturus alioqui non eram. Vt te collaudes, & me percellas, Melanthonem accerfis, cuius ais vnā vocem posse obruere omnes meos (vt pro cantina tua facundia suauiter loqui soles) latratus.

Quosnā ō Molosse? prope dixi Cerbere: & tu qui me subinde canem vocas, dignus eras, qui id audires. Si autem vel catulus essem, mutū fortasse hylacten non esse sentirent sacrilegi. Verum me & cedente & tacente, cur Philippum aduocas, præsertim mortuum? Utinam illum, quem appellas testem, iudicem nūc haberemus: tamen si idonei testes non desint, quā ille postremis vitæ suæ annis, quibus eū vidimus & audiuius, conquereretur de tua præfracta (ut mollissime loquebatur) morositate: quāque miraretur te nihil tēperanter agere, semper tumultuari, nunquam quiescere. Neque vero ignoras, quā ille esset *σεμει-
κατικός*, quāque remittere multa veller, pacis causa: denique quā odisset ingenia non dicā Galua aut Domitiana, sed *ἐπεικὰ τῆς αὐτοκρατορίας*. Verum callide scilicet illud dissimulas, quod è re tua non esse putas, ut Gallia sciat: & quem imitari minime velles, quique mores tuos minime ferebat, eius societate me oppugnas. Eum ego vidi & conueni in cōuentu Vormaciensi, anno M.D.LVII. Quid mihi dixerit, narrēt alij. Quid autem responderit tuo siue Legato, siue Apostolo, de turbis Gallicis iam tum gliscentibus agenti, multi qui aderāt, sciunt. Venit eo & ipse Cassander. Exceptus est; ut homo doctissimus atque modestissimus ab homine modestissimo atq; doctissimo. Audita sunt bona consilia. Placuerunt bonis, quod resciri-

re vel ex tuo, qui aderat, librario potuisti. Quid dicam? illa fuisse comitia, in quibus aliquod priuilegium de tua intemperantia irrogatū sit? Quid diceret, si nunc uiueret, & quæ gesta tuo Imperio ad hūc vsque diem in perturbandā Gallia sunt, vel geruntur, audiret? Porro cum ex eo (ut scis) cōuentu amicissime scripssisset ad Castalionem, & eius sententiam nescio quā de prædestinatione & libero arbitrio, suā esse significaret: scire potuisti & quā dānaret tuam in eo viro vexando intemperie, & quā ne tum quidē probaret omnia tua parodoxa. Nūc, cuius est ingenuitatis, Castalionem tanquam Satanam alterum, diris omnibus propterea deuouere: & nihilominus Melanthonem, tanquam Angelum, adorare? An non illud est, quod Bucerus dicebat, *te iudicare prout amas, vel odisti: amare autem vel odisse, prout libet*? Equidem arcanam illam ~~dei arcanis~~ quæstionem non excutio, neque Castalionem (ne iterum fingas me eius causam agere) vnquam vel vidi vel audiui: ac ne per literas quidē vnquam sum allocutus (tamen si tuo more mentiaris, me cum eo arctissimum fœdus iniisse) neque quod de ea quæstione scripsit (nam & id suppressi pro tuo imperio iussisti) vnquam legi: neque quod de fatali necessitate disputas, satis intelligo, & in meis ad Minuciū annotationibus nuper non dissimulaui mihi nō liquere. Sed ut omnes sciant, ecquid etiā olim,

hoc est, ante annos prope viginti, familiariter, tibi hac de re responderit ille, quem iactas suffragatorem laudatoremque esse tuum, Melanthon, cum quidem tu illi blanditus etiam librum de Seruitute humani arbitrij dedicasses, & ἀντίδοτον expectares: age, bona tua gratia liceat exci⁹ ad te priuata epistola (cuius exēplar ex Viteberga huc perlatū est) aliquid delibare. Malim (inquit) te illam tuam excellentem eloquentiam in alius materius magis propriis Ecclesiæ consumere, quàm in questione τοῦτ' ἡμῶν ἀνάλυσις. Habebam amicum Tubingæ doctum hominem Franciscum Stadianum, qui dicere solebat, se virumque probare, euenire omnia vt diuina prouidentia decreuit, & tamen esse contingentiam sed se hæc conciliare non posse. Ego cum hypothesin hanc teneam, Deum non esse causam peccati, nec velle peccatum: postea contingentiam in hac nostra infirmitate iudicij admitto, vt sciāt rudes Dauidē sua voluntate vltro ruere. Et eundē sentio cū haberet spiritū sanctū, potuissē eū retinere, & in ea lucta aliquam esse voluntatis actionem. Hæc etsi subtilius disputari possunt, tamen ad regendas mentes hoc modo proposita, accommodata videntur. Accusamus ipsi nostram voluntatem, cum labimur: non querimus, in Dei consilio causam. E contra cum nos erigimus, scimus Deum & velle opitulari & adesse luctantibus. μόνον ἔλπισον, (inquit Basilius) ὅτι τοῦτ' ὁ θεὸς ὁρᾷ. Excitatur ergo cura in nobis, & laudatur Dei immensa bonitas, qui & promisit auxilium & præstat, sed petētibz (vt inquit Christus) hoc est, iis qui promiss-

sionem intuentur. nam à verbo Dei ordiendum est, nec repugnandum promissioni. sed ei assentiatur, nec disputemus antea, tunc nos ad sensuros esse, cū arcanū decretum Dei nobis monstratum fuerit. adsentientem autē Deus adiuuat, qui per verbum est efficax. Hæc Bōnæ scripsi apud D. Bucerū, & c. Vale. 11. Maij. 1543.

PHILIPPVS MELANTHON.

Quam vel hæc tibi placuerit admonitio, vel tu huic magistro, quem mihi das, parueris, testantur ea quæ postea tantò vehementius contra scripsisti, & in quibus sic tumultuatus es, vt ne quidē tui alioqui fœderatī ferre potuerint tuam in hoc genere intemperiem, & suos ministros tibi subscribere vetuerint. Testis est ipsius Senatus Bernēsis sententia lata 11. Aprilis, M. D. L V. quæ tua illa axiomata procul ex suis ditionibus facessere iussit. Nolo plura obiicere, quæ te grauius vulnerent. Sed hinc æstimare licet, quàm tibi conueniat cum eo, quēm tu mihi obiicis. Tu illum (vt audio) aliquando vocauisti Peripateticum, cum ille te vocaret Stoicum. Sed si excuterem arcana, liqueret, inter te & illum dissensionem fuisse maiorem, quam inter Stoicos & Peripateticos: neque tamen huiusce rei nunc mentionē fecissem, nisi si in priori tuo contra me famoso libellō, exclamantes insultādo, vt cum redemptione, de qua loquitur Paulus, conciliem Patris (sicuti loqueris) doctrinam de libero arbitrio, & dicam, quomodo cū adiutrice spi-

ritus

ritus gratia concurrat hominis voluntas. Cur ista abs me petis, potius quam tuo Melāthoni, qui tibi aduersatur, respondeas? Audiueras paulo antequam hæc scriberes, in Saxonia inter Illyricum & Victorinum, magnam fuisse quæstionem *ὅτι αὐτὸς ἔοικε τῷ σωτηρίᾳ*. Tu Illyricum, qui tecum sentit, ferre non potes: Victorinum, qui Melanthonem sequitur, non oppugnas: me verò vnū, qui talia non tracto, nec fortasse intelligo, in Gallia exagitas. Quo iure?

Si iam non de re, sed de persona dicas agere te: etsi inuitus lectores onerem ineptis editionibus: tamen vt quem mihi iudicem fers, non recusare me ostendā: & aduersus tua maledicta, eius ipsius patrociniū retorqueam: en cogor tuo exemplo esse ineptus, vt quod alioqui pudor meus non pateretur, edam aliquam eius ad me epistolam. Mihi veniam dabunt æqui iudices, si, nō dico laudatorem accersere antiquo reorum more videar, sed ab eo ipso, quem mihi aduersarius opponit, absolut me non moleste feram, tantūque abs laudato viro mihi tribui, quārum illaudatus calumniator, qui eum citat, detrahit, obiter ostendam: non quod tantum mihi deberi putem (quod si putarem, nimium mihi sumerē, nec essem ferēdus) sed quod os aduersario sit obstruendum.

S. D. Clariss. vir & cariss. frater. Extat apud Clementem Alexandrinum *vetus iustitiæ definitio, quæ*

recte intellecta dulcis est: ἀγαθὸν δὲ καὶ καλὸν θεός, καὶ ἰσοῦς. Prior pars loquitur de priore tabula Decalogi, altera pars de secunda. Ac profecto utramque complecti bonas mentes oportet. Te igitur iuris & iustitiæ Doctorem, scio non tantum forenses leges, sed etiam eam doctrinam cogitare, qua sese Deus humanis mentibus communicat, & utrumque bonum expetere, καὶ καλὸν καὶ ἀγαθόν, καὶ τὸ νόμιμον ἰσοῦς. Quare te & diligo & veneror, ac opto in Academiis, & in Aulis tales esse multos iuris doctores. Bene Vale. Cal. Martij, M. D. LIX.

PHILIPPVS MELANTHON.

Audis bone vir virum bonum, quem laudas, valde alienum esse abs contumeliosa tua maledicentia. Neque tamen talia ascriberem, si per te liceret ea suppressere: sed cum aduersus tua venena requiro antidotum, tu me cogis tuis maledicis obrectationibus opponere aliquod testimonium eius viri, cuius fulgore me obruere vis. Quid? ut iterum me percellas, etiam Bullingerū aduocas suffragatorē tuum, & venerandum (ut ais) fratrem. Non dubito quin ille plurimū tibi tribuat, neque inuideo: sed age, an eum reuereris, an ei vis fidem adhiberi? Iterū, ut tibi satisfaciam, ineptus & prope putidulus ero. Accipe, quā ille ad me, quē tamen nūquam vidi, ultro scripsit epistolam, cum ego eum ne per literas quidem vnquam salutassem. Tantum abest, ut ambiendo elicerem, quod scripsit.

3. D. Hodie demum incidi forte fortuna in religiosissimum & sapientissimum Constantinum tuum, Balduine piissime & doctissime. Quem die crastina, si volueris Dominus, absolvam legendo: id quod summa cum voluptate facturum me sat scio, cum principium ita mihi placuerit, ut nihil magis. Ago gratias Deo, qui eam tibi facultatem concessit. Dictio elegans est & pura, tractatio valde perspicua, eruditio & lectio varia. viuunt omnia & salubria sunt, &c.
Vale, Tiguri XI. Mart. M. D. LV.

HEINRICHVS BVLLINGERVS.

Non ausus sum, ne rûparis & crepes, ascribere epistolâ totâ: sed ex autographo, quod penes me est, habes satis, quod te vrat. Neq; vero existimes me illius viri iudicio efferri, ut nō agnoscā, quā ille & mihi & illi Cōstātino meo plus tribuat q̄ mereamur. Ne labora, ut nescio a quo emēdices aridas & rancidas notas, quibus commentariū illum meum deformes. Ego ipse mea sponte seuerius illum castigabo. Nunc obiter tantum volui, duorum, quos laudas, virorum iudicia tuis rictibus opponere. Habēsne nunc quod me tuis faucibus eripiat? video te multo magis infremere. Quo igitur nunc te vertes? Si tuorum Ministrorum testimonia reciperes, aut si iis ego uti atque commendari vellem, equidē cum tu non modo ingrate supprinnere vis, quam in Germania bene de tuis meritū sim, sed etiā improbe fingis quod est odiosum, opponerem illorum

ad me literas, quas hîc ab iis consignatas & in Germaniam missas, habeo testes meorum in hoc genere, non dicam meritorum (quia hæc te vox offendit) sed officiorum atque beneficiorum. Verum proteruia nunc tua, quæ est ingratißima, indigna est, quam tot verbis ambitiose refellam. Ergo te missum facerem lubêter: sed impius ipse essem, si dissimularem dolorem, quem mihi inussit nouum quoddâ maledicti genus, quod ingeniosa tua crudelitas commenta est, vt me vehementer vulneres. Filiolam meam, quæ vix quatuor annorû est, dulce lenimen meorum dolorum, inhumane niter impetis: de qua, si adolescat, impie vaticinari nescio quid. Sic infantes, quos Christus complexus est, quibûsque benedixit, proculcas ô crudelis, parentibus etiam insultans? Hic non dissimulo talibus me aculeis commoueri. Sed vos ô pueri, vos ô patres obtestor: vos, quorum interest, appello, num hoc tolerabile vulnus sit? Quid? Scripsit olim Cicero ad Atticum: *Filiola tua te delectari lator, & probari tibi quoniam esse τοῦτο τῆς ψυχῆς*. Intelligit autem τοῦτο. Negabant Epicurei, eam esse naturalē. Atticum, qui Epicureus alioqui erat, factum patrem, ipsa experientia naturalisque sensus coëgit repudiare tam degenerē, tamque barbarum stuporem. Et noster cælebs, doctor regenerationis, imperabit nobis nō ἀσέπιας modo, sed etiam ἀπειθαρχίας? Neque vero (sicuti fin-

gis) tibi exprobro orbitatē, Pater optime, imo
 vt melius intelligeres, quid *εργη* sit, & nobis
 parceres, & minus audax esses, quem video
 (sicuti ille olim Romanus dicebat) senectute,
 cælibatu & orbitate fieri audacissimum: equi-
 dem vellem, & valde profecto vellem, Deus
 te tali benedictione beasset. Sed gloriose ais,
 tibi esse filiorum myriades in toto orbe. Non
 inquirō, Spiritales an spurij sint. Audio te vel
 Papā max. vel patriarcham vel patrē patrum
 propter talem fœcunditatem & videri & dici
 velle: quod facile patior. Verum est nimis in-
 dignum, quod hîc & somnies & significes te
 alterum esse Abrahamum, & interea, si quis
 tuis cupiditatibus obstat, cum voces Ismaë-
 lem. Quam nunc occurrunt multa, quæ audi-
 re deberes, & de te, multarum scilicet gentiū
 patre, & de tuis gentilibus, siue Agarenis, siue
 Saracenis, siue Ismaëlitis, siue Israëlitis? sed,
 velis nolis, iterum tibi parcam. Tantum te ro-
 gabo, ne ex illis filiis tuis optimum quenque
 mactes sacrificando: & cum tuam tam nume-
 rosam gentem tibi relinquam, ne familiolam
 meam vexes. Quid enim? Etiam de spolia-
 ta auia nescio qua, quam certe vix me ali-
 quando vidisse memini, & de priuignis ne-
 scio quid, odiose atque flagitiose fabularis.
 Quid non tentas & moues? Ego quid aliud
 quam te improbe mentiri dicam? Sed vide, an
 priuignus viuar tuus, cui plusquam pater esse

debuisti, cum quidem ex Anabaptista patre
natum more tuo regenerasti. Certe si eius ma-
ter viueret, credo, nō negaret, quod domi tuæ
sæpe apud me conquesta est, cum, si qua malæ
tractationis actio esset, rogaret. Nondum sa-
tiata est maledicētia tua. Audes etiam impro-
be fingere, spoliatos à me esse meos, qui plū-
quam paternam pietatem meam sentiunt,
& agnoscunt. Etiam si taceam, illi tuum ma-
ledictum refellēt. Interea ex quo tu mandato
ō noster procurator agis, & quas habes pro-
bationes, ne iterum de calumnia damneris, &
pœnam temere litigantium dependas de tuo?
Cur non potius operam das, vt tot creditoribus,
quos negare nō potes, ab eo, cum quo de-
inde affinitatem contraxisti, nefarie spoliatos
esse, satisfacias, cum quidem eos quotidie istic
querentes audias, & te in societatem prædæ
venisse vociferentur? neque aliud persuadere
possim nostratibus, quos tale latrociniū, quo
vrbs nostra tota expilata est, etiā afflixit. Nun-
quāme quiesces, vt non cogantur amici tui
multa, quæ sepulta manere vellent, reterege?
Et si obduruimus ad iniurias, & animum ob-
firmare conamur, vt non commoueatur, vt se
contineat etiam prouocatus, vt irritatus non
erumpat, vt non effundat flammæ iracundię;
tamen homines sumus, & tu tam acer & acu-
leatus es in pungendo & lancinādo, vt etiam
truncos & lapides commouere possis: possisq;

ab inuitis exprimere & veluti extundere vocem, quam mallent esse compressam. Vtinam tu cum tua religione me docuisses non modo colaphum impingēti, alteram genam ceden-
dam præbere, sed & iugulum porrigere, po-
tius quā me cogeres ad huius defensionis con-
ditionem, quæ quauis carnificina mihi durior
est. Sed quid non & facis & dicis, vt me com-
moueas? Quam tu denique mihi exprobrēs
παράλογον, nescio. Sed scis, quam tibi possem
ἀναισθητόν. Continebo me tamen, vt me potius
necessario defendere, quā te videar vltro
accusare: tametsi difficile sit, multa quæ obii-
cis, refellere, quin aliquid tibi aspergatur.
Quia in maledico tuo libello totidem prope
sunt mendacia, quot sunt verba: finem nun-
quam fecero, si in singulis refellendis immo-
rer. Sed non patiar, vt aliis persuadeas quod
cum tua etiā infamia fingis de Luciano. Quia
quem discipulū tuum esse dixeras, paulo post
dixisti esse discipulum Luciani, non ei modo,
sed & tibi iniuriam facere visus es. Ipse ingē-
muit te contumeliæ causa descendere ad Lu-
cianum, cum alias te, honoris causa, apud ami-
cos Lucanum, iisdem literis inuersis, vocare
soleas. Sed an ille propterea te alterum Lucia-
num esse dixit? Si dixisset, non iniuria fortasse
retorisset conuiuium quod prior obieceras.
neque nunc non mereretur id ab eo audire,
quem iterum, ex tuo forte ingenio alios æsti-

mans, impie & flagitiose eructas, nullū in cælo credere esse numen: quasi res aut leuis aut vulgaris esset ἀθεότης, quam toties in ore habes, somniās tibi semper rem esse cū aliquo Theodoro vei Diagora. An hic iterum me reprimam? Deum verum & æternum, Deum patrē Domini nostri Iesu Christi, Deum, qui in cælis est, qui meus erit tuusque Iudex, iterū testem facio, vindicem inuoco, & ultorem credo fore reperiiti huius maledicti impii. In sinu nunc licet rideas, cū impune proculcas humiliores, & credulis illudis. At scito illum aliquando iudicem fore tuæ & crudelitatis, & fraudis, & (audebo dicere) blasphemię. Absit, vt vicissim tecū Peregrino Lucianico (quod alius fortasse faceret) conferam. Sed iterum te moneo, vt si pios homines, qui in tuas actiones intuentur, credere velis multum in te esse religionis: aliter, quàm aut verba dando, aut commentarios scribendo, tuam pieratem probes. Nam commentarios quoque scripsit ille Peregrinus. Imo (quod tu nondum fecisti) carcerem religionis nomine subiit. Audio quod scribis te sine saluo cōductu (vt vocas) voluisse in Galliam venire, & in eo te tuis collegis non sine aliqua eorum ignominia, audaciore fuisse significas: sed satis superque turbarum das etiam absens: & saluum te, quo voles, arma sine periculo circumducent. Sapis profecto, qui nunc tibi caues post principia, & ex

tuo lacu, tanquam portu, spectas aliorum naufragia. Sed tua interest, ne timidus videare. Ergo ut alias, cum es extra iactū teli, ingeminare soles illud, *vsque adeo ne mori miserum esset* sic iam secure iterum iactas te in medias flammās venire velle. Verum opto tibi exitum meliorem, quàm fuerit illius Peregrini. Simul vero opto ut Gallia, quæ monstris olim caruisse dicitur, caueat, curet, ne quod impostoris monstrum ignorans adoret. Quid enim fallacius specie religionis? Feres æquo animo religiosissime Ioannes, si iterum eos, quos fallis, moneam, aliud esse religionem, aliud hominē: esse enim res diuersas, quæ confundi minime debeant. Patere, ut huius confusionis error, qui multis imponit, & pro homine interdū Deū impie veluti supponit, ex multorū animis tollatur. Nā & hæc periculosissima idololatria est, quæ est subtilissima. Ergo, ne tibi blādiaris: etsi tātopere idololatras odisti, Calvinolatras ne exōsculeris. Imo si quid habes spiritus Apostolici, disrūparis, & vestes discindas potius quàm patiaris te in idolū trāsformari. Sērio hīc tuā atram bilem commoueri, non in degeneres tuos assentatores dicā an cultores? qui tamen te clam irrident: sed in monitores amicos atq; ingenuos, quos ferre non potes. Quo igitur me vertam? Terribilis es, ô noster Irenæ, cum pro coronide suauissimi atque amatorij tui libelli, furiose exclamas, me esse facem prorsus

furiale ad excitandas discordias. Hic ego
meam patientiam, ab ista (commotus prope
dixi) furia , tam importune lædi sentio, mihi
ut temperare vix ac ne vix quidē possim. Itāne
vero tu,

*Qui potes vnanimis armare in prælia fratres,
Atque odiis versare domos: & verbera testis,
Funereâsq; inferre faces, &c.* Tūne nobis in
abdito literarum recessu quiescentibus, neque
minus pacem, quam disturbas, desiderātib;,
quā discordias abs te excitatas, quas sedare
non possumus, lugētibus, ridendo & insultan-
do exprobrabis & ascribes tua stratagemata?
quorum utinā testem non relinquis nobilissi-
mi huius Regni tristissimam vastitatem. Vix
me contineo, quin de Romana illa matrona,
quæ facem se peperisse somniauit, dicam ali-
quid. Sed obsecro, qui in hoc Regnum immi-
sit vulpem, cuiusque caudæ tædas ardentes alli-
gavit, ut quocūque discurrat, incendium exci-
tet, nobis lugentibus gloriabitur sese id Sami-
sonis alicuius exemplo fecisse, & tamen misē-
ros agricolas suis segetibus faces summisisse
narrabit? An & tu, quæ inter tuas furias exul-
tas, mediis in milibus ardēs ō Tisiphone, vo-
les etiamnum haberi pro Angelo pacis? Scis-
cet ignota est, neque à quoquam conspicitur,
hæc Erinny.

*Quam cum sanguineo sequitur Bellona flagello,
Et scissa gaudens discordia palla.*

Nam sæpe cogor vti verbis huius poëtæ, cuius carmine, tanquam (vt ait) tinnitu delectatur noster tubicen. Equidem ô Dictator rei gerendę, ecquid iam multis annis istic agas, non inuitus ignoravi: tantũ abest, vt curiose (quod facis) sciscitatus sim quæ ad me non pertinet. Sed si dicendum tamen esset de turbis, quas nunc in Gallia etiam absens moues, exclamarem illud eiusdem Poëtæ:

Pandite nunc Heliconæ Deæ, cantusque mouete:

Qui bello exciti Reges, quæ quæque secuta,

Complerint campos acies, &c. - Certe cum eos

hodie versus relegerem, cohorruui, cum quidã suggestit, in eodem libro paulo ante etiã proponi quandam, non tuam, sed seditiosi alicuius concionatoris veluti effigiem, vbi describitur illa Alecto, - *Gorgoneus infecta venenis,*

Quæ stabuli de culmine summo,

Pastorale canit signum, cornuque recuruo

Tartaream intendit vocem.

Nam & istud deinde sequitur,

Alecto toruam faciem & furialia membra

Exiit: in vultus sese transformat aniles:

Et frontem obscenam rugis arat: induit albos

Cum vitta crines, tum ramum innectit oliuæ,

Fit Calybe Iunonis anus templique sacerdos, &c.

Aderat alius quidam paulo minus inciuiilis, qui horum temporum historiam cum Romana conferens, nescio quid de seditiosis, præsertim post Gracchos, Tribunis plebis (quos con

cionatores vocat ipse Augustinus) referebat, de L. Saturnino, de Liuiio Druso, de P. Sulpitio. Alius ex historia Ecclesiastica magis accommodate cōmemorabat multa, quæ ad ea quæ nunc fiunt in istis tumultibus Ecclesiasticis, propius accedere videbātur. Et qui abs te minus erāt alieni, dicebant, te Ioanni Antiocheno Cyrilli aduersario similiorem esse quàm Ioanni Chrysostomo. De moribus & ingenio loquebantur: fingebantque te quasi Antistitē esse, vt cum veteribus Episcopis, potius quàm cum hæresiarchis, comparari posses. vtinam vero illius saltem Ioannis Antiocheni cōuersionem tandem imitareris. Malles, credo, non iam dico cum Dioscuro Alexandrino antistite, sed cū eius decessore Cyrillo conferri. Sed palinodiam canere debebis, si quod Iuliano nostros, quasi ij abs se dissentientes occiderēt, accusanti responderit Cyrillus, laudare atque imitari velis: vtque is pœnitētiam agere non recusauit, cum diceretur non improbasse necem vel Hypatiæ fœminæ cruditiæ, ethniciæ tamen: vel Orestis Præfecti Alexandrini, eodem furore occisi: necesse erit, vt & tu sapius, quàm velles, confitearis pœnitere te tot cædium à quibusdam, qui tui dicuntur, perpetratarum ô pater patrati. Et quia in priori respōsionē, Chrysostomi, quem indigne vexauit Theophilus, mentionem feci, nunc etiam te moneo, vt memineris, Cyrillum, patrui illius

fui exemplo aliquando iniquiorem innocen-
tiæ atque memoriæ Chryſoſtomi, tandem re-
lictæ calumnia, veritati testimoniū ingenuum
dediſſe. Hæc exempla potius tibi ad imitatio-
nē proponito, quàm aut Georgii Arriani anti-
ſtitis aut alicuius Dioſcuri Eutyſchianis mo-
nachis ſepti: ne cum nō eadem doceas, facias
eadem. Scio tibi non moleſtam modo eſſe, ſed
& acerbā hanc admonitionem meam. Sed res
temporæque cogunt me *παρρησιαζέειν*.

Vt autem deinceps nō erres in auctoriſus
diſcordiæ notandis, valde te rogo, ſæpius vt te
& tuos, præſertim in hoc plus quam civili bel-
lo, reſpicias. Reſpicias illos dæmagogos, qui
miſeram multitudinem, quam deuinctam, nō
vt ille olim Hercules Gallicus, trahunt & cir-
cumagūt, ſed vt Siculus quidā Eunus cogunt
& armant: ac ne pax coaleſcere poſſit, iubent
facinus aliquod magnū perpetrari, quod re-
conciliationis ſpem nullam relinquat: lætique
deinde illud inſultantis Furis (nam iterum
occurrit Alecō) intonant,

En perfectæ tibi bello diſcordia triſti:

Dic in amicitiam coëant & fœdera iungant, &c.
Atque vtinam nō niſi vnus, qualis apud eun-
dem Poetam, obſtaret Meſſapus *avidus confun-
dere fœdus*. Sed quàm indignum eſt abs talibus
bonos Feciales accuſari pacis perturbatē? Ni-
hil apud te poſſum diſſimulare vir amiciffi-
me. Gaudebam hiſce diebus & gaudebam ve-

heméter, cum audirem quendam tui ordinis, (sed quem fortasse minus, quàm ego, diligis) in mediis castris (scis de quibus loquar) concionatum esse de pacis cōditionibus studiose quarendis, & de Columba, quæ abs Noha emissâ retulit symbolum humanæ cum Deo reconciliationis. Sed maiori mox dolore affectus sum, cum narrarent eodem & tempore & loco, illius collegam, quem tam valde amas, etiâ frementibus, qui circumstabât, militibus nonnullis minime malis, & indigne ferentibus, cōtra esse concionatum de non ineundis conciliis pacis. Quale dices fuisse classicum eius concionatoris,

- *Quo non præstantior alter,*

Ære ciere viros, Martemque accendere cantu?

Sed quid aliud expectare poterant, qui cum antea non dicam talem Apostolum minime Apostolice spirare nescio quid Catilinarium, sed tuû, ô Dictator, Magistrum Equitum hîc audierant armatû, sub dio concionantem de contemptu mortis? Iniquus fuero, si alienum tibi factum exprobrê, quod præstare nec possis, nec debeas. Sed alia sunt eius generis plura, quibus te teneri meminisse debes, quoties de tumultu alium accusas: quæ certe non minus aut persona tua aut tua professione sunt indigna. Et miraris, si iampridê tibi quidam respondit quod olim civilis lex cuidam Philosopho responderat, *Professio & desiderium tuum*

discrepant. Obiicies mihi, quam voles ambitionem, eadem frōre, qua discordiarum culpam. Sed nonne metuis, ne cum tua male simulata philosophia audias illud nostri Tertulliani *Pythagoras apud Thuriōs tyrannidem affectat*? An replicabis quod Arnobius, *Pythagoras* (inquit) *sanius suspitione dominationis iniusta viuis concrematus in fano est*? Sed occurrit, qui nos terret Appianus, cū in suo Mithridatico narrat Philosophos specioso sapiētiae titulo tyrannidem affectasse, & eam cōsecutos, crudeliores fuisse, quā vlli sint tyranni indocti. An nos iis subseruiemus? Obsecro, ne toties me cogas causam dicere, cur meum, quod antea fortasse fuit, obsequiū deinde non fuerit. Si (quod improbe fingis) commoda nostra sequeremur: certe tam fatui nō sumus, (etsi fatuos esse nos dicas) quin regnantem, proposita magna mercede obsequi, sequeremur, quem secuti miserum sumus magno cum rei nostrae familiaris dispendio. Faceremus potius quod quidam Sectores nunc faciunt, qui spe praeda opimorumque spoliū tua castra sectamque sequuntur. Scito itaque me sola conscientia reuocari. Cū olim illud Tertulliani saepe in ore haberes, *Huic sectae magis occidi licet, quā occidere.* Cum damnares Ethnicos philosophos, qui tyrannicidas nimium laudarunt, & doceres lōge aliam esse Christianam philosophiā, quae ne tyrannum quidem interfici à priuato,

fas esse iudicat: cum Ecclesię insignia, crucem
 & ærumnas esse profitebaris: cū exul & egens
 gemēsque demisso vultu concionabaris de pa-
 tientia, de charitate, de regeneratione: magna
 argumenta dabas religionis atque pietatis, &
 nos propterea te audiebamus lubenter. At cū,
 rebus deinde commutatis, audiuius omnia
 contraria, speciosis licet verbis tecta, an non
 fuit necesse viro bono ab iis dissentire? Obi-
 cies quam voles mihi discordiā, cuius tamen
 antea significationē pertenuē dedi. Sed aper-
 te nunc profiteor me alienum esse ab iis, quæ
 in factione tua sentio esse aliena abs Christia-
 na religione, iure, & humanitate. Leuiora
 sunt illa scilicet, cum & statuis, & sepulchris,
 & ossibus Principū, & Martyrum, barbarum
 bellum indictum videmus: cum ciuitates oc-
 cupari: cum fana spoliari, audimus: & Reli-
 quiarum (vt vocas) inuentarium non temere
 olim editum abs te fuisse, nunc intelligimus.
 ô singularem istam tuam religionis curam: ô
 reformationem admirabilem. Sed grauiora
 sunt alia, quæ perhorrescimus: quæ si neque
 tuis auspiciis, neque tuo imperio consiliōve
 fieri dicas, vide quid responsurus sis iis, qui fa-
 ciunt: certe miseræ lugentique Galliæ nō sta-
 tim satisfeceris. Olim Cicero in hominem
 Caluentiæ, (vt aiebat) potius Calpurniæ fami-
 liæ, dixit: *Neque vero multum interest, præsertim in*
Consule, utrum ipse perniciosus legibus improbisque
concionibus

concionibus Rempub. vexet, an alijs vexare patia-
sur. Quid si non patiatur modo, sed etiam ve-
lit & iubeat? Nolo quicquam in te dicere acer-
bius: neque meum est accusare quenquam: li-
ceat mihi modo nō laudare, quod malum est,
& tranquillæ meæ secessioni venia detur. Hic
ego tandem desinere putabam (quod misere
cupiebam) vt te missum facerem (cum quo lu-
ctari nimis mihi molestum est) & ad meliora
mea studia redirem: sed tu nondum me mis-
sum facis. Nam tu tuo libello assuisti acerbio-
res etiā accessiones, de quibus si nihil dixero,
iterum periero. Nimis profecto dura est cōdi-
tio huius pugnæ, qua me exeres & huc illuc
iactatū exagitas. Sed quādo ita vis, ferēda est.

Postea quam fatigasti te maledicendo, euo-
cas manes Duareni, cui veluti in decursu hāc
lampada tradas: & nescio quā eius infaustram
declamationē, quam ille ante mortem suam
sepelierat, eruis, vt hanc rursus in me veluti fur-
neream facem vibres, ea fide, qua perfidiosus
puer tuus, eam primū elicuit ab auctore, quē
clam incitauit, & ad se scriptam, inscio me, in
cuius tamen sinu tūc erat, sparsit: tametsi nūc
eam istic recudendo supplefferit librarius
tuus honorificam eius inscriptionē. Equidem
quo magis cogito, quānam sint artes siue tuæ,
siue tuorū: tanto magis obstupesco cū summa
fraude coniunctam esse summam stultitiam.
Stultitiæ incredibilis est, aduersario, qui tuam

Institutionē damnauit, vltro subscribere, atq;
etiam cum laudare, & vt patronus tuus sit, ad-
uocare. Sed fraudis maioris est, fingere eū esse
tuarū partium. Quid dicam mirari me, libra-
rium tuū potuisse hīc tibi subseruire? An obli-
tus est, sese etiam in communi ad illam decla-
mationem responsione ante annos septem il-
lud Duarenicum scriptum, sua manu iugula-
se, & in ea palam professum esse, sese nec pos-
se, nec debere typos suos talibus scriptis com-
maculare? Fortasse diceret, sese id respondisse,
cum abs Duareno rogaretur. Sed cum abs te
nunc rogatus est, sentētiā mutasse. Accipio
excusationem mancipii frugi & fidelis. Mira-
rer tamen rursus, cum eo scripto non excudis-
se illam responsionem, præsertim cum tua po-
tissimū causa scripta esset, & ille in ea partem
haberet suam. sed homo cautus in mendacio
deprehendi noluit. Imo vero Deus illi non mi-
nus quàm tibi mentem, credo, eripuit, vt neu-
ter nunc quid agat, videat. Duarenum, quem
viuentem, tanquam, vt loqui soles, Apostatam
execraberis, nunc laudas mortuum. Recte &
candide. Sed quomodo tibi consulis, cū hunc
Iuriconsultum tibi accerfis iudicem aut pa-
tronum? Ille moriēs (vt serio iudicasse sentias)
detestatus est tuam sectam: quod etiam iudi-
cium ad sempiternā posteritatis memoriam
relatū est in Frāciæ Annales maximos. Quid?
Superstitēs reliquit de Sacerdotiis & Ministe-

tiis, & Beneficiis, commentarios, quibus plane confoditur quicquid tu de Ecclesia tā prolixè doces in tua Institutione. Nunc commentarios illos commendas. Quis non laudet incredibilem candorem tuæ simplicitatis atque modestiæ? Quis non amentes fuisse dicet eos, qui tuam Institutionē defendere conati sunt? Imo verò quis tuam nunc non admiretur mentem atque cecitatem? Age, per me sane licet, ut, quando ita vis, Duareno etiam iugulū præbeas, & deinceps alios etiam, si vis, monebo, tibi nunc placere, quod ille cōtra tuam de ecclesiæ ministeriis Institutionem scripsit. Videris tu, qua ratione tunc placabis tuos Ministros, quos tali prope iugulabis confessione. At responsionem Duareno oppositam displicuisse tibi narras, quia cum significaret illum quædam ex tuis libris surripuisse, scilicet ei periculum capitis tali indicio creabat. Te autem, quidvis pati malle, quam ut alterum quis lædat. Næ tu vir optime, mirabilis es artifex simulandi atque illudēdi. Tu quoties in aliquē scribis, nihil non & quæris, & captas, & fingis, & facis, ut aduersarium non tam refellas, quàm traducas & ad rogū trahas. Testes sunt omnes tuæ pugnaces atque inuectivæ insidiosæque accusationes. Sed & quodam loco gloriaris & triūphas, quædam in Belgica indicio tui libelli, ad suppliciū capitis abreptum esse. Et ne longius abeam, illa ipsa, quam nunc in

el tibi, farrago furiosa, quid aliud vel
 agit, vel captat? Et interea non pudebit flebi-
 liter queri, non esse habitam rationem Duare-
 nici nescio cuius periculi, quod certe nullum
 fuisse res ipsa loquitur? Porro ut magis cōstet,
 ecquid præsidiij habeas in eo viro, cuius no-
 men, tanquam Gorgonis caput mihi obuer-
 tis, & cum illi patrocinaris, quàm sapiēter tibi
 consulas, caueāsque: equidem facerem nō in-
 uitus, ut singulis collatis & inter se commissis
 capitibus ostenderem, quàm valde dissideatis
 in Ecclesiæ ministeriis describendis: ut si ille
 de iis bene senserit, te pessime sentire sit neces-
 se. Sed neque ocij neque temporis tantum mi-
 hi nunc datur, quantum ad eam rem esset ne-
 cesse. Quid autem, si addere vellē alium qua-
 rundam in eo genere tuarum *ἡμερολογίων*, quas
 ille non notauit, indicem? Certe non de vnus
 verbi *Ἀπονηστίας*, interpretatione tua, quam
 ille exagitat, respondēdum tibi esset. Non est
 nunc mihi prae manibus Institutio tua. Sed,
 si recte memini, recordor, te in eo capite de
 Ecclesia & eius gubernatione, valde exultare,
 cum Canonem quendam de prouocatione ad
 Episcopum Ro. clamas esse supposititium, qui
 cum Nicenus esse diceretur, inuentus sit esse
 Sardicensis. Fateor vir doctissime, hoc quo-
 que me olim credidisse, cum diligentius non
 inquirerē in historiam, quam narrares. Sed
 postea sum expertus, vastrum illum Siculum

non temere olim monuisse, *Non temere esse credendum*. Fateor illum Canonem non fuisse inuentum in Græcis exemplaribus, quæ Africanī patres consuluerunt: sed fictum propterea fuisse, inde non conficiet dialectica tua, non magis quàm illum, quem cum sibi ignotum fuisse fateatur Augustinus, non fuisse in Africa peruulgatum significat. Quid? Non modo ipse Athanasius, sed & qui cum eo fuerunt in Alexandrina synodo Episcopi, Ægypti, Thebaïdos & Libyæ, quorum plerique Niceno Concilio interfuerant, locupletissimi profecto & classici testes, in sua ad Felicem Roma. Episco. epistola affirmant, illud de prouocatione, decretum fuisse Nicææ: quod deinde rursus potuit, vt alia pleraque, repeti Sardicę.

Istud obiter dico, vt in mentem mihi nunc venir, non vt de iure illius prouocationis contendam, sed vt de facto deque historia, in qua si tu meam diligentiam, ego tuam fidem requiro, te & me submoneam. Nam hîc falli, labi, mentiri turpe est, præsertim tibi. Itaque & illud, quod eodem loco tam confideter iactas, & ego te secutus aliquando temere tradidi, de Donati aduersus Cecilianum ab Episcopo Rom. ad Constantinum prouocatione, datoque cum aliis Episcopo Arelatensi, vellem mecum diligentius retractares. Nam si Optatum, & epistolam Constantini, & acta Arelatensis illius Synodi, quæ nuper nactus sum,

consulamur, liquebit, præposteram atque inanem esse, quam ex illa historia reperis, argumentationem. Tantumque abest, ut Constantinus tale prouocationis genus laudaret, ut etiam contra exclamarit, *ô rabida furoris audacia*, &c. Hanc enim esse veram lectionem Optati, neque emendationem, quam nuper doctissimus Iuriscōsultus tradidit, admitti posse, aliàs ostendā. Nunc velim mihi ignoscas, si præter opinionē huc delapsa sit oratio mea. Illud modo volebam, ut cogitares tam nondum castigatas esse tuas Institutiones, quin aliquod etiamnum mendum, etsi de historia tantum agatur, in iis hæreat, ut in meis esse plurima ut admonerer, curasti. Nunc ad famosum & mendax scriptū Duarenicum, quod in me recudi voluisti, reuerterer, nisi si iam pridē refutatum esset, & esset alia responsione indignum. Nam quod in eo, si forte id nōdum animaduertisti, Nouatus appellaris: mihi quidē certe dolet: sed id refutare, tuum est.

Porro quod Duareno non contentus, aduocas alios quosdam Iuriscōsultos, quos veluti in equum tuum Troianū includas, ut me oppugnes: equidem, si eos pro tuis ministris & mancipiis habes, conquerar & ordini nostro & Iurisprudentiæ iniuriam te facere: neque id minus moleste feram, quàm quod me Sinonem etiam vocas, honoris (credo) causa. Non enim alioqui tuos mihi titulos commu-

nicare velles. Sed vide, ne non plane vni tibi propria hæc laus sit, hic titulus, cum iactes de tuo ludo, quod olim Isocrates de suo,

Ex eo, tanquam ex equo Troiano, heroes prodiiſſe.
Certe cum illud in schola nuper legeretur,

Arduus armatos medius in mœnibus aſtans

Fundit equus: victorque ſi non incendia miſcet,

Infultans, &c. quidam nimium naſuti & allegorici, collatis tuis ſtratagematib⁹, neſcio quid de ſimilitudine τὸ ἄξιον inepte fingere voluerunt. Sed ad rem. Aduerſum me cum Duareno Conſcium quendam coniungis. Quàm ſcite? ſi quanta inter eos fuerit coniunctio, ſcias. Sed eum plane eſſe tui iuris forte putaviſti, quia & Nouioduneus ſit, & contubernalis aliquândo fuerit tuus. Nam nunc Doctorem eſſe Iuris Pontificii obliuiſceris, & Apoſtatam eſſe, quod aliàs ſoles, clamitare non vis, quia eo vti in rem tuâ velis. Equidẽ eũ contra non vindicabo. Sed quid tandem ex illo profers, quod in me torqueas? Diſputationem neſcio quam de ſucceſſione in ſtirpes aut in capita. Fateor pertinere ad ius ſui. Sed quid illa vel ad te, vel ad id agis? An quia initio me iuſſiſti reſpondere de apicibus Iuris; noluiſti mihi deeſſe materiam? verum vereor, ne ſi in eam diſputationem ingrediar, tibi, quem vix puto delectari talibus myſteriis Iuris, valde moleſtus ſim: quanquam in ſis ego verſari malim (vt mea ſunt profeſſione digniora) quàm

in aliis quisquiliis, quas tu mihi obiciis, ut nunquam me extricem. Ergo quando in hoc pistrinum nunc in. pactus sum, etiā molendum mihi est. Cæterum miror, non exhorruisse te, cum id quod tuæ sacrosanctæ farragini assuis, haurires ex commentario, qui Episcopo quondam tuo inscriptus atque consecratus est, & cuius auctor profitetur sese esse in clientela illius, quē tantopere odisti, antistitis. Eiusdem farinae sunt, quod librarius tuus ex eodē fonte hausit fragmentum, in quo notantur mei de Constantinil legibus & de XII. Tabulis commentarii. Næ tu mirabiles & sagaces habes rerum omnium scrutatores, librorūque omnium peruolutatores. Sed malæ fidei sunt hæc mancipia tua, quæ ut regant vanitatē nostri Censoris, supprimunt postremam editionem mearum XII. Tabularum. quam qui conferunt cum illius notis post editis, vidēt cum vno post anno multa castigare, quæ ipse castigaram prius. Certe quia id omnibus liquere putabam, non dignatus sum hætenus illi ieiuno magistro, qui discipul⁹ antea meus fuit, respondere: tametsi gratias agere nō nollem, quod ex suo Codice manuscripto, admoneat me quarundam Constantin Constitutionū, inscriptionum, & subscriptionum, de quibus nihil diuinare alioqui potui. Vellem vero etiā rogare, ut me patiatur mea castigare, memineritque non esse in mea potestate typogra-

phos, qui quotidie libros recudant. Sed quid tandem ad te hæ *λεπτολογία*. Equidem cum in hisce versor nœniis, obliuiscor mihi rem esse tecum: & nescio quī fieri potuerit, vt augusta & sacrosancta tua amplitudo se demittat ad istas curas tam humiles, angustas, abiectas. Me quidem teder pigetque bonas horas tam male collocare. Sed te recreat nouus riuallis sua in me velificatione: quæ tamē de inani tantū gloriola puerilis & arida & ridicula cōtētio est, indigna profecto, quam tu spectator tuo plausu accendas. Ille se nunc doctiorē eo esse, quem habuit aliquando doctorem, vehementer contendit. Etsi id concedam, & præterea adiungā verus esse illud, πολλοὶ μαθηταὶ κρείττορες διδασκάλων: quid tibi inde accedet? mihi quid decedet? Per me quidem certe licet, vt ieiunij tui scribæ etiam in mustaceo laureolam quærant, si hunc esse putas fructum Euangelicæ mortificationis, quam doces. Per me (iterum dico) licet, vt hoc vento se pascant, si nihil aliud habent, quo se satient hiantes. Ego iam pridem satur sum istius tam putidæ fatuæque ambitionis. Sed scire vis, quantū & fidei mereatur tuus Conscijs, & quantū in eo habeas præsidij: obsecro, manda alicui tuo, cui credere voles, ministro, vt hic legat, quam ille, triduo antequam efflaret suas illas contra me absentem glorias, publice recitauit & sua manu consignatā in Germaniam misit de suo

(vt dicebat) excellētissimo praeceptore, & de
meis erga se & Iurisprudētiā & literas, me-
ritis, orationem. Ea penes me est. Sed ne viuā,
si per verecundiā possim has ineptias reuol-
uere. Quid mea erga illum officia, beneficiāq;
frustra commemorem? Hoc tu facito, qui tam
officiosus es, vt nūc homines ingratos & per-
fidiosos etiam tibi applices. Porro quasi mul-
tum intersit Reipub. Christianae, scripserim
an non scripserim Commentarios in Institu-
tiones Iustiniani: non modo per eum, sed &
per alterum, innominatum tamen, testem &
Censorem vehementer contendis, cuidam
Brechtano praeceptori quondam meo, acce-
ptos ferri debere, qui sunt abs me editi. Sed
quo iure hi leguleii sine mandato allegāt ius
alienum, atque etiam sine probatione. Mirū
profecto, si & Iurisconsultis & Theologis pla-
ceat talis actio tāmque ἀμάρτυρος. Nam si ita li-
cet agere, quid illis fiet? Clamat tuus catulus
& ringitur, quod dixerim iusta esse commen-
taria. Vbi tandem talē titulum ascripsi? Nam
quia diligentius mea, quam ego, legisse vide-
tur, bona fide me monere debet. Equidē illi,
ne rūpantur, remitto molestiam probationis,
& te, quod ita me exerceas, laudo, quia me-
tuebas fortasse ne me gloria commentationis
nimium inflaret efferrētque. Sed non erat ne-
cessaria hāc tua medicina, modestissime Ioan-
nes. Audio equidem te tibi valde placere, &

caudam iactare popello, quia in sacras literas commentarios Buceri & Oecolāpadii interpolaris, polieris, auxeris, atque etiam conuerteris in linguam Gallicam: neque negamus te propterea doctissimi, ingeniosissimi, eloquentissimi hominis nomen retulisse. Ac si quid nostro præconio addere possemus, esses etiā magnus Apollo. Sed si tamen te non ideo deceat (quod quidā olim ait) pulmonē rūpere vētis: scito nobis multo minus licere propter inanē speciem quarundam literarum ciuiliū concipere animos magnos: & verò iterum scito nos nostræ vanitatis conscios, nihil nobis tale arrogaturos esse, etiam si Rhapsodias puerilium annotationum in Iustiniani libellum liberaliter nobis relinquas. Nam & melius, quā aut tu, aut tui, scimus, quā illud totum sit nihil. Ergo si vis esse alienum, facile etiam concedam. Dicerem tamen eos nimis esse iniquos, quos mihi subornas, cum quidem, quicquid in iis cōmentariis reprehendunt, meum esse volunt: reliquum volunt esse alterius. Sed in tam magno volumine tam pauca notāt & castigant, vt asperiores censuras requiram. Patiantur ergo, me, commentariis abs me editis, extremam adhibere manum. Ego sexcētos præterea locos vel expungam, vel emendabo. Quod quidem respondeas (velim) meo nomine non modo Conscio nostro, sed & illi innotinato, quem adiungis, mirifice triumphāti,

quod nescio vbi obseruauerit, me aliquando duos sui Ciceronis locos aut non satis intellexisse, aut mēdose allegasse. Imo vero, vt video, ferre non potest vt aliquid discam, cum etiam me accuset, quia de Iure trium liberorum & tergeminiſum, rectius ad legem Papiam docuerim, quod alibi non distinxeram. Oporteret mirabilem esse hunc Censorem, qui reprehendit quod est laudandum. Ecquo vero recidimus, si non licet castigare, quod antea temere aut perperam fortē scripsimus? Cum aliquando scripsisses, Pellam, quæ est ad Iordanem, esse in Macedonia: error fuit plus quam puerilis. An quia cum deinde correxisti, tibi insul tabitur? Porro quid putidius esse potest, quàm quod is, quem mihi obicis, innominatus pædagogus, terribilis scilicet Orbilius, irascitur, me in meis de historiæ institutione *περι τῶν* non potuisse plane definire, certoque notare *τὸ λελθόν*, cum quæritur quot sint anni ab orbe condito? Equidē nescio quo modo nunc mihi placere incipio, cum audio tam famelicos canes aliud non habere, quod arrodant. Sed ne forte mihi placeam, ignotus hic magister in vniuersum contendit, si de literis, doctrina, eruditione quærat, mihi deesse omnia, naturam, artem, & exercitationem. Age vt eum hoc labore leuemus, istud ei quoque concedamus. Et quando nobis tandem quicquam arrogauimus? Interea hominē, si is est,

quem suspicor, admoneas, velim, (nam ille tibi meret) quandocunque in eius commentarios inquirere mihi ocium erit (non enim hactenus tantum mihi fuit ocii, quo vellem abuti) paulo plura me notaturum esse, quàm notet in meis. Nam & ne longè abeam, in ea ipsa epistola, qua meam *αὐτοβιογραφίαν* suggillare se gloriatur, suamque memoriam antiquitatis venditat, vide quantus vir sit, cum suum Ecebolium, quem ait vixisse sub Valentiniano, memorari ab Eusebio scribit, oblitus, Eusebium mortuum fuisse, antequam auditum fuerit Valentiniani nomen. Credo cum hic tuus quondam hypodidasclus istic Grammaticam doceret, sæpe pueros cæcidit, minoris solæcismi causa. Nunc à pueris vicissim cæsus, vapulet gloriosus hic doctor: nisi si alio flagro dignum esse indices. Verentur tamen nonnulli, ne illi sis æquior, quia sæpe te quoque fallat chronographia. Nam & in tuis toties castigatis Institutionibus, etiamnum doces Sabellium fuisse post Arrium, cum tamen constet vixisse ante ipsum etiam Paulum Samosatenum. Photium Sabellianæ hæreseos instauratorem in Synodo Syrmientiensi, post Arrium surrexisse, rectius dixisses. Redeo ad eum, quem mihi das, magistrum & castigatorem, peroque iterum, ut interea dum gratiam referam, eum moneas, cum suas ad te Verrinas recudet, ut saltem Nannio satisfaciat, si plagium aliis vult obiiicere:

discâtque tantus iuris doctor aliud esse ius Prætorium, aliud ius Prædicatorium: ne illius imperitum fuisse nostrum Scæuolam iterum scribat, quia de hoc respondere noluerit. Discat prius quam de aliis triûphet, hanc conditionem, *si in Capitolium ascenderit*, esse promiscuam atque arbitrariam, ne iterum (quod pueri quoque nostri rident) nos doceat pertinere ad currus & quadrigas triumphantium. discat tam capitalis interpret verborum iuris, qui nobis pueris aliquâdo ignotam fuisse gloriatur nescio quam Ciceronianâ capitis demptionem, discat (inquam) capitacionem in libris Legum, longe aliud esse quam quod nos docet in suo mirifico lexico: & cû id recuder, discat ex Brissonio, quod Solæcisimos commiserit. Si de Ecclesia etiam agere vult, respondeat Ruffo. Quid me laceffit iatitans? Et quid aliis molestus est, ut quam se putat esse doctissimum, tam probet me nō esse eruditissimum? Vix quisquam est, qui mihi, quam ego, tribuat minus: neque poterit suis calumniis tantum mihi detrahere, quantum ego mea sponte mihi detraho, & conscientia mea minuo. Itaque necesse non est, ut mihi iudicē det Cuiacium: tametsi hunc potissimum appellare debeam, qui superioribus diebus, tam amicis atque honorificis ad me literis, in suum collegium ut redire vellem, rogauit, detulitque ultro, plus quam deberi mihi putem. Interea quid ille de

isto innominato Censore & eius præceptore
sentiat, coniunctim indicauit in suis de Dolo
malo commētariis. Denique noster magister
Latinitatis, prius quam de meis scriptionibus
garriat suarum oblitus, respondeat Sturmio,
& aliis, à quibus accusatus est, quod suo nomi-
ne ediderit epistolam abs Sturmio scriptam,
eāque Institutionibus præfixam tanq̃ suam
vèdiderit Duci Saxonix. Vt autem suam cau-
sam agat, potius quam alienam: moneas eum,
necesse non esse, vt beneficiariis vel canonicis
libris Duarenū iterum patrocinetur. Nam si
ita vis, lubenter concedo esse optimos, maxi-
mos: neque quicquā est, quod facere luben-
tius debeam, vt te percellam. Tibi tunc quo-
modo cautum sit, iterum videris. Sed oportet
istius tui patroni incredibilem esse, non iam
dicam, impudentiam, quia latitat, sed nequi-
tiam: cum quidem posteaquam edito libello
de Sacerdotiis aduersus Ruffum, p̃ Molinæo,
proscidit illos Beneficiarios commentarios,
nunc eos se adorare fingat. Non minus indi-
gnum est, quod nouus hic Ecebolius Apostata
Iuliani, de apostasia nescio quid nugatur.
Scilicet religionē nos docebit elegans magi-
ster Ciceronianæ ἀρετῆς. Saltem tantus Cice-
ronicola meminisset, nos illud Ciceronis de
Clodio concionatore etiam legisse: *De religio-
nibus sacris & ceremoniis est concionatus, Patres cō-
scripti, Clodius, P. (inquam) Clodius sacra & reli-*

giones negligi, violari, pollui questus est. Non mirum
si hoc vobis ridiculum videtur: etiam sua concio risit
hominem. Sed noster subtilior est. Etiam de my-
sterio cœnæ Dominicæ disputat, & me, cum
sua Gallica (vt vocat) Ecclesia non idem sen-
tire, narrat, qui ab ea, propter Clodianum fa-
cinus, in Germania excommunicatus, aliam,
quæcunque illi fortasse patuit, mensam occu-
pauit. Vis scire quanti faciat totum istud my-
sterium tuus mystagogus? Audi Sturmium,
cui non potes non credere. Is ad illum tuum
filiolum nescio cuius criminis reū ita scripsit:
*Ad me cucurristi, excusans factum, iurans atque testi-
ficans, si verum istud sit, quod ad me relatum esset:
fuisse te hodie in cœtu Ecclesiæ, participasse de Cœna
Dominica, rogare te Deum, vt quod ea concione in cæ-
na accepisses, id in Diabolum & Satanam conuerta-
tur, si sit verum. Quodnam iusiurandum grauius esse
possit, quam istud sit, deuouere se Diabolo & Satanae,
si sit verum, quod erat verissimum? An tu istud negare
potes. &c.* Hæc de illo Sturmius. Cū voles, mi
Ioānes, agere mecū, de isto mysterio, per aliū
agito. Antuæ sententiæ sim, tunc scies, & meā
esse audies eā, quæ & tale tantūmq; mysteriū
exinaniri non patitur, & magnificat perpe-
tuam veteris Ecclesiæ sententiam. Equidem
nolo de mysteriis disputare. lex enim id pro-
hibet. Et quo erumpant tuæ de iis disputatio-
nes infinite, video. Sed profecto doleo, homi-
nes profanos manibus illotis tractare talia
mysteria:

myſteria : & te, eo nomine in tota etiam Germania reum, potius vt extrices, moneo . Iam ſi redeundum eſt ad eum, cuius maledicam & famoſam de me epiſtolā edis : imprimis quaero, quo vel iure, vel more, vel exemplo tu per ignotum aliquem & innominatū nugatorem traducas aliorum vitam? Quid tandem fiet, ſi tales de aliis fabulas eo modo ſpargere liceat? Quis eſt, qui tutus domi ſuæ ſit? Et qualia putas de te & tuis familiaribus vere narrari poterunt? Deus bone, quales (vt vocant) legendas reliquet poſteritati ſecretarius, qui & tua & tuæ factionis acta omnia tum publica, tū priuata deſcribet? Ego vitam tuam non deſcribā (nō enim id eſt pudoris mei) ſed eam familiari & collegæ tuo Zebedæo deſcribendam relinquo, ſi ita agendum ſit. Meam Deus iudicabit, & fideliores, quam tui ſint, teſtes fortasſe narrabunt . Saltem alium mihi ſubornaſſes præconem, quam eum, cuius mores Sturmiſianus quoque ſtilus iuſtiſſime iam cōfixit . Saltem monuiſſes mēdacem debere eſſe me morem : ac ne in limine palam impingeret, neue titubaret, cauiffes . Non eſt dignus, cuius fabulam refellam : ſed vt iſtic vapulet, verbum vnum addam . Vt quantum fidei mereatur familiaris iſte, quem mihi ſubornaviſti, fabulator, notum ſit, valde ſcilicet Rhetorice orditur tuam narrationem ab inſulſo mēdacio & nouo crimine . Prīcipio ait me Argētorato iuiſſe

Geneuam. Scio istos hypocritas magni criminis loco ducere, si quis recta non properet ad eorum synagogam metropolitanam: vel alibi prius quam in illa sua (vt vocant) hierapoli quærat quod ipsi venditant. Sed quale sit hoc crimen, alij æstiment. Ego nunc tantum dicā, nimis impudētem esse hunc nugatorem, qui fingit, quod, qualecunque sit illud, est falsissimum: cum quidem Argentorato nunquam Geneuam sim profectus, neque vnquam tale iter triuerim: quod si ingressus fuisset, e quidem præmonitus substituissem in medio itinere, neque imprudēs viator incidissem in istos insidiatores, qui incautum circumuenerunt. Vtinam (inquam) Rhenum prius quam lacū Lemanium salutassem. Tempestiue ab illo didicissem (quod postea, sed serò didici) quā mihi ab hoc esset cauendum: neque ad Sirenios istorum scopulos impegissem adolescē rerum imperitus. Nunc, ne iterum meo naufragio insultet importunus pirata, de suæ scilicet ciuitatis honore valde sollicitus: quid aliud illi respondere possum, quā me nescio quo errore viæ, contrarium iter secutum esse? Obtestor te, quisquis hæc legis, mihi vt veniam des, si talibus te naniis remorer. Fateor quæ nunc obiter dico, nō esse digna quæ alios obtundāt. Sed in rebus etiam leuissimis & prope nihili, vult Deus conspici istorum (audebo semel dicere) nebulonum vertiginem, quos

Ille mēdacij pater ita circumagit, nulla vt sint
 tam crassa, tam palpabilia, tam putida mēda-
 ciorū portenta, quæ non confidentissime effu-
 tiānt. I nunc ô misera Gallia, & in rebus ma-
 gnis fidē adhibero talibus (cur nō dicā?) impo-
 storibus. Quid reliqua, quæ eiusdē farine sunt
 ægri nostri monitoris siue somnia, siue deliria
 refellerē? Fac potius ô Deus, fac, vt magnis in-
 reb⁹ & periculo maximo excæcati populi ali-
 quando sentiant & videant, quales sequantur
 signiferos, cum in præstigiatorum se dānt se-
 ctam. Misereat te ô Deus multorū, qui te ani-
 mo profecto bono & religioso quærunt, sicuti
 abs te audierunt hanc esse vitam æternam,
 vt te cognoscant & eum, quem misisti, Iesum
 Christum. Ad te itaque & Christum reuoca-
 palantes, & ita contine, vt hac tua luce cōten-
 ti consistant: neque præcipientes longius & ve-
 luti præter casam excurrant, secuti cæcos Du-
 ces, vel vafros nescio quos αἰῶνες, qui pieta-
 tem initio simulāt, & de te loquuntur, vt cre-
 dulam multitudinem longius abducant. Ne-
 scio qui fiat, vt toties præter meum institutū
 diuertat in has παρελάσεις oratio mea. Sed
 quorsum redeam ad epistolam nostri moni-
 toris, quam nōdum porui integram perlege-
 re? Nam manca & mutila est in nundinis di-
 stracta: proptereaque & imperfectam nunc
 habebit responsionem. Mirabile vero genus
 epistolæ, quæ ad me missa nunquam est, & quæ

ne tum quidem cum abs suo auctore editur, subscripta est: Obsecro, quid tandem in suis castris trepidat eius scriptor, olim togatę, nūc armatę militię satellites? Scilicet disputans de capitis deminutione, capiti suo, suorum scelerum conscius, metuit, si deprehendatur.

Ergo laudo consulti catęque hominis non dico metum, sed cautionē: tametsi se iam dissimulet esse Iurisconsultum, qui Iustinianum non suum, sed meū appellet: cum tamen alias prædicet se esse Iuriscons. clarissimum, & vnū Iustiniani interpretem atque adeo castigatorem, qui solus cornicum oculos configat. Sed ne errem, obsecro mi Ioannes, dicito mihi bona fide, an is sit, quem suspicor: vel si diuinare potuero, ne nega. Nonne ille est qui quia siue Turcici, siue Ottomannici, siue Ismaëlitici generis, & nominis est, Silesium se esse finxit, cum in Germania negaret se esse Gallum, vt in aulam Austriacā irreperet? Nonne ille est, qui cum tuam Ecclesiā clam fugeret & Scholam, in qua tamen docuit annis aliquot Grammaticam, deposita Iurisconsulti persona, venit in Germaniam tuis ad Sturmium literis instructus, quę Sturmium fefellerunt? Nonne ille est, cuius (vt nunc dicebam) vitam, perfidię, nequitię, sceleris & omnium maleficiorū plenā ipse Sturmius nuper descripsit, ille (inquam) Sturmius, cuius, credo, testimonium repudiare non auderes, præsertim cum eius

testimonio vtaris, vbi te libr' ósq; tuos laudas? Nonne ille est magnus ardelio, qui cum in Germania Principes miris modis est ludificatus, huc & illuc discurrens, modo in Gallia tumultuatur, modo ad Rheni ripas aduersus Regem suum milites cogit? Nónne ille est, quē Sturmius (nam alio non est opus teste) ostendit etiam Gallia Principibus plusquam proditorie maledicere, cuiusque lingua nullum beneficium magis veneficum esse ait & probat? Nonne ille est, qui superioribus annis in Germania pinxit siue suum, siue tuum tumultum Ambrosianum, & Tigrin peperit, & eius generis formulas quotidie cōcipit nouus magister libellorum, non (vt iactabat) supplicū, sed famosorum? Denique nonne est ille tenebrio, qui ad me aliquādo scripsit, *κακίστοις ἐπ' ἑστέων χροίον*? Et nunquam pudebit te, tales in sinu tuo fouere viperas, tales habere socios, tales aduocare patronos? An non tibi satis supérque suppetit veneni, nisi si virus ex talium Serpentum ore fugas, quod deinde vomas? Scilicet tenes dirum illud vetúsque, *ὅφρις παρ' ἐχίδνης φάρμακον δακνέσκει*. Imo vero quia tales mihi infesti sunt, minitando insultas, tótque mihi esse inimicos exprobras, quot tibi amicos esse iactas? ô Tite, amor & deliciae humani generis. Quid respondebo? Quidam olim cū neminem qui inuideret, habere se aduersariū audiret, exclamauit, Nihil ergo se gessisse pre

clari. Ego nihil in me esse video, cui inuidere quisquam possit: multa vero, quorū misereat omnes. Sed cum illos quos narras, inimicos mihi esse gloriaris, quid aliud quam ingratis & perfidiosis hominibus patrocinaris? *et bene apud memores veteris stat gratia facti.* Ego de iis, ubi ubi potui, bene meritus sum: alios docui, alios alui. quod si negant, eorum syngraphis atque chirographis inficientes debitores conuincam. Vel verbo, vel re me vnquā iis nocuisse, nunquam probabis. Aduersus me vero meūque caput nihil non eos, iam tum etiam, cum in sinu meo essent, scelerate tentasse, negare non potes. En cur tales viperas laudare, mihi que cum iis insultare debeas vir gratiosissime: atque etiam, ut oppressus respirare non possim, tales aduersarios simul impressionem facientes mihi obiciās, & quicquid aliquando tres aut quatuor maleuoli cōtra me effutierunt, conuerras, tanquam collecto in desperatione fasciculo, quo me obruas. Sed ea in re quid aliud, quam tuam rursus miseriam atque trepidationem prodis? Quid si tali exemplo vreret, & cogerem quicquid ab aliis scriptū meliori iure aduersus te est? Quot putas plaustra onerarem? Etsi eos, quos Papæ seruire ais, missos facerem: tamen vel vna te Saxonix Magdeburga obrueret. Quanquam satis haberes negotii, si hostibus relictis, domesticum tibi Censorem obiiцерm, & ea tan-

tum indicarem, quæ tuus siue rivalis, siue con-
tubernalis clam arrodit atque reprehendit
in tuis Evangelicis commentariis. Scio tuam
ferociam insolescere, quia dicere soleas te ha-
ctenus in Gallia rem non habuisse nisi cū ad-
uersariis insulsis atque ineptis, qui etiam bo-
nam causam male agēdo, etsi nullus eos refel-
lat, perderēt. Sed erras, iterūque erras, si ve-
minem propterea hic esse putes, qui tibi pau-
lo acrius possit ausitque occurrere. *Des liberta-
tem fandi, flatūsque remittas*: quia iam detecta tua
consilia sunt, breui senties fulmineam super-
esse legionem doctissimorum, gravissimorū,
religiosissimorum hominum, qui se tuis & clā-
moribus & conatibus acerrime opponent.
Imo vero etsi ille ordo, cuius imprimis sunt
hæ partes, cessaret, profiteor ex ordine & col-
legio Iurisperitorum prodituros aliquos for-
tes & bonos bonæ causæ patronos. Erras ita-
que, si, quia degeneres ex eo ordine aliquos ha-
bes, qui & tuis cupiditatib⁹ serviliter obsequū-
tur, & abs tuo nutu abiecte pendent, existi-
mes omnibus creptam esse mentem genero-
sam, aut tā esse omnes suæ disciplinæ oblitos,
vt nullus eorum meminerit, Iurisprudentiam
esse nō minus diuinarum quàm humanarum
rerum notitiam. Quid si profiterer atque pol-
licerer neque tam effœtam nunc esse Iurispru-
dentiam, neque tam profanum forum, quia
aliquos aliquando proferre rursus possit Ter-

tullianos, Minucios, Ambrosios, Nectarios, Chrysostomos? Vis etiam, ut iactare ausim quantum in collegio rogato præsidi mihi aduersus te esse confidam, si me pessundare non desinas? & tibi, si pergas, quantum, ab eo sit metuendum? Ex eo ordine prodibunt Oratores, qui si nō de tuis modo, sed & tuorum atque ad eo eius ardelionis, quem sine nomine nunc mihi opposuisti, facinoribus dicendum sit, muti profecto non erunt: & quia non nisi Ciceronianos ille amar, fortasse etiam hinc ordientur, *Quousque tandem abutere patientia nostra Catilina? quando nos furor iste tuus eludet? quem ad finē sese effrenata iactabit audacia?* &c. Neq; tamē puerilis erit declamatio: sed erit acerrima accusatio, quam vel sola actorum vnus vel alterius anni, quæ in iudicium publicum vocabuntur, recitatio faciet horribilem: tametsi sciam posse videri prope ludicrā, vbi reus armatus iudices ipsos terrer, & vius oppugnaturus. Erūt tamen etiā cū Orationibus illis Iuriscōsulti, qui publicorum iudiciorum leges suggerent nō minus terribiles, & quidem à prima, quæ Maiestatis est, huiusque rursus specie prima, quæ est perduellionis, exorsi, cum illam & antiquissimam & Regiam, quam horrendi carminis esse Luius ait, obiciant, tum vero reliquas, quæ multæ sunt, ordine suo cumulant. Dicerem magnum earum fore terrōrē. Sed miseræ leges, etsi inter arma non sileant,

quid nunc præter inanem vocem habent? Dicebant olim homines improbi, virtutem esse verba, vt lucum ligna. De legibus idem nunc impune dici quis non doleat? Legionibus vero nihil nisi leges opponi, quis nõ rideat? Sed est tamen aliqua, sine vi, veritatis & iuris victoria. neq; si quis armis suis leges omnes nostras perfregerit, propterea victos fuisse nos integra posteritas, quæ de causa & re recte iudicabit, fatebitur. Hac ergo spe Legũ fulmina cõtorquebimus aduersus vim armatã, si sapi⁹ nos pro uoces. Fecisti profecto & imperite & imprudẽter, quod in me declamans hoc tẽpo re & hoc statu rerum, insusurrasti nescio quid de proditoribus & transfugis. Nam cũ hi inter perduelles numerentur: perduelles autem esse dicantur, qui suæ patriæ & Reipub hostes sunt: facis, vt de illis quætẽdo, nescio quid de te tuisque veniat multis in mentẽ; quod religionem mentiendo nunquam aut dilues, aut delebis: & vt quod amplissimus Senatus hisce diebus pronunciauit de hoc hostium siue perduellium siue rebellium genere, memoria repetamus: vix ut tuam maiestatem, quam (vt est in antiqua fœderũ formula) comiter ipse quoque conseruare vellem, in tali reatu tueri semper possis. Iam vero sicam imminuãt illi, quos iritas: quid putas, facient, si etiam fiant Theologi? quales se triduo fore, si stomachũ iis moueas, quidam profitegi audent. Nam

quanuis de ingenij tui laude nihil detraxerint (ingenuitatis enim est, agnoscere quid in vno quoque laudandum sit) tamen in ordinem te redigere volent, quia te esse hominem, qui errare possit, sciant, & in illis tuis Commentariis, propter quos tu tam valde tumes, reliquosque omnes scriptores tam contumeliose despicias, id notare possint, ex quo liqueat non esse te, quod de te & ipse existimas & nos existimare vis. Nam etsi non inquirant subtilius in singula, & oblati tantum, paratisque subsidiis utatur, poterunt in tuis Bibliorum interpretationibus, quas à primo ad ultimum usque caput percurrerent, facta collatione observare quod reprehendi possit, vel si nobiliores solum locos excutiant. Ut (exempli gratia) in ea, quam principio libri primi Mosaisci de Mulieris semine, quod conteret caput serpentis adfers, interpretatione noua, an nihil statim reperient, quod reprehendant ex omnium aliorum etiam veterum interpretum consensu? Denique cum ad finem Bibliorum peruenerint, & in signem illum locum Petri, de eo, qui predicauit Spiritibus *εὐφρακῆ*, &c. voluent: an non minus nouam tuam expositionem respuere non poterunt? quam ne ille tuus aliqui subscriptor concoquere potuit: sibi que displicere minime dissimulauit: atque id quidem in quaestione de statu defunctorum, hodie controuersa. Quid? Memini etiam quid in disputatione alia

generis eiusdem, colligi velis ex illo Actorum
 Apostol. loco, *ἀλλ' οὐκ ἰδίᾳ ἡμεῖς ὑπηρετούμεν*, &c.
 Sed rursus totum illud tuum *ἐπιχειρήματα* vnico
 verbulo dissimulanter euertit idem ille alio-
 qui tuus *ὁμολήσας*. Sexcenta sunt eius generis,
 quæ non ego, qui ista non tracto, sed alius ali-
 quis notauerit: ex quibus intelligas nō omnia
 verba, quæ fundis, esse oracula. Nescio an tua
 interesse putes, eo te modo admoneri. Sed si
 ille domesticus Censor alios laceffendo tan-
 dem excitauit vnum Castalionē tuum, à quo,
 quod minime expectabat, de suis interpreta-
 tionibus audiuit: sperare debes non defuturū
 tibi aliquem monitorem. Neque tamen tanti
 mihi fuisset, te & alios per me intelligere, id
 quod tu & in aliorū scriptis facis, & in meis
 fieri curasti, posse & in tuis fieri: nisi si iam ea
 fuisset apud multos auctoritas tua, vt qui con-
 tra te sentiat, nihil sentire, & qui respondere
 irato tibi ausit, nullus esse diceretur: & eius
 auctoritatis exemplum tale, non in Repub.
 minus quam Ecclesia esset intolerabile: mini-
 mēque ferendum sit. Meus veto in te amor,
 qui, vt vides, non solum me verbum facit,
 sed & reddit sollicitum (nam & res est solliciti
 plena timoris, amor) efficit, vt cū pspiciā, quæ
 te maneat dimicatio, nisi quiescas, iterūque
 iterūq; repetēs prioris Responsionis admoni-
 tionem, ingeminē istud, *si te contineas, feceris
 sapienter*. Nam *et alij quid religio sit, sciunt*. Quod

enim præteritis aliis, vnū me petere vis, alios etiam magis iritat. Ergo vt tibi tandem vale dicam, Ioannes Caluine vir clarissime, te obtestor, & per omnia, quæ te mouere possunt, sacra, obtestor, vt finem aliquem facias lacef-
fendi atque maledicendi: & religionis, cuius omnem sensum delent infausta hæc certamina, quàmque non in sola scientia hærere, sed in bona conscientia consistere, & sine charitate nullam esse, sæpe etiam monuisti, rationem habeas: nominisque Christiani, cui sempiternam maculam inurunt hæ concertationes, te misereat. Quo in statu nunc res sint, qua in perturbatione & confusione, nō ignoras. Eoque ruant omnia, vides. Etsi funestissimo bello non arderent omnia: tamen in animis flammæ odiorum accendūt hæc classica, quæ religionem, qua nihil tenerius est, infringūt & perturbant. Sine religionis autem sensu, quænam erit tua, quantūuis acuta sit, Theologia? Legisti fortasse, cuinam hæretico Theodorus olim exprobrauerit, factam ab eo esse *theologiam*. Sed si ex ea efficias artem mentendi, maledicendi, atque tumultuandi: quo eam (putas) nomine alij appellabunt? Ex fructibus autem si de schola tua iudicetur: qualem (existimas) philosophiam esse multi dicent? Vetus & nimium vera est illa Ciceronis querimonia: *Quotus quisque philosophorum inuenitur, qui sit ita moratus, ita animo & vita constitutus, vt ratio po-*

flulat? qui disciplinam suam, non ostentationem scien-
 tiæ, sed legem vitæ putet? qui obtemperet ipse sibi &
 decretis suis pareat? Videre licet alios tanta lenitate
 & iactatione, iis ut fuerit non didicisse melius: alios
 pecuniæ cupidos, gloriæ nonnullos: multos libidinum
 seruos, ut cum eorum vitâ intrabiliter pugnet oratio:
 quod quidē mihi videtur esse turpissimum, &c. Hæc
 ille. Non obiiciā tibi odiosius hāc hominis &
 Romani & ethnici querelam. Sed quia pre-
 candi finem facere non possum, iterum te ob-
 testabor, ut saltem Apostoli ad tuos Galatas
 præcepta quædam, quæ aliis sæpe commen-
 dasti, ipse audias, & ab eo saltem repetas ver-
 siculo, εἰς ἡμῶν δόξαν ἐκ κεφαλῆς &c. Denique
 eiusdem Apostoli concionē ab Ephesios con-
 iungas, & ad te tuosque nominatim scriptam
 esse cogites: cūque verba non das, sed facis,
 imprimis illi pareas: meminerisque Theolo-
 giam, quæ dicitur, alioqui esse vix posse. Apo-
 stoli verba, quæ tuo deinceps catechismo ascri-
 bas, sunt hæc: πᾶς λόγος σαπὼς ἐκ τοῦ σώματος ὑμῶν
 μὴ ἐκ πορεύσθω, ὅτι εἴ τις ἀγαθὸς πρὸς οἰκδομὴν τῆς
 ἑαυτοῦ, ἵνα δώῃ χάριν τοῖς ἀκούουσιν. καὶ μὴ λυπῆται πρὸς
 τὸ ἀγαθὸν τοῦ θεοῦ, ὅς ἐστι σφοδρῶς ὀνητικὸς εἰς ἡμῶν ἀπολυ-
 τὴν αἰσῶς. πᾶσα πικρία, καὶ θυμὸς καὶ ὀργή, καὶ κωνή, καὶ βλα-
 σφημία ἀφ' ἡμῶν ἀφ' ὑμῶν, σὺ πάση κακίᾳ γίνεσθαι ὡς
 ἡμῶν χριστοῖς, ὡς ἀποκαίριοι, χαλεκοὶ καὶ αὐτοῖς, καὶ ὡς
 ὁ θεὸς ἐν χριστῷ ἐξαείσεται ὑμῶν.

PARISIIS, M. D. LXII.
EXCVDEBAT. G V I L.
MORELIUS TYPOGRA-
PHVS REGIVS.



